

**NATIONAL ASSEMBLY OF
SEYCHELLES**

*Wednesday 29th November
2023*

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou zofisyé Lasanble. E bonzour nou piblik osi ki pe swiv nou. Byenveni pou nou travay ozordi. Nou pe kontinyen avek travay Komite. Madanm raporter, mon a demann ou apel delegasyon ki pe atann silvouple *Seychelles Revenue Commission*. Mersi Serzan. Nou a pas dan Staz Komite pou nou komans nou louvraz.

**SEYCHELLES REVENUE
COMMISSION**

MR SPEAKER

Bonzour e byenveni Minis pou Finans Plan Nasyonal e Komers, Mr Naadir Hassan. E egalman bann zofisyé Mr Fred Morel *Acting Commissioner*

General pou Seychelles Revenue Commission. Mr Paul Barrack *Commissioner for Customs*. Ms Annielle Desaubin *Accountant*. E Ms Christelle Betsy, *DG Support Services*.

E egalman nou swet byenveni zofisyé Finans ki avek nou souvan. Mr Patrick Payet *Sekreter Deta* e Ms Karen Bedier *Finance Analyst*.

Bon nou la pou pran Bidze *Seychelles Revenue Commission* ki lo paz 180 ziska 188 pou en total R205 milyon 418 mil. Minis, nou a komanse avek ou prezantasyon lo sa Bidze.

MINISTER NAADIR HASSAN

Mersi Mr Chairman. Mr Chairman, Onorab *Leader Lopoziyon*, Onorab pou Zafer Gouvernman, bann Manm Onorab e tou Seselwa ki pe ekoute bonzour.

Mr Chairman, Komisyon Reveni Sesel, SRC, i annan en alokasyon R205.481 milyon pou lannen 2024. Sa i reprezant en logmantasyon R24.87 milyon ouswa R13.77 pousan letan ou konpar avek Bidze revize pou lannen 2023.

Rezon pou sa logmantasyon i *comme suivant*; Alokasyon anba vot saler in ogmant par R9.7 milyon e sa i prensipalman aköz sa 10

poursan logmantasyon dan saler, anvi ki lannen 2024 i pou en lannen antye konpare avek 2023, ki ti pou zis 9 mwan.

Peyman trezyenm mwan pou nouvo anplwaye ki pe zwenn SRC an 2023.

Transfer bann *cleaners* ki pe sorti anba korporativ e aprezan pou lo *payroll SRC*.

E revizyon dan saler pou bann anplwaye ki lo *common cadre*.

Alokasyon Bidze anba byen e servis in ogmant par 10.68 milyon e sa i prensipalman anba sa bann vot swivan.

- Logmantasyon par R690 mil, pou bann depans operasyonnel pou nouvo anplwaye ki pe zwenn SRC.
- R9.55 milyon pou servis bann konsiltan etranze, ki pe travay lo nouvo sistenm *tax* e devlopman sistenm ladwann.
- Bidze anba *non-financial assets* i annan en total R9.5 milyon, pou nouvo batiman SRC.

Mr Chair, SRC i kontinyen enplimant serten mezir, pou moderniz e desantraliz son loperasyon ki an retour pou anmenn plis lefikasite dan

koleksyon reveni. Bann nouvo depans anba Bidze 2024 pou sa administrasyon i *comme suivant*;

- Akizisyon, servis bann konsiltan pou kontiny serten lenplimantasyon sa nouvo sistenm *tax* ek redevlopman sistenm Ladwann pou fer li vin pli modern. Sa pou permet SRC enplimant en sistenm *online* ki pli *user friendly* e pli efikas an term koleksyon *tax* e lenplimantasyon son bann aktivite *enforcement*.
- Akizisyon en *license* pou en *database* ki pou permet SRC fer serten analiz lo bann biznes, anba zot proze *transfer pricing*.
- E finalman lentrodkasyon en nouvo lofis ki pou baze Anse Royale ki pou fasilite tranzaksyon avek bann biznes ki baze dan sid.

Avek sa Mr Chairman, mon demann sipor Lasanble Nasyonal pou alokasyon Bidze Komisyon Reveni Sesel. E nou apre pou reponn okenn kestyon adisyonnal konsernan sa Bidze. Mersi Mr Chairman.

MR SPEAKER

Mersi. Minis Finans, nou a pran lentervansyon bann Manm. Nou a kontinyen avek en kestyon pou komanse, nou annan ziska 10er edmi lo sa. Mon krwar sa i donn tou Manm en sans egal kapab demann en kestyon lo sa Bidze. Onorab Gill?

HON CHURCHILL GILL

Mersi Mr Chair. Bonzour Minis ek ou *panel*. Dan zot *strategic priorities*, zot in fer sorti ki zot lentansyon 2024 a 2026 se pou maksimiz koleksyon reveni. E pou zot fer sa zot pe mazin pou zot *strengthening zot internal process, zot debt management, e surpressing zot bann non compliances*.

Avek tousala i kler ki zot annan serten, serten konsern pou konekte lakantite *tax* ki devret ganny kolekte. Alors mon kestyon, ki kantite *tax* zot in anmase pou 2023 an konparezon avek sa ki zot ti devret anmase? Mersi.

MR SPEAKER

Mersi Onorab. Minis? Sinyal mwan si en lot ki pou reponn silvouple? Zis lev lanmen. Wi, Mr Morel *Acting Commissioner*.

ACTING COMMISSIONER GENERAL FRED MOREL

Ok. Mersi Mr Chair. Bonzour bann Manm Onorab. Bonzour bann piblik ki pe ekoute. Pou *year to date* nou'n anmas nou R6.7 bilyon, an term *tax* reveni. *Against the full forecast* i 8 bilyon. So, i annan apepre en 1.7 bilyon pou Novanm avek Desanm ki pou nou kolekte. Mersi.

MR SPEAKER

Mersi *Acting Commissioner*. Onorab Arissol.

HON SANDY ARISSOL

Mr Speaker bonzour. Bonzour Minis avek ou lekip. Bonzour tou dimoun ki pe ekoute, enkli bann Manm Onorab. Mr Speaker, letan mon komanse mon ti a kontan, mwan mon kestyon pou lo *Customs*.

Mon ti a kontan dir mersi tou bann travayer *Customs*, ki letan nou zwenn zot an alan e letan nou pe antre dan pei pou bon travay ki zot a pe fer. Mon kestyon alor ki mon ti a kontan demande, se letan mon pe get Bidze i annan kot *Customs* i annan diferan group travayer.

I annan bann travayer ki'n vini bann zenn avek zot *Masters*, zot *PHD* avek zot *Degree*. E apre ou annan en dezyenm group travayer, bann ki'n la pou plizyer lannen, me ki pa neserman annan sa *degree*.

Me zot annan sa leksperyans travay, e se zot mazorit letan ki montre bann ki annan zot degre en pti pe mannyer pou demare.

Selman mon ti a kontan demande, ki sa Bidze pou *entail* pou sa group travayer. Eski zot kontinyen mor lo sa 2 bar lo zot zepol? Eski i annan *training*? I annan kapasite? I annan serten keksoz ki zot osi i benefisyé avek sa travay ki zot pe fer? Mersi bokou Mr Chair.

MR SPEAKER

Mersi Onorab. Mr Barrack pou reponn? Mersi.

COMMISSIONER FOR CUSTOMS PAUL BARRACK

Mersi Chair. Mersi Onorab. Bonzour tou bann Onorab. Bonzour tou dimoun a la lekout. Mr Chair, lo sa kote ki nou pe fer pou sa bann dimoun ki napa sa kalifikasyon an term Degre, *Diploma*, me selman ki zot dan sistenm?

Nou, nou pe kontinyen donn zot bann *training* praktik. Setadir bann lenstans kot nou kapab ganny bann dimoun eksperyanse *from overseas* ki vini, zot benefisyé avek sa *exposure*.

Resaman nou'n ganny 2 Ostralyen ki'n vini, 1 ti atase *Airport Cargo*. E tou sa bann zofisyé ki ti annan pou fer avek

bann aktivite ki sa msye ti'n vin kouver, zot ti benefisyé avek sa *training*.

E nou ti annan en lot zofisyé ki'n vini ankor sorti Ostrali, li i ti baze *head office Customs House*. Li osi i ti antrenn bann zofisyé *regardless of whether* ou annan en *academic background*, Degre ou *Diploma or not*, zot ti ganny benefisyé lo la.

E apre nou annan 2 Renyonnen ki vin Sesel anba program ki Sesel i annan avel *La France*, atraver sa program i annan 2 zot ki vini. *Up till this year* zot pe vin 2 fwa par lannen. E pou le moman zot travay konsantre plis *passenger terminal*.

E tou zofisyé *passenger terminal, again regardless* si zot annan en Degre oubyen non, zot pe benefisyé. E le 3 Desanm, i annan 2 zot pe vini ankor. E ankor tou bann zofisyé *passenger terminal* pou benefisyé. E lannen prosenn zot pou vin 3 fwa dan en lannen, e ankor tou bann zofisyé pou benefisyé.

Sa i 2 legzanp ki mon'n donner, kot nou annan bann dimoun etranze ki vin isi. Me lokalman, i annan bann *training* ki nou fer *in house* letan i annan en sanzman dizon dan prosedir, kot ou bezwen

eksplik sa zofisye ki mannyer sa nouvo prosedir pou marse. Sa bann zofisye osi zot ganny enkli.

I enportan ki nou enkli zot, pou fer sir ki zot kapab desarz zot louvraz korekteman e byen. So, me selman pou bann ki kapab debourye lo zot menm akademikman, i annan en *platform* ki apel *click WCO CLiCK* kot i annan apepre 37 diferan *module* ki atase direktteman avek aktivite *customs*.

Ou kapab al lo la, ou ganny ou *access code* ou antre ou swazir sa *module* ki ou anvi aprofondi ou lekor lo la e ou debourye. Sa pou bann ki kapab debourye lo zot menm.

E apre detanzantan i depan kote ki *unit* ou atase avek, i annan bann loportinite *workshop* ki ou kapab ale *overseas* oubyen ki ganny fer isi menm.

Pou donn ou en legzanp, *as we speak*, i annan en *workshop WTO* ki pe ganny fer lo *trade negotiation*. E sa pe ganny fer kot *Trade Division Board Room*, kot *SCCI* - kot *SCCI* pe ganny fer.

E sa i en *training lo trade negotiation*. I donn ou sa baz ki mannyer pou angaz dan bann negosyasyon, *on behalf of* ou pei *which is* Sesel dans a konteks.

E i annan 2 nou zofisye ki pe *attend sa training as we speak now*. Si mon pa tronpe sa *training*, i sipoze fini sa semenn.

So, detanzantan i annan bann diferan *training*. I annan ki nou anmenn dimoun; i annan ki lorganizasyon i vin isi. I annan ki nou menm nou *conduct*, pou fer sir ki tou dimoun i ganny sa lankadreman neserer, pou zot kapab fer zot louvraz korekteman e byen. E sa pou kontinyen an fir a mezir, *every year* pou kontinyen.

E lannen prosenn osi i annan en lalis diferan aktivite ki pou pran plas, pou *enhance knowledge, capacity, ability of* tou nou bann zofisye ki pou ankor ek nou *by next year*. Lo kote sa bout saler, mon prezimen Mr Fred petet i pou kapab elabor lo la. *Thank you*.

MR SPEAKER

Wi, Mr Morel pou azoute? Mon krwar en eleman esansyel dan kestasyon Onorab Arissol. Sirtou tou sa bann *training*, sa bann soz, pou permet zot ganny promosyon e *advancement*. Mr Morel, ou kapab adres sa briyevman vitman silvouple?

ACTING COMMISSIONER GENERAL FRED MOREL

Zis, les mwan mon ava eksplike. Enn bann legzersis ki nou pou fer *next year*, se reviz bann *entry requirements* osi pou bann *post*. Pou fer sir poudir ki nou pa focus zis lo bann *generic training*, me nou met plis *focus* bann *training* spesyalize *Customs Act* pou fer sir ki bann zofisy *internal* letan zot *apply* bann *post* zot kapab ganny bann promosyon zot osi. Mersi.

MR SPEAKER

Mersi Mr Morel. Onorab Lemiel?

HON SYLVANNE LEMIEL

Mersi Mr Chair. Bonzour Mr Chair. Bonzour Minis ek ou delegasyon, tou bann dimoun a lekout. Nou vwar poudir pou annan sa nouvo lofis, ki pou al ouver Anse Royale, e ki ti en demann. E nou vwar R90 mil in ganny mete dan Bidze pou sa.

E mon ti a kontan demande petet, konbyen *staff* pou annan dan sa lofis Anse Royale? Eski zot pe fer nouvo rekritman? Akoz mon konnen poudir zot osi kot SRC zot pe annan difikilte pou zot bann *staff* kalifye. Bann *staff* dan kalib ki zot, zot pe rode.

Eski pou annan nouvo rekritman pou zot kapab fer sir sa lofis Anse Royale i byen

ekipe? E konbyen osi zot pou pe pey *rent* letan zot pou Anse Royale?

MR SPEAKER

Mersi Onorab. Mr Morel pou adrese?

**ACTING COMMISSIONER
GENERAL FRED MOREL**

Mersi Onorab pou ou kestyon. Wi, nou pe fer provizyon. *Actually* i annan en *staff* ki'n montre lentere pou atase dan sa lofis. Apre *obviously* nou pou annan en *cashier*.

Parey la pou le moman nou pe servi lofis kot PUC, pou pli pre ek le 20 ek le 21 nou fer koleksyon. E nou war poudir koleksyon pe ogmante. So, i annan en demann kekfw pou nou al dan sa lofis.

So, pou kantite *staff* nou pou met 2; en *cashier* avek en kot *staff* ki pou asiste avek bann ledikasyon avek bann *queries* ki bann *taxpayers* i annan.

E pou lo kote *rent*, i R190 mil. Nou pa ankor fini ganny bann detay lagreman avek Minister kot MLUH akoz nou ankor pe esper zot avek bann demars.

Zot sipoze fer serten renovasyon avek sa landrwa kot nou pou baze. E apre nou osi base lo renovasyon ki'n fer,

bann pti keksoz bann lekipman - bann keksoz koumsa i annan ki nou *already* pe servi kot lofis *PUC* nou pou bouz avek.

E *whatever* bann lezot lekipman nou pou fer sir poudir i annan, pou nou kapab desarz nou responsabilite laba kot sa lofis. *Thank you.*

MR SPEAKER

Thank you. Mersi Mr Morel.

ACTING COMMISSIONER GENERAL FRED MOREL

Rent nou'n met en provizyon 90 mil dan Bidze. Me selman nou pa ankor finaliz negosyasyon avek *MLUH*. Mersi.

MR SPEAKER

Thank you. Onorab Labrosse?

HON RICHARD LABROSSE

Mersi Mr Speaker. Bonzour Minis. Bonzour delegasyon SRC. Bonzour tou koleg Manm Lasanble e tou dimoun a lekout. Mr Speaker, zis pou komans lo sa ki Mr Morel in dir, ki zot pe ganny en pe logmantasyon ki pe kontinyen antre dan pei.

E sa *definitely* li menm li i vin bann kous ki anmenn en pe larzan osi dan pei osi ler bann dimoun i pey zot *tax* lo la.

E avan mon komanse tou Mr Speaker. Mon ti a kontan osi

felisit bann travay *Customs* lo *airport* ki pe fer en louvraz vremen merveye. E mon'n vwar, mon'n ganny sans travay avek zot bann letan ki mon ti travay lo *airport*. Mon'n vwar bann difikilte osi bann defi ki zot pas ladan, i pa en louvraz ki tou dimoun i merit fer.

E sa osi pou anmenn mon lo mon lot kestyon konsernan *cargo* lo *airport*. E la vi ki festivite pe arive osi bann letan kot biznes osi pe monte dan pei, i annan osi bann logmantasyon ki pe anmennen. E sa mon konnen i pe anmenn en pe *challenge*, en pe presyon lo bann travayer laba.

E la mon ti a kontan konnen ki si dan sa Bidze ki nou pe al vote la Mr Speaker, eski i annan en larzan ladan ki pou amelyor en pe kondisyon laba lo *airport* sirtou kot *cargo* pou bann travayer?

E osi kekfwa pou met en pe plis *staff* osi ki a kapab parey nou dir an Kreol degaz en pe lasasen laba? Mersi.

MR SPEAKER

Mersi Onorab. Minis, ek ki nou a pas kestyon? Silvouple lev lanmen pou sa ki pou reponn? Mr Barrack? Mersi.

COMMISSIONER FOR CUSTOMS PAUL BARRACK

Mersi Mr Speaker. Mersi onorab pou ou kestyon. *With regards to* ki annan dan Bidze, pou ede *improve* en pti ep sa sityasyon *passenger terminal*, i se ki nou pe *recruit staff* adisyonnèl. Me selman sa i ti en program ki depi lannen pase nou ti'n fini prevwar.

Me selman se sa lannen kot nou'n kapab fizikman ganny sa bann dimoun, ki nou'n *interview* resaman. E mon pe prezimen ki dan *the next month also*, nou bann travay administrative e bann *paperwork* ava ganny fer pou *facilitate* ki sa *8 or plus* zofisye ki nou'n idantifye pandan *training*, pandan *interview* i kapab *join* sa lafors *passenger terminal*.

Me selman zot pou bezwen *go through* en faz *induction training*. E apre ki zot in fini konplet sa faz e ki nou'n determinen poudir wi, sa group ki nou bezwen pou *join* sa lafors *passenger terminal*, zot ava komans zot travay.

E si tou keksoz i mars byen mon prezimen ki *by* Zanvyè, Fevriye zot ava komans zot lantrenman.

MR SPEAKER

Thank you, Mr Barrack.

COMMISSIONER FOR CUSTOMS PAUL BARRACK

Pou lot parti ou kestyon, mon ava pas mikro avek ...

MR SPEAKER

I annan en lot parti kestyon. Wi Mr Morel oule adrese?

ACTING COMMISSIONER GENERAL FRED MOREL

Parey Mr Barrack in dir Bidze ki annan an plas i pou plizoumwèn lo kote *staff* pou *passenger terminal*, ki nou pe fer bann *recruitment*. E sa i pou kontinyen *until next year*.

MR SPEAKER

Thank you, Mr Morel. Onorab Loze?

HON JOHAN LOZE

Mersi Mr Speaker. Mr Speaker, *once again* mon pou retourn lo mon bann kestyon lo gouvènan entèn. Mr Speaker, mon ti annan en kestyon pou SS Payet.

Minister Finans se zot ki devlop Polisi *tax*. E 2021 par egzanp zot ti vin avek sa *tax holiday* ki'n benefisye zis bann gro lakonpanyen e bann *small medium enterprises* pa'n benefisye ditou. Mon kestyon pou zot, eski parey lo bann *Board*, i annan *very strong*

ethics scrutiny nou'n koz bokou lo la.

Mon oule konnen zot *internally* Minister Finans, eski zot fer *ethics vetting* letan zot pe konsevwar bann Polisi taksasyon? Eski zot konsider si i annan dimoun ki annan lentere? Si i annan ki afilye, asosye avek serten biznes oubyen avek serten gro investiser?

E zot annan mekanizm *internally* pou zot *deal* avek e *handle* bann diferan lentere e konfli lentere ki kapab *arise internally* ler zot bann Polisi *tax* pe ganny konsevwar? Mersi Mr Speaker.

MR SPEAKER

Mersi. Ou bann kestyon i vize ver Minister Finans. SS Payet i ava reponn.

SS PATRICK PAYET

Mersi Mr Chair. Mersi Onorab. Bonzour tou Manm Onorab e tou dimoun ki pe ekoute. Mr Chair, kekfwa zis pou komanse Polisi ki nou ti fer 2021 zis pou *advise* ki i pa ti zis pou bann gro biznes. I ti pou *across the board*, ki enkli bann pti biznes osi sa mezir ki nou ti met an plas si zot ti anvi en rediksyon lo bann *tax arrears* ki zot annan. So, i ti pou *across the board*.

Secondly in regard to striktir ki nou annan, parey zot konnen ki egziste dan Gouvernman, si i annan okenn zofisye ki enkli zofisye finans ki annan lentere. Par egzanp si i annan okenn lentere dan okenn biznes, premyerman avan i *acquire* sa lentere i bezwen demann en laprouvasyon.

So, i en prosedir ki egziste ozordi ki sa *staff* i ekrir en let kot *accounting officer*. E *accounting officer* i regarde ki lentere i kapab annan, baze lo ki divizyon i pe travay, e nou anvoy li kot *HR*.

E nou, nou bezwen anvoy sa dokiman laprouvasyon kot *PSB for form approval*. E apard ki letan i ganny sa *approval*, la ki i kapab kekfwa al dan biznes ouswa fer bann lezot travay an deor son striktir travay.

E osi parey zot okouran, lo *Board* osi *SRC* avan ler nou komans *meeting* okenn *meeting*, nou bezwen deklar okenn konfli lentere ki kapab baze lo bann diskisyon lo azanda *item* ki egziste dan *meeting*.

Parey zot konnen Minister Finans i travay konzwentman avek Polisi kot *SRC* e osi *at the Board* letan nou pe fer bann *proposal* pou met devan.

So, i annan bann striktir ki nou *feel* konfortab nou ki i

annan sa striktir pou protez okenn kekfw desizyon letan nou pe fer bann *policy proposal*.

E en *staff* osi aköz i bezwen annan sa *ethics*. Si i annan okenn keksoz ki i vwar ki annan konfli, i bezwen deklare e osi nou regarde si nou bezwen eskiz li dan diskisyon ouswa si nou *allow* pou li partisip dan diskisyon. Mersi.

MR SPEAKER

Mersi SS. Onorab William.

HON WAVEN WILLIAM

Mersi Mr Chairman. Bonzour tou dimoun ki a lekout. Bonzour Minis ek ou delegasyon. Mr Chairman, mon ti a kontan aport Minis latansyon lo latab 6. *Performance measures* latab 7.

Latab 6 letan nou pe koz lo *arrears recovered as checks of total arrears*. Epi *reduction in aged debt*. Mon ti a kontan ki Minis si i kapab eksplik Lasanble an menm tan piblik an deor ki pe ekoute.

Letan nou pe koz lo *arrears*, si i kapab dir nou konbyen aryeraz nou pe koz lo la? Aköz letan ou pe koz an term poursantaz ou pa pe ganny li vreman sa sonm aktyel. An menm tan letan nou pe koz lo bann *aged debt*. Bann *aged debt* i baze lo konbyen

lespas letan ouswa lannen ki nou pe koz lo la?

E eski i pou annan en serten moman, kot zot pou dir be la sa bann *aged debt* nou nepli kapab tay deryer, kot nou pou bezwen annan serten. Mon kapab dir pran en desizyon final lo la. Mon ti a kontan ganny en pti pe leksplikasyon lo la. Mersi.

MR SPEAKER

Mersi Onorab. Mr Morel.

ACTING COMMISSIONER GENERAL FRED MOREL

Mersi Onorab pou ou kestyon. An term det *Enforcement* ki nou annan *as end of October 2023* nou annan nou 1.2 bilyon. Nou ti konmans avek 1.3 bilyon *the beginning of the year*. E a lafen Oktob nou annan 1.2 bilyon.

E ladan, i annan diferan konponan an term parey i annan bann det ki dan obzeksyon, ki bann *taxpayer basically* pe konteste sa *assessment* ki nou'n *raise*.

I annan ki kekfw nou'n idantifye pou *write-off* ki i annan sa provizyon Lalwa *write-off* ki ti pase lannen pase. E nou pe travay pou nou *build* bann *case* ki pou anmenn devan pou sa bann *case write-off*. I annan bann spesifik provizyon anba Lalwa kan ki ou kapab *write-off*.

I annan ki kekfwa kot Reveni Tribinal ki nou ankor pe esper zizman lo la. I annan ki dan prosekisyon e i annan ki nou'n anmenn Ankour.

E letan nou pe get preski tou sa bann konponan ki mon'n mansyonnen. E i annan apepre 897 milyon ki i dan sa bann diferan staz ki nou pa pe tro kapab *pursue*. Akoz sa bann provizyon obzeksyon *write off* Tribinal.

E bann ki nou pe *pursue* atraver bann *enforcement activities*, i annan apepre 396 milyon ki nou kapab *pursue*.

MR SPEAKER

Wi, mon santi i annan en pwen ki kekfwa -. Onorab William oule eklersi en pwen?

HON WAVEN WILLIAM

Wi Mr Chair, akoz letan mon pe ekout Mr Morel. Letan nou pe koz an term lannen, mon anvi konnen poudir letan Gouvernman in sanze. Apepre ki kantite ki nou'n vin zwenn? E eski letan nouvo Gouvernman in vini i annan bokou sa bann keksoz ki ankor annan aryerez?

Epi an menm tan letan ou pe koz *write-off*, ou pe koz 1.2 bilyon. Be an term sa *write-off in terms of percentage* sa sonm ki nou pe koz lo la. Konmsi pou nou konpran en pti pe akoz 1.2

bilyon i en bon pti sonm larzan. Mersi.

MR SPEAKER

Mersi Onorab. Mon krwar kestyon orizinal in demande si i annan en – Wi Mr Morel *Acting Commissioner*.

ACTING COMMISSIONER GENERAL FRED MOREL

Mersi Onorab. Pou *write-off* nou ankor pe fer legzersis. I annan apepre 229 milyon ki nou'n idantifye. Be selman nou bezwen zistifye avek bann dokimantasyon. Nou bezwen fer sir poudir ki parey anba Lalwa i annan ki annan pou fer avek *hardship*. Oubyen bann det ki pa *economical* bann keksoz koumsa.

Ki nou bezwen fer sir poudir nou annan sa bann levidans, pou nou *gather* tou sa bann levidans avan ler nou kapab *submit* devan, poudir nou pou *write-off* sa det.

Det mannyer i marse an term pou bann *arrears*, i tou-l-e-z-an nou kre det. Parey mon'n eksplike poudir ki *at the beginning of* konmansman lannen, ti annan apepre 1.3 milyon.

So bann nouvo det ki nou'n kree atraver nou legzersis odit, bann *investigation* ki nou'n fer, nou'n *raise* ankor

404 milyon ki nou'n *raise*. So tou-l-e-z-an i pou annan nouvo det ki nou *raise*. Apre ki nou bezwen kolekte atraver nou bann legzersis odit *compliance* ki nou fer. Mersi.

MR SPEAKER

Mersi *Acting Commissioner*. Onorab Aglae.

HON EGBERT AGLAE

Mersi Mr Speaker. Bonzour Minis, Komisyoner, SS e *panel* antye. Mon kestyon i konsern koleksyon reveni *at* nou bann *entry point*. La mon pe koz spesyalman lo *airport*. Akoz yer nou'n antann en deklarasyon ki en sel endividi in antre avek 72 bout sak.

Mon le eklersi, akoz i ankor annan konfizyon deor parmi bann dimoun. Sirtou nou bann leve debourye *ok?* Ki zot fer konpran poudir ler en dimoun pe antre savedir avek son – i ganny en *allowance* par sa *airline*. Parey *Emirates* i donn ou 3. 3 - 23 ou antre avek e *anything in excess* ou bezwen peye, *ok?*

E en 23 pe kout ou environ R1800 ler ou pe peye. So si en dimoun pe antre avek 72 i tonm apepre si i pe 23 kilo. I tonm pran apepre R129 mil ki ekonomikman plito i ti fer en *container* i ti antre avek.

So baze lo sa mon ti a kontan konnen, akoz napa en Lalwa ki dir ou pa kapab ou annan en *X amount of kilo* ki ou permet antre avek. Napa en Lalwa ki dir sa. *Anything above* sa ki ou ganny donnen, *you pay*.

So, lo sa mon ti a kontan petet eklersi bann dimoun ki ankor dan konfizyon deor, sirtou bann biznes egalman avek bann ki personnel osi ki ale - ou konn nou Seselwa nou kontan fer *shopping* ler nou ale.

So eklersi nou lo sa size - *ok* si - baze lo sa bann deklarasyon ki in dir, ou pou bezwen pas an deor pou al fer ou *cargo*. E la ou annan ou bann *bill of entry* ki ou bezwen fer pou ou peye. So, i en kou adisyonnal ankor avek sa dimoun.

So eklersi nou byen kler la Minis ouswa Komisyoner, prosedir kler, e osi ki ou peye lo kote personnel si ou pe antre ek ou keksoz ki ekstra ki ou peye? E si ou biznes ki ou, ou bezwen fer pou ou peye osi. Mersi.

MR SPEAKER

Mersi Onorab. Minis.

MINISTER NAADIR HASSAN

Mersi Mr Chair. Mersi Onorab pou ou kestyon. Avan mon pas laparol avek Mr Barrack, pou

eksplik en pe prosedir, mon ti a zis anvi pas en pe lo rasyonal. Si ou pe vin avek plizyer sak. savedir ou pe fer biznes ou. Ki nou pe ankouraz ou, *do the right process of* met ou bagaz *through cargo*. Sa R500 pa pou aplikab.

PS Lebon, Mr Barrack avek SCAA ti fer *press conference* ti montre bann portre, bann *video* ki manner i ete ler sa kantite bagaz i antre. Lo *carousel* e sa bann dimoun i bezwen *pass through red zone* pou zot ganny fouye.

Nou kapab mazine lo sa kantite sak ler i pe fouye, i pa *as thorough as* i devret ete. Akoz ou pe *handle* en kantite bagaz *at the same time*. E osi i met pasaze - pasaze ordiner bann ki pa lo bann biznes ou rezon komersyal, i met zot retar.

Akoz nou le kree en kot *Arrival* kot en dimoun i vini i kapab pas vitman sorti dan *airport*. Sanmenm sa ki mon ti mansyonnen avanyer. Sa R500 i pa en *revenue generator* li.

I zis en *disincentive* pou dir ou be ou kapab vini ek ou kantite bagaz. Be selman pas li *through cargo*. *Because it's going to be cheaper* pou ou ki pas li *through passenger arrival*. *Passenger arrival* pa'n ganny *design* pou *handle commercial*

cargo li. *Cargo* li menm li ki'n ganny *design* pou sa.

So sanmenm sa ki nou pe ankouraz dimoun pou al dan sa direksyon. So, sa i rasyonal desizyon. Mon ava envit Mr Barrack pou eksplik en pe bann lezot pwen ki ou'n leve. Mersi.

MR SPEAKER

Mersi Minis. Mr Barrack?

COMMISSIONER FOR CUSTOMS PAUL BARRACK

Mersi Chair. Pou elabor en pti pe lo kot Minis in arete. Prosedir letan en dimoun i antre avek *consignment* dan sa legzanp ki ou'n donner i pe antre *passenger terminal*, i pou ganny demande pou kit son bann *consignment* deryer. Setadir sa 72 bout.

I pou ganny donner en *pending receipt as* levidans poudir in kit son bann zafer deryer. E apre lo sa *pending receipt* i pou ganny lenstriksyon *as to* ki i bezwen fer. Setadir i ou bezwen *raise* en *bill of entry*.

E prezan ou al kot ou lazans pou fer ou lazans fer ou *bill* pou sa 72 bout ki ou'n kit deryer. Ou donn ou bann dokimantasyon, *invoice*, *permit* si ou pe fer antre en keksoz ki *restricted*.

E prezan pou *bill* pou ganny *process* kot *Airport*

Cargo. Nou annan en lofis laba e sanmenm sa landrwa kot sa *bill* pou ganny *process*. Ler ou *bill* in fini ganny *process* ou lazans pou ganny notifie, poudir sa *bill* in fini *process* in pare pou peye. E peyman i ganny fer.

Once tousala in fini ganny fer, pou ou ganny enformen konman kliyan par ou lazans, pou ou ganny en kopi sa dokiman. Si ou le al *clear* ou menm oubyen si oule ou lazans al *clear* lo ou *behalf* sa osi ou kapab fer. Ou lazans i prezant son lekor kot *Airport Cargo Examination Unit*. Si sa keksoz in ganny transfer kot zot.

Akoz parfwa volim i bokou pa toultan ki *Airport Cargo* i kapab pran. I annan de fwa ki marsandiz i pou *elsewhere*. Be selman *still* anba *Customs Control* i kapab *Customs House* i kapab osi *FSA*.

So annou dir *Customs House* dan sa landrwa kot nou'n *allocate*. Ou'n ganny ou *bill* ou desann anvil *Customs House*. Normalman ou pou *call* pou dir poudir ou pe desann or zot, zot *call* ou si ou *bill* in pare. Pou dir ou vin tel zour, tel ler.

E ler ou vini ou prezant ou *bill* si ou *bill* in ganny *wrote red*. Then *obviously* sa bann 72 bout pou ganny ouver, pou ganny egzaminen. E si i annan keksoz

an plis pou ganny kit deryer. Si i annan keksoz ki *restricted* ki napa en permi pou siport li, li osi pou ganny kit deryer. E apre tou bann ki annord ou pou gannyen.

E prezan pou bann keksoz ki an plis ou pou bezwen pey ou *tax* lo sa osi, parey ki ou'n pey lo sa bann ki korek. E i annan en lanmann osi ki pou ganny enpoze lo la.

E letan en keksoz ki *restricted* in antre dan pei, san ki en permi ti ganny prezante pou siport sa, La osi en lanmann i kapab ganny enpoze e sa *consignment* i kapab ganny sezi.

Akoz Lalwa i donn sa opsyon pou sezi oubyen pou *release* avek en lanmann si zanmen ou'n nabou ganny en permi.

Akoz i annan de fwa marsandiz i arive. Sa moman ki i arive i napa en permi me apre ou ou'n met en aplikasyon e ou reisi gannyen ou permi. E si ou ganny ou permi e sa marsandiz i ankor la, *Customs* oubyen *SRC* i kapab pran sa opsyon, pou *release* sa marsandiz e enpoz en *penalty* lo la.

A okenn pwen ki dan sa legzanp ki ou pe donner, ki peyman pou ganny fer *Passenger Terminal*. Setadir ou pou ganny dir al kot *cashier*,

prezant ou *invoice*. *Cashier* a kalkile konbyen *tax* ou devret peye lo sa 72 bout. Sa i pa pou arive e i pa prosedir. Mon espere ki mon'n -. Mersi.

MR SPEAKER

Wi, mon krwar ou'n al an bon detay. Zis en klarifikasyon silvouple akouz nou'n deza pas en kantite letan lo la.

HON EGBERT AGLAE

Mersi Mr Speaker i enportan. Lo sa R500 la ki mon ti a kontan konnen. Eski i *across the board* ouswa i par bann bout ekstra? Si ou pe peye ler ou pe antre. Mersi.

MR SPEAKER

Yes, Commissioner Customs?

COMMISSIONER FOR CUSTOMS PAUL BARRACK

Mersi Chair. Mersi Onorab. Onorab, sa R500 dan konteks sa 72 i pou R500 lo *each of* sa 72 bout. Setadir pou 72 miltipliy par 500. Sak bout ki ou pe anmenn konman *commercial cargo*, li i annan sa R500 ki pou atase avek. Mersi Chair.

MR SPEAKER

Mersi *Commissioner*. Onorab Mondon?

HON TERENCE MONDON

Mersi. Mr Chair mon kestyon i lo – mon annan plizyer kestyon.

MR SPEAKER

Wi, pran enn.

HON TERENCE MONDON

Wi, en defi ki zot in fer resorti se logmantasyon dan bann loblignasyon enternasyonal ki zot bezwen *abide to*. Si zot kapab dir nou kwa sa bann nouvo loblignasyon e ki lenpak finansyel i annan lo SRC? Mersi Mr Chair.

MR SPEAKER

Mersi. SS?

SS PATRICK PAYET

Mersi Mr Chair. Mersi Onorab. Mr Chair, parey zot okouran ki *OECD* i annan bann revizyon ki i fer lo son bann standar. Par egzanzp *now*, nou pe travay lo kote nouvo standar ki'n mete lo kote *minimum global tax*.

E pou le moman parey zot konnen ki *OECD* pa ankor annan sa defi ki kalite lankadrem sa i pou ete. I ankor dan diskisyon. Me selman parey zot okouran letan enplimantasyon, *this is where* ki nou vwar ki kekfwa bann gran pei zot, zot annan en kantite kapasite zot kapab enplimant pli vit ki nou.

So, *this is where* ki souvandfwa letan nou pe *attend* sa bann *meeting* enternasyonal ki nou, nou met nou konsern as bann pti leta zil. Lafason ki kantite ennler sa bann nouvo lankadreman i vin anfors. Me selman *this is where* ki nou *build* en kantite nou kapasite.

Nou'n vwar ki par egzant SRC ki'n fer la in fer sir ki i pe *build* son sistenm elektronik. Kekfwa pou ed li kekfwa analiz en pe plis sa bann dokiman. Me selman definitivman nou pe travay avek *OECD* se pou zot kontinyelman donn nou en pe plis *capacity building*.

Akoz dan zot striktir *OECD* zot annan en *Unit* ki asiste pou *capacity building*. E mon krwar Sesel osi ki nou'n sanse aköz en *staff* ki ti travay avek SRC avek Minister Finans dan lepase. I fek ganny apwente lo kote dosye Sesel lo *capacity building*.

So i konpran en pe sistenm *tax* Sesel. So nou an konzwentman pe diskit avek zot. Me i en presyon kontinyel me selman avek lonterm ki nou pe vwar, ki nou pe *build* en pe plis kapasite, dan plas reakte avek bann striktir ouswa bann nouvo Polisi enternasyonal.

Pou nou en plis proaktiv ki kekfwa nou – e *this is where* ki par egzant letan zot in vwar

Bidze Minister Finans avek Bidze bann lezot antite par egzant SRC. Nou'n vwar ki sa i annan sa ogmantasyon osi dan *travel*. Pou nou kontinyelman *attend* en pe plis sa bann *meeting* enternasyonal. Mersi.

MR SPEAKER

Mersi SS. Onorab Herminie?

HON WILBERT HERMINIE

Bonzour Mr Speaker. Bonzour Minis ek *panel*. Komisyoner, mon pou retourn ankor lo ou *strategic priority maximizing revenue collection*.

Mon konpran sa departman i pe *deal* avek ler nou pe koz bilyon. Ou'n anmas 6.7. Ou target i 8 ekek bilyon. So, ou annan apepre en bilyon ki ou pa ankor anmase.

Eski sa i pou ziska lafen lannen ouswa ziska an Mars? Aköz nou, nou anvi ed zot pou kapab *maximise* koleksyon *tax*. So donn nou en pe detay kwa ki zot probleman ki zot *internal process* ki pe anpes zot anmas zot larzan dan *faster way*?

E eski sa i en *issue staffing* ki zot pa pe byen ganny peye? Aköz ou'n osi dir ki ou ganny difikilte pou *retain staff*. Se eski sa i en *issue staff*? Epi i pou kapab donn nou ki kantite *staff* i kapab annan dan sa departman.

Akoz nou, nou anvi ed zot anmas - *maximise* zot koleksyon dan plas nou fer monte bann *Board Members fee*. Nou ti kapab met larzan la dan sa divizyon pou anmas larzan pou Lepep Seselwa. Mersi.

MR SPEAKER

Mersi. Minis, nou a pas avek *Acting Commissioner*.

ACTING COMMISSIONER GENERAL FRED MOREL

Mersi Mr Chair. Mersi Onorab pou ou kestyon. Pou kolekte *tax* i annan sa *Unit* ki nou apel *Enforcement*. E i annan bann diferan mezir ki zot pran anba Lalwa pou fer bann koleksyon *tax*. Parey nou *garnishee bank account* bann dimoun ki pa peye, bann *garnishee* osi tou nou anvoy kot bann landrwa kekfwa ki sa bann dimoun i annan bann peyman ki zot pou resevwar.

Nou fer *fieldwork*. Nou anvoy let, telefonnen. Si en dimoun pa kapab pey son det annantye, nou negosye avek li pou fer sir ki i annan en *payment plan* ki rezonnab pou nou kapab kolekte. An term *staffing* dan sa *Unit*, i annan apepre en 20 ekek *staff* dan sa *Unit*.

So i pa tro en *issue staffing*. I annan en bon pe *case*, wi. Be selman enn bann *challenge* ki nou ti pe ki nou pe gannyen ki avek nou nouvo sistenm nou pe mazine, ki nou pe prezimen i pou ede, se ki mannyer nou *track* bann *case*, pou fer sir poudir ki letan nou'n dir en dimoun nou donn ou tan kantite peryod letan pou ou fer en tel aksyon. Dizon nou'n anvoy en let pou ou fer peyman oubyen bann keksoz koumsa, pou fer sir poudir i annan sa *proper follow up*.

So nou pe devlop sa *case management system*, pou fer sir poudir nou vin pli efikas an term ki mannyer nou *track* bann det. Nou kit *track of* bann det e nou *manage* bann det an zeneral. Pou fer sir poudir ki nou *improve* koleksyon lo la.

So si nou annan sa *tools* i pou ed bann *staff* aköz la i annan en bon pe louvraz *manual* ki bann *staff* i fer konmsi. Mersi.

MR SPEAKER

Mersi *Acting Commissioner*. Onorab Andre.

HON CLIFFORD ANDRE

Mersi Mr Chair. Mr Chair, mon kestyon i vize ver - avan mon konmanse mon ti a kontan remersi bann travayer e *panel*

ki la. Akoz mwan letan mon annan en *issue* mon *call*, ki swa pou distrik oubyen pou dimoun i ganny rektifye pli vit dan mwens dele posib. So alors mersi pou sa e kontinyen avek sa bon travay.

Mon kestyon se osi konsernan sa sityasyon kot *airport*. Nou'n koz lo ki modalite pe servi sa mon konpran parfetman. Me eski bann travayer ki pe travay laba, mon konnen zot pou ganny lespas ki a agrandi. Akoz nou nou'n al vizite e sa ti enn bann konsern. Mersi ki sa lespas pe ganny agrandi.

Eski bann travayer la ki pe travay, par lefet ki zot pe rod dimoun ankor. Akoz zot konnen poudir sa travay i en pe lour. Eski pandan letan ki zot pe espere pou ganny *additional workers*, eski zot pou get en pti pe lo *allowance* oubyen kondisyon saler sa bann travay? Akoz ki mannyer zot pe travay laba. Mersi.

MR SPEAKER

Mersi. *Panel?* Mr Morel?

ACTING COMMISSIONER GENERAL FRED MOREL

Mersi Mr Chair. Mersi Onorab pou ou kestyon. Pou lo kote saler, anba nou *scheme*, nou *scheme* mon krwar ti ganny fer

depi 2019. In ariv ler pou annan *review*. So *next year* nou pou bezwen pas lo la, pou nou gete ki mannyer nou kapab *review scheme*.

E sey gete si nou kapab met provizyon pou lenplimantasyon lannen 2025. So, la pou le moman i plis lo kote *recruitment*, ki nou pe fer, pou nou fer sir poudir ki nou annan ase dimoun ki pe travay pou bann *staff* pa tro fatigue konmsi avek zot travay. Mersi.

MR SPEAKER

Mersi *Acting Commissioner*. Onorab Gabriel.

HON CONRAD GABRIEL

Mersi Mr Chair. Bonzour *welcome panel*. Bidze pou koleksyon *tax 2023 VAT* pou *tourism*, ti'n ganny *forecast* pou *1.7 billion*. Me par kont sa ti ganny revize pou vin selman 855 milyon. Ouswa en sonm 215 milyon an mwens konpare avek Bidze 2023.

Mon ki mon ti a kontan konnen. Eski i annan pou fer dan laliny kestyon Onorab Loze. Eski sa pa i annan pou fer avek bann Polisi ki'n ganny met en plas tel parey sa *tourism levy*? Zis donn nou en pe detay egzaktaman kwa ki'n pase. Mersi.

MR SPEAKER

Mersi Onorab. Yes SS Payet?

SS PATRICK PAYET

Mersi Mr Chair. Mersi Onorab. Mr Chair, kekfwaw si mon *go back* lo kote VAT spesifikman lo *tourism*, ki letan ou regard Bidze 2023 ti apepre 1 bilyon, me selman letan nou'n fer revizyon dan *forecast* i 855.5 milyon. Ki sa ki'n fer nou fer revizyon 2023 i baze lo makro ekonomik *variables*.

E parey zot ti okouran letan nou pe prezant Bidze, nou ti estimen baze lo patern ki ti pe arive *the last sort of 4* mwan avan lannen fini, nou ti vwar ki patern ki ti annan *significant increase* dan *tourism*, ki ti pe antre dan Sesel.

Me selman letan nou'n regard *actual* nou'n vwar ki konpare avek sa *estimate*, ki nou ti pe dir *above 10* pousan *tourism arrival* konpare avek 2022, nou ti reviz sa estimasyon pou ariv 5 pousan.

So, *this is where* ki nou'n vwar sa rediksyon dan *forecast* pou sa lannen. Apre *secondly* letan ou regard *revenue* dan *tourism*, parey zot okouran ki i annan 3 gran lotel ki pe ganny konstrir Sesel ozordi. E i annan bokou akoz sa *VAT input* avek *VAT output*.

So pou zot letan zot soumet zot deza en *taxpayer*, zot soumet pou zot ganny *refund* en pe lo bann *VAT input* ki zot pe mete. So, sa en pe sa estimasyon me selman parey zot pou vwar ki 2024, 2025 sa in ogmante. Mersi.

MR SPEAKER

Mersi SS. Onorab Esparon?

HON REGINA ESPARON

Mersi Mr Chairman. Bonzour Minis avek ou delegasyon. Mr Chairman, enn manda *Revenue Commission* se pou *assess, collect, and account for all Government revenue*.

E mon rapel poudir an Avril sa lannen, ti annan sa Polisi ki tou bann laboutik ti'n bezwen fini met zot *cash machine* an plas. Mon ti ava kontan demande eski i annan en *monitoring* ki'n ganny fer, pou regarde si sa in ganny fer e i annan sa swivi pou regarde ki mannyer bann laboutik pe *manage* avek sa?

E ki kantite reveni an pousantaz kekfwaw zot in kapab anmase, atraver lentrodiksyon sa bann *cash machine* dan magazen? Mersi.

MR SPEAKER

Mersi Onorab. SS?

SS PATRICK PAYET

Mersi Mr Chair. Mersi Onorab. Zis pou *advise* ki *the monitoring* pe ganny fer par *SLA* baze lo *license*, kondisyon *license* ki'n ganny met devan. Me selman kefw a *to be a bit specific*, vre kefw a nou napa *data* lo kefw a estimasyon. Sa i en *assessment* kefw a bann *staff* letan pe *monitor* en pe lo koleksyon reveni. Nou kapab *share* sa bann *statistics once* ki nou fer en *assessment*.

Me en keksoz ki nou pe travay lo la konzwentman avek SRC, ki konsern direk kefw a lo SRC, bann kalite lezot sistenm ki nou kapab met an plas. Par egzanp enternasyonalman parey nou ti'n propoze dan lefase, nou annan en sistenm ki direktman sa bann *cash machine* e i *link* direktman avek SRC.

So, sa i en striktir ki nou pe mazin lo la avek lasistans bann lezot partener, ki nou anvizaze *hopefully in the next 2 years* pou met en striktir an plas.

Ki otomatikman *once* ki zot en dimoun i vini i aste sa komodite, otomatikman i al dan sistenm SRC. E SRC i kapab idantifye sa bann reveni.

So, sa i en travay ki nou pe kontinyen travay avek SRC. Mersi.

MR SPEAKER

Mersi. En klarifikasyon Onorab.

HON REGINA ESPARON

En klarifikasyon. Eski letan zot pe mazin dan menm laliny mazin *expand* li pou lezot sekter osi tou? Mersi.

MR SPEAKER

SS, ou annan en pwen klarifikasyon?

SS PATRICK PAYET

Wi, definitivman se pou nou travay avek bann lezot sekter osi. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Bonzour *panel*, Minis ek ou delegasyon. Bonzour bann *staff* e bann teknisyen Minister Finans e bann lezot zofisy SRC. Bonzour tou koleg Onorab e tou dimoun ki pe swiv nou deba lo sa Bidze bomaten.

Mr Chairman, mon pou pran en size ki'n ganny souleve. Mon ti a kontan ganny en pe plis presizyon lo sa size. Nou'n tann dir, ganny dir ki koleksyon reveni ti sipoze ler mon pe get *summary of fiscal outcome* pou

2022, ti sipoze an se ki konsern reveni zis *tax* ti sipoze R8.4 bilyon.

E nou koleksyon pou le moman dapre SRC i zis R6.7 bilyon. Savedir nou annan nou 1.7 bilyon ki pa ankor ganny kolekte. *Ok. So*, sa ziska la nou 6.7 e nou sipoze kolekte 8.4.

An total Mr Chairman, pei ti'n prozekte pou fer en koleksyon an total lo reveni nou koleksyon ti sipoze pou sa lannen 2023, ti ganny bidzete 10.6. In ganny revize pou 9.9. Ki fer ki ler mon pe ekoute la nou pou *way below* sa 9.9 menm ki lafen lannen i vini.

Alors kestyon Mr Chairman, ki nou bezwen demann avek Minister Finans, se akoz ki ou'n donn nou en prozeksyon Bidze, ki nou pe vot lo la, ki pa koresponn avek realite lenformasyon ki ou pe donn nou la bomaten?

E ki problem ki pe arive dan koleksyon reveni, ki bann *areas* ki ou pa pe kapab fer koleksyon? E ki mannyer sa pe afekte *going forward* finansman Bidze? E eski sa pou vedir ki ou pou bezwen *raise* plis larzan atraver bann lezot lenstriman lannen prosen vi ki ou pa pe anpes reveni?

E lo en pwen ki'n ganny pran par bokou Manm. Mr Chairman, i sa pwen bann

atraver e ou ava note ki plizyer Manm la anndan in pran sa size.

SRC i annan apepre 370 ekek *staff* si mon pa tronpe. E ladan ou annan ou apepre en 32 zot ki annan mon krwar 15 a 20 an. Ou annan apepre en 15 ki annan 30 an a 25 an. Mon krwar ti annan 2 ki ti menm annan 40 an a en moman.

E ler ou regarde sa bann dimoun in servi bokou letan dan sa landrwa. Me sa ki nou pa pe kapab gannyen e mon zwenn bann koleg, se en presizyon li mannyer SRC pe revwar *scheme*, pou ede *retain* sa bann *staff* ki pe travay pou bokou letan.

Akoz byensir zot annan bokou leksperyans e zot *provide* en loportinite pou bann zenn ki antre dan SRC. E akoz ki lannen pase SRC ti rann R12 milyon kot i pa'n kapab *recruit* bann travayer?

E zis an pasan Mr Chairman, mon ti annan en pwen pou Minis. Mon tyeke petet ou ava dakor ek mwan lo la?

MR SPEAKER

Ekout mwan Onorab ou'n met 2 kestyon deza. Permet –

HON SEBASTIEN PILLAY

Mr Chairman, ou annan 2 size. Ou annan koleksyon reveni ou annan *Customs*.

MR SPEAKER

Wi, wi, wi, wi. Be nou pou ganny letan retourn lo en lot moman. Annou zis gard menm lareg.

HON SEBASTIEN PILLAY

Mon ti le zis demann Minis si i okouran ki *Board SRC* in konplent lenterferans politik dan zot travay. Akoz Mr Speaker i okouran. Mersi.

MR SPEAKER

Ok alright. Ok Onorab mon'n dir ou nou a pran sa 2 kestyon. Ou a ganny sans demann lot. SS?

SS PATRICK PAYET

Mersi Mr Chair. Mersi Onorab. Kekfwa mon ava pran sa premye bout kestyon lo kote reveni *forecast* ki nou'n fer. Pou lannen 2023 ,kekfwa *this is where* ki mon krwar in en pe kekfwa la fason nou nou'n met nou latab, konpare avek *Acting Commissioner*. Lafason ki kekfwa ki in mansyonnen.

Si ou regard Liv Bidze espesyalman lo paz 7 *the details of revenue*, ki donn nou en pe lo latab, ou pou vwar ki nou pe

fer forecast 8.431 total tax revenue – ok?

So ladan parey zot pou vwar espesyalman lo paz 7 i annan *other taxes*. So, i pa neserman ki sa i – nou nou'n met li akoz klasifikasyon defini ki nou pe servi *GFSM* klasifikasyon *IMF* enternasyonal. Ki letan nou regard par egzanp *stamp duty*. *Stamp duty* i enkli ladan ou pou vwar ki *total tax revenue*.

Akoz endirekteman – *indirectly stamp duty* i en *indirect taxes* dapre nou klasifikasyon enternasyonalman avek *IMF, GFSM 2011*.

So si ou pou vwar ki i annan larzan ki pe ganny kolekte ki anba *SLA* lo paz 7. Par egzanp ou pou war *road tax* 138 milyon. Prezan si ou pou *deduct other taxes* 543 milyon, ou azout sa *levy* avek *turnover tax*. *SRC* li i annan en target pou sa lannen 8 bilyon 77 milyon. So sa son target sa.

So, mon repete se sa 8.4 bilyon ou tir sa *other taxes* 543 milyon. E ou azout sa *levy*, akoz definisyon nou'n met sa *tourism environmental levy* avek *hotel turnover tax* ki 125 e 64. Ki fer li en *target* 8 milyon, *Ok?*

So parey *SRC* in dir ki *actually* la zot in kolekte apepre 6.5. Nou'n vwar sa *target*

a pepre 1.5 *for 2 months*. Akoz kefwaw *Acting Commissioner* zis pou korize se sa *is at* Oktob.

So, i annan 2 *months'* *collection of taxes* ki *more a less* zot *collection* i a pepre 600 a 700 milyon par mwan zot koleksyon. So nou, nou ekspekte baze lo *growth* osi dan mwan Oktob *sorry* Novanm ek Desanm, toultan i sa 2 mwan ki SRC i kolekte plis larzan *tax*. Akoz tou bann sekter i fer sir ki zot pe pey zot *tax* avan lannen fini.

Secondly nou ki nou fer, letan nou'n konplet legzersis lafen lannen 2023, nou, nou get nou *end of year target*. E parey zot konnen Bidze i en keksoz ki nou travay avek tou le mwan baze lo performans bidzeter ki pe arive.

E nou, nou reste ki sa lafen lannen ki nou nou pe regard li lo kote *primary balance*. E nou nou ti ekspekte nou'n fer en *forecast* pou nou ariv en *balance budget just a small deficit* 2.4 milyon. E nou target det a pepre 64 milyon - 64 *percent of GDP*.

E baze lo la nou nou *anticipate* pou nou konplet sa lannen lo sa *primary in balance target* ki nou'n mete avek sa *debt target*.

So definitivman pou nou, nou pe travay konzwentman

avek SRC ek bann lezot sekter. Pou nou fer sir ki nou target ki nou'n mete *primary balance*.

Akoz *this is where* ki negosyasyon avek IMF nou'n mete se *primary balance*, ki pou ed nou redwir nou det baze lo sa 64 *percent of GDP* ki nou'n mete. Mersi Mr Chair.

MR SPEAKER

Acting Commissioner pou azoute.

ACTING COMMISSIONER GENERAL FRED MOREL

Mersi Mr Chair. Mersi Onorab pou ou kestyon. Mon ava eksplik en pti pe pou lo bann *challenge* ki nou'n gannyen avek *recruitment*. Nou'n ganny en pe retar avek nou bann *recruitment* pou sa lannen, nou ti annan a pepre 102 pozisyon.

E nou'n bezwen revwar nou bann stratezi ki mannyer nou fer *recruitment*. *The process* ti vin en pti pe long. Sa kantite pozisyon ki nou annan avek kantite dimoun dan HR, pou fer tou sa bann *recruitment* e osi bann *training* ki zot ti pe fer pou bann zafer RBM.

Nou'n bezwen reget lafason ki mannyer nou fer *recruitment*. Nou fer pli bann pli pti *batch* e fini sa prosedir *then* nou pran lot. Konpare avek avan nou ti *advertise* en ta

pozisyon *at the same time*. *By the time* letan nou fer *the whole process* i annan lezot dimoun ki'n fini ganny travay.

Selman enn bann lezot *challenge* osi ki nou pe gannyen se pou ganny bann *right candidate*. I annan en kantite dimoun ki *apply* me selman i annan en bon pe, kekfwazot pa *meet* sa *requirement* pou sa bann pozisyon.

So, la aktyelman bann priyorite ki nou pe *focus* lo la, pou fer sir poudir ki nou pe kapab *recruitment* sa bann pozisyon. E dan bann lannen ki pe vini nou pa bezwen pe rann sa bann larzan.

Akoz nou byen bezwen sa bann dimoun dan sa bann pozisyon. Sanmenm sa nou pann met okenn nouvo *post* pou lannen 2024. So, *within* sa bann *pool* ki nou annan nou pou *prioritise* nou bann *post* pou bann *areas* ki nou bezwen.

E apre fer sir poudir ki nou pe *focus* lo sa *recruitment*. Nou annan en target *within the next 6 months*, pou nou fer sir poudir ki *most of* bann *post* ki nou annan si nou kapab ranpli sa bann *post*. Mersi.

MR SPEAKER

Mersi *Acting Commissioner*.
Onorab Porice.

HON DOYACE PORICE

Mersi Mr Speaker. Bonzour Minis ek ou delegasyon. Bonzour tou bann Manm Onorab e tou dimoun a lekout.

Minis, lefe ki Praslin pe fer fas *fast tracking system*. Vi ki nou annan zis en bato pou le moman, e biznesmenn pe ganny en ta problem. E zot ti a kontan ganny serten priyorite zis parey ganny apwentman 8edmi bomaten dan plas en apre midi.

Eski dan sa Bidze i annan provizyon pou amelyor *fast tracking cargo* pou Praslin? Mersi.

MR SPEAKER

Yes, Mr Barrack.

COMMISSIONER FOR CUSTOMS PAUL BARRACK

Mersi Chair. Mersi Onorab. Menm avan sa Bidze i ganny prezante, kot *Customs* nou annan en prosedir an plas, kot nou *facilitate* bann *consignment* ki bezwen pran bato pou al Praslin.

E *as long* ki tou bann prosedir in ganny fer e i annord nou *fast track* sa bann tranzaksyon. *Provided* ki tou bann formalite in ganny konplete. E si i annan verifikasyon pou ganny fer. Verifikasyon i ganny fer dan en

timely manner pou ki zot kapab ganny zot bato pou transport zot keksoz Praslin.

Normalman si mon pa tronpe bato i kit environ 11 er bomaten. E laranzman i ganny fer lo tou le de kote setadir lo kote *Customs as well* lo kote sa lazans ki pe reprezant sa kliyan Praslin.

Me selman sa fasilite i la pou bann dimoun ki *compliant*. Setadir ou dokimantasyon i annord. Tou ou bann *paperwork* i annord. Non pa letan verifikasyon pe ganny fer, nou war nou konmans war *anomalies*. E prezan ou ekspekte pou ou *catch* ou bato 11 er. Sa i riske pa arive. Mersi Chair.

MR SPEAKER

Mersi *Commissioner*. Onorab Cosgrow.

HON WALLACE COSGROW

Mersi Mr Chair. Bonzour Mr Chair. Bonzour Mr Chair. Bonzour Minis avek ou tim. Bonzour Mr Fred Morel, *Deputy Commissioner*.

Mr Chair, bomaten mon kestyon i *about* i plizoumwen pou bann sekter biznes, sirtou bann pti mwayen antrepriz. E i an relasyon avek *tax planning* e mon viz lo ver Minister Finans. *Tax planning* i osi an zeneral

revenue collection planning. I annan en satiman deor parmi biznes ki zot pa pe kapab fer zot bann plan biznes, plan *tax planning*.

Akoz i annan tro bokou sanzman dan bann Polisi, koleksyon reveni, *tax* li menm, bann *fees* ki SS in koz lo la. Bann *fees* ki pa neserman *tax* kolekte par SRC. Par egzanp *stamp duty*. Par egzanp bann *levies* ki'n ganny enplimante. Yer nou'n war *Planning* in enplimant zot bann *fees*.

So, an zeneral dan striktir koleksyon reveni pa tou ki relye avek SRC. An zeneral dan striktir koleksyon reveni i annan tro bokou sanzman, tro bokou mouvman san gran konsiltasyon avek sekter. Sirtou bann kot i annan groupman par egzanp *Tourism*, par egzanp *Chamber of Commerce*.

So napa ase konsiltasyon e i annan en *feeling* ki nou pe zis met bann *fees*, bann *taxes*, bann *levies* zis pou nou kapab bous trou reveni e napa *proper tax planning*.

So eski Minis or SS i kapab dir nou eski zot annan en plan petet *medium term*, lo ki mannyer nou kapab senplifye sa sistenm *tax* ki la ozordi? E ki mannyer nou kapab donn biznes serten pa *heads up*, me

selman lendikasyon lo ki direksyon nou pe ale avek par egzanp bann *fees* ki nou pou entrodwir pou zot kapab *plan* zot biznes pli byen?

Akoz ler en zafer i vini zis en sel kou i afekte lafason ki zot *plan* zot biznes. So eski nou annan en plan koumsa?

MR SPEAKER

Ok, Onorab nou'n konpran ou.

HON WALLACE COSGROW

Wi e an pasan Mr Speaker –

MR SPEAKER

An pasan i en lot kestyon?

HON WALLACE COSGROW

An pasan i pa en kestyon li. I en kestyon me selman i pa en kestyon. An pasan bann *staff Customs* pe demande kan zot pou ganny sa *meeting* avek Minis. Akoz zot ankor pe espere we zot pa ankor ganny *meeting* avek ou Minis.

So silvouple avan Desanm i fini donn zot en *meeting please*. Mersi. Akoz zot war ou pase ler ou sorti *overseas* ou zwe pa war zot. Mersi.

MR SPEAKER

Mersi. Minis ou pou pran kestyon, wi.

MINISTER NAADIR HASSAN

Mersi Mr Chair. Mersi Onorab pou ou kestyon. Lo kote *tax planning* e la mon pe koz lo *tax* ki anba manda Minister Finans, e ki ganny anmase par *SRC*. Sel nouvo *tax* ki ti ganny enplimante sa lannen se *the turnover tax* avek *the environmental levy* pou Sekter Tourizm.

E *the announcement* ti ganny fer dan Bidze 2023 an Novanm lannen pase. So, ti annan ase dele letan. Ti annan konsiltasyon par Minister Finans, *Tourism*. E annefe bann konsiltasyon ki'n osi ti *lead to* serten sanzman. Li menm sa in montre poudir ki ti annan konsiltasyon. I sipoze konmans an Avril nou ti *extend* li to an Out. Ankor sa ti an rezilta konsiltasyon.

So mwan parey mon ti'n dir dan *interview* dan lepase, sa lakizasyon poudir ti napa konsiltasyon mon pa vreman agree avek. E ti annan konsiltasyon e sanmenm sa ki in annan tou en lalis sanzman ki'n ganny fer dan Polisi.

So mwan mon tout an faver pou donn *certainty*. E mon kontan Onorab pe koz lo biznes. E Gouvernman ti fer desann to *tax from 30poursan to 25poursan* pou ed bann biznes. In met bann *tax holiday*.

Mon kontan ki Onorab Cosgrow li in apresye sa, kantmenm serten lezot Onorab in kritik Polisi, poudir ki nou'n fer desann *tax* pou gro biznes. Me mersi Onorab.

MR SPEAKER

Klarifye – non si en kestyon pann ganny reponn wi ou kapab klarifye.

HON WALLACE COSGROW

Mon pou klarifye en keksoz ki mon pa'n dir ki Minis i dir mon'n dir.

MR SPEAKER

Ale, wi, *ok*.

HON WALLACE COSGROW

Mr Chairman, mon pa'n - a okenn pwen dan mon lentervansyon mon pann dir poudir mon pa'n koz lo *tax holiday*. Mon'n dir poudir mon pe koz pou bann biznes. Zot in vwar ki poudir i mank serten konsiltasyon dan lafason ki Gouvernman i enplimant son bann sistenm *tax*. Se sa ki mon'n dir e non pa *tax holiday*. Mersi bokou Minis.

MR SPEAKER

Ok mersi. Onorab Roucou.

HON MICHEL ROUCOU

Mersi Mr Chair. Bonzour *à tous*. Laplipar mon kestyon in fini ganny pran. Be selman si zot kapab dir avek nou *Minister*, SRC apepre konbyen *staff* an zeneral zot annan? E osi zot in koz en pti pe lo kote *recruitment*. Konbyen *recruit* ki SRC i sipoze fer pou lannen 2024? Mersi.

MR SPEAKER

Mersi. *Acting Commissioner, yes.*

ACTING COMMISSIONER GENERAL FRED MOREL

Mersi Onorab pou ou kestyon. An se moman nou annan nou apepre 367 *staff*. E pou 2024 nou annan *well* depi la sa lannen ziske 2024. Nou annan apepre 102 pozisyon *vacant* ki nou pe sey *recruit* ladan. I annan ki nou'n konmans *recruitment* la. Ki nou'n fini idantifye serten kandida ki pou pe konmans zwenn nou la *early* Desanm.

MR SPEAKER

Thank you, Acting Commissioner. Onorab Uranie.

HON ROCKY URANIE

Mersi Mr Speaker. Bonzour Minis avek ou delegasyon, tou koleg Onorab e tou zabitan Zil Pros ki a lekout. I annan komanter deor ki *Tax* ler ou

drwa li vitman i vin kot ou pou vin fer koleksyon. I annan dimoun osi ki dir ki *tax* dan fason zot dir *commonly tax* i drwa zot.

Eski i annan dimoun oubyen kliyan, biznes ki *tax* i bezwen rann larzan? Si wi konbyen larzan nou pe koze? E si sa larzan osi i form par sa 6.7 bilyon ki ou'n dir.

MR SPEAKER

Mersi. *Acting Commissioner, yes?*

ACTING COMMISSIONER GENERAL FRED MOREL

Mersi Onorab pou ou kestyon. Wi, i annan bann biznes ki letan zot fer serten peyman zot *overpay*. Parey en legzanp *business tax* i annan sa *advanced payment* ki ou fer. *And then* a lafen lannen letan ou *tax return*, ou kapab *either* ou dwa an plis oubyen *from* sa ki ou ti'n fer sa *prepayment*, ou ganny *refund* sa ladiferans si i pli ba. I annan dan sistenm VAT osi tou ki annan *refund*.

So, i annan bann biznes ki i pou annan serten *refund* ki zot pou *claim* tou le mwan. Selman i pa fasil pou ganny en total, akoz i pa en keksoz ki *fix*. I en keksoz ki bouze dapre deklarasyon ki sa biznes i fer

tou le mwan oubyen a lafen lannen.

So, i annan sa dele letan parey anba VAT ki nou *refund*. Parey pou VAT la pou *total refund* ki nou'n fer pou sa lannen. I apepre R467 milyon ki nou'n *refund* pou sa lannen *until* lafen Novanm - la Novanm.

MR SPEAKER

Mersi *Acting Commissioner*. Klarifikasyon Onorab, wi.

HON ROCKY URANIE

Mersi. Wi, Mr Morel, dan sa 6.7 milyon ki ou'n dir nou, eski ladan i annan larzan ki ou bezwen al *refund*? Mersi.

MR SPEAKER

Ok. Mr Morel.

ACTING COMMISSIONER GENERAL FRED MOREL

Mersi Onorab. Sa 6.7 milyon in fini tir *refund* ladan. So, son *gross revenue* i ti pou pli o ki nou'n kolekte. Selman sa i *net of refund*.

MR SPEAKER

Thank you. I reste nou petet 10 minit. I annan letan dezyenm kestyon. Mon a pran – *sorry* mon pa konnen si mon pou kapab pran tou. Onorab Pillay ti'n deza endike i annan en kestyon mon a donn li.

HON SEBASTIEN PILLAY

Mersi Mr Chairman. Mr Chairman, mon pa pou fer –

MR SPEAKER

Silvouple wi, nou a sey fer li bref pou permet tou dimoun.

HON SEBASTIEN PILLAY

Fer li ase bref pou tou dimoun kapab ganny en sans demann kestyon. Mr Chairman, mon kestyon i *relate* lo sa pwen konsiltasyon lo bann desizyon ki tax pe pran. Minis, ler ou'n reponn sa kestyon, ou pa'n dir kwa ki ou pe fer pou *improve* sa relasyon konsiltasyon.

E nou ti a kontan konnen akoz bann biznes pe santi poudir i annan sa mank konsiltasyon sirtou bann ki en pti pe pli ba.

Prezan ler ou pran sa bann desizyon zot, zot bezwen pe *catching up*. Par egzantp resaman i annan en *outcry and then* Gouvernman i vini i fer *press conference*.

So eski zot pou sanz lapros pou ki i annan plis konsiltasyon avek zot pran bann desizyon? E reponn lo pwen *staff* byen vitman Mr Chairman.

Lo size sa bann *long serving staff*, eski zot pe mazin

revwar sityasyon ki zot annan pou zot kapab *retain* sa bann *staff* ki annan sa leksperyans? Mersi Mr Chairman.

MR SPEAKER

Mersi. Kestyon *staff* in ganny adrese plizyer fwa. *Panel*, Minis nou annan 10 minit apepre. Si nou kapab reponn vreman vitman. SS?

SS PATRICK PAYET

Mersi Mr Chair. Mersi Onorab. Kekfwa zis pou azoute ki par egzantp letan nou regard *tourism sector*, souvandfwa osi bann lezot sekter, souvandfwa ou fer konsiltasyon ki *staff* i ale *from* Mahe, Praslin, La Digue, pou regarde avek zofisye SRC. Zis apepre 5 a 6, 7 dimoun ki vin *attend* konsiltasyon.

Selman letan i pe apros kekfwa sa mwan ou pe enplimant sa *tax*, akoz *way back* ou'n konmanse. Par egzantp, si nou pran sa *tourism levy* letan nou ti'n al Praslin ti annan apepre zis 10 reprezantasyon.

Letan nou ti'n al Mahe *the whole ICCS* ti annan apepre zis 8. Letan nou ti'n al La Digue ti annan - . La Digue mon krwar ti annan en pe plis. Ti annan plis ki 10.

Ou vwar ki nou pa konnen anler kekfwa letan nou pe

anvoy kot lasosyasyon, kekfwazot pa pe fer zot bann *members* okouran.

Me selman nou, nou pare pou travay avek tou sa bann lasosyasyon, pou kontinyen dan bann konsiltasyon, espesyalman letan nou pe enplimant nouvo *policy*.

MR SPEAKER

Ok, mersi. Nou a pran kestyon Onorab Andre.

HON CLIFFORD ANDRE

Mersi Mr Chair. Vitman Minis ti annan sa lodit ki ti pe ganny fer lo bann sityasyon *transfer pricing* pou bann 5 zetwal ensidswit, ki zistans i ete e eski i Gouvernman in nobou kolekte serten reveni lo la? Mersi.

MR SPEAKER

Thank you. Acting Commissioner?

ACTING COMMISSIONER GENERAL FRED MOREL

Mersi Onorab pou ou kestyon. Pou lo kote *transfer pricing*, ti annan Lalwa ki ti revize boner sa lannen. E osi i annan 2 regilasyon ki'n fek vin an fors.

I annan 3 konsiltan ki pe asiste nou avek proze *transfer pricing*. I annan 2 ki – enn ki la en pe *long term* enn ki *short term* i vini. Apre i annan enn ki

nou pe benefisyè avek anba program *tax inspectors without borders* avek *OECD UNDP*.

Pou le moman nou pe fer bann *risk review*. I annan apepre 24 *case* diferan sekter. Lamazorite i pou dan bann sekter touris, lotel, selman i annan bann lezot sekter osi tou. I annan 8 *case* ki nou'n fini idantifye. Nou'n konmans odit lo la baze lo zot bann *risk* ki annan.

Vi ki sa regilasyon osi tou fek vin an Mars, nou pe fer en bon pe ledikasyon pou *educate* bann *tax payers* ki *transfer pricing* pou afekte zot. Pou fer sir poudir zot konpran regilasyon ki zot bezwen fer.

Akoz i annan bann *extra* dokimantasyon ki zot bezwen mentenir. Apre i annan bann *extra schedule* dan *Business Tax Act* ki pou sorti *next year* ki zot pou bezwen ranpli.

E *at the same time* nou'n fer provizyon osi tou pou pey en *license* pou en *transfer pricing database*. Akoz letan ou pe fer sa bann odit. Sa bann odit *usually* i pran en bon pe letan pou konplete. Akoz i annan en kantite *analysis* ki ou bezwen fer.

So that's why ki nou pe rod *license* pou sa *database*. Akoz nou bezwen fer sir poudir

ki letan nou fer sa bann *analysis* si demen sa bann *case* i al Ankour, nou kapab zistifye nou bann travay, nou bann *analysis* ki nou'n fer lo la. Mersi.

MR SPEAKER

Mersi *Acting Commissioner*. Onorab Lemiel.

HON SYLVANNE LEMIEL

Mersi Mr Chair. I annan bann *clearing agents* aparaman ki pe rankontre serten problem. E zot pe fer resorti ki i annan bann *bills* kekfwa ki i annan 5 an, i annan ki 10 an ki pa ankore kapab fini *clear*.

Prezan zot santi ki sa i vin en pe en problem pou zot. Mon ti a kontan konnen petet ki zot pe fer. Onorab William, in tous en pti pe lo la. Me selman nou le konn sa bann *outdated bills* ki annan biznes ki'n menm fermen ozordi.

Ki arive avek sa bann *tax* pou sa bann biznes ki zot pa ankore kolekte? E menm sa bann ki'n fermen ki desizyon zot pe mazin pran dan sa laliny? Mersi.

MR SPEAKER

Thank you. Panel. Yes, Mr Barrack briyevman.

COMMISSIONER FOR CUSTOMS PAUL BARRACK

Mersi Chair. Chair, dan konteks – Mersi Chair. Mersi Onorab. Dan *context Customs* letan en *clearing agent* i pran sa responsabilite pou li fer en *bill on behalf of* en lorganizasyon, i osi pe pran *liability* lo sa deklarasyon. I *equally liable* pou sa *consignee* ki pe fer sa travay pou li.

Setadir *the principal*. I *liable on behalf of the principal as well* ler i pe pran sa responsabilite pou fer sa *bill*.

So si in pas en serten kantite sa *bill* pann ganny peye, nou pou vin *after* li osi tou pou demann li pou peye, *as well as after the principal*.

MR SPEAKER

Thank you.

COMMISSIONER FOR CUSTOMS PAUL BARRACK

I hope mon'n ekersi sa. Sa i lo kote Customs.

MR SPEAKER

Thank you, Acting Commissioner. I de konn sa. Onorab Gill.

HON CHURCHILL GILL

Ya -tre bref. Lannen pase Minis ti fer sorti konsern konsernan 7 gran lakonpanyen ki zot, zot

pa ti pe pey zot *tax*. Me la dan sa 6 bilyon ki ou dir nou ou'n anmase, eski sa bann dimoun zot, zot in konmans peye oubyen zot in peye? Mersi.

MR SPEAKER

Thank you. Lo kote *panel?* Minis?

MINISTER NAADIR HASSAN

Mersi Mr Chair. Mersi Onorab pou ou keston. Mon mazine mon ti pe fer referans avek Sekter *Tourism*, wi. E sa i enn rezon ki nou ti anmenn sa *turnover tax*. Akoz lo kote *business tax*, i annan fason ki ou zwe ek profi pou ou deklar en *taxable loss*.

So avek *turnover tax* vi ki i baze lo *turnover* ou pa kapab zwe avek *unless* ou *under declare* ou *income*. So nou ti anmenn sa pou nou anmas larzan kot nou ti war i pou pran plis letan.

Akoz i annan bann eleman *transfer pricing*. I annan bann odit ki bezwen ganny fer. Me sa ou pa pou ozordi demen anmas sa larzan. I pou pran letan.

So, sa i en louvraz ki *SRC* li i pe fer lo kote *transfer pricing*. E osi met en pe plis resours e devlop plis kapasite pou fer bann *tax audit*. Be selman *in the short term* nou annan sa

turnover tax pou nou anmas sa larzan. Mersi.

MR SPEAKER

Thank you. Sa i konplet mon lalis. Fotespere mon pa'n mank personn. Mersi bokou. Nou a prezan kapab vot lo Bidze pou *Seychelles Revenue Commission* ki lo paz 180 ziska 188 pou en total R205,418 mil. Manm ki an faver lev lanmen silvouple? Mersi. Okenn Manm ki vot kont?

Lo Bidze *Seychelles Revenue Commission* pou en total 205,418 mil 22 Manm in vot pour, 0 kont, 0 abstansyon. Sa Bidze in aprouve par Lasanble.

Mon a remerisye bann zofisye *Seychelles Revenue Commission* ki pe kit nou.

Mon krwar *SS Payet* ek Minis pou avek nou pou larestan biznes bomaten. Mersi bokou e bonn kontinyasyon dan zot travay. Nou ava *adjourn* e nou a rebran ller.

(BREAK)

FAIR TRADING COMMISSION.

MR SPEAKER

Yes Onorab. Nou pe pran Bidze *Fair Trading Commission*. Les

mwan premyerman dir bonzour e byenveni bann zofisye ki'n zwenn Minis ek SS. Madanm Nathalie Edmond *CEO Fair Trading Commission*, Madanm Fredericka Confait-Poussou *Deputy CEO* e Ms Medlynn Quilindo *Assistant Accountant*.

Bidze *Fair Trading Commission* i lo paz 171 ziska 179 pou en total R16,715 mil. Minis ou a fer revi lo sa Bidze.

MINISTER NAADIR HASSAN

Mersi Mr Chairman. E bonzour a tou Seselwa ki pe zwenn nou pou ekout diskisyon lo Bidze *Fair Trading Commission*.

Mr Chairman, pandan lannen 2023 Komisyon Komers Zis ouswa *FTC*, in vreman aktiv dan plizyer demars, pou fer sir ki son manda ki anliny avek son Lalwa *Fair Trading Act, 2022*, i ganny respekste. E ki konsonmater e biznes i konn zot drwa e zot responsabilite vizavi sa nouvo Lalwa.

Avek lentrodiksyon sa nouvo Lalwa, bokou travay in fer par *FTC* pandan sa lannen. Zis pou sit detrwa legzanp avek regilasyon ki fer posibilite donn lanmann pou lofans komet anba *Fair Trading Act 2022*; setadir regilasyon pou bann *prescribed forms*, *FTC* in donn 142 notis e anmas en sonm lavaler R1.36 milyon depi

konmansman lannen ziska lafen Oktob 2023.

Sa i kapab ganny konpare avek R497 mil kolekte an 2019, ki ti enn bann pli o sonm lanmann donnen par *Board of Commissioners* pandan bann lannen 2018, 2019.

FTC in osi lans en kanpanny pou konsonmater avek tenm "Ou prodwir, ou servis, ou drwa e ou responsabilite". Sa i annan pou bi edik konsonmater lo zot drwa anba Lalwa *FTC*. Me an menm tan i enportan ki konsonmater i osi konn zot responsabilite an ver sa menm Lalwa.

Travay in osi fer o nivo Tribinal ki'n konmans son travay an Avril sa lannen. Ziska prezan *FTC* in reisi ganny tou son bann ka ki in fayle devan Tribinal.

Alors Mr Chairman, malgre bann defi ki *FTC* i fer fas avek pandan sa lannen, in esey vwar bann meyer fason pou kontinyen delivre dapre son manda.

Mr Chairman, pou lannen 2024, *FTC* pe ganny li en sonm R16,715 mil konman alokasyon bidzeter, ki reprezant en logmantasyon R1.286 milyon, an konparezon avek Bidze revize pou lannen 2023 ki ti R15,428 mil. An poursantaz sa

i vadir en logmantasyon 7.98poursan.

Mr Chairman, sa logmantasyon i plito ganny vwar lo kote saler e ganny reflekte atraver lazistaz dan saler serten travayer, anliny avek zot *incentives scheme*. I osi enkli kreasyon en nouvo *post* pou en *Senior Office Assistant*, ki pou ede fer travay deroul dan en fason pli organize e vit espesyalman dan departman sipor.

Sa sonm i osi enkli lazistaz saler pou *incentive scheme*, bann *post* dan kad zofisyè resours imen e lenformasyon, kominikasyon teknoloji.

I enportan note ki i aktyelman annan en pti rediksyon alokasyon pou byen e servis. E sa i montre ki *FTC* in pli efikas avek son Bidze ki konsern bann byen e servis. *FTC* pe anvizaz e pou kontinyen rod lezot mwayen atraver son bann lobzektif stratezik, pou kontinyen vin pli efikas, san konpromiz son kalite e lentansite servis pou delivre son manda.

Mr Chairman, avek sa prezantasyon, mon demann sipor Lasanble Nasyon pou Bidze Komisyon Komers Zis. E nou pare pou reponn okenn kestyon adisyonnèl konsernan sa Bidze. Mersi Mr Chairman.

MR SPEAKER

Mersi Minis. Nou a pran entervansyon bann Manm. Nou annan 45 minit pou sa Bidze, fotespere i ava ase. Annou reste ekonomik avek letan. E nou ava al lo en kestyon premye. Onorab Naidu.

HON SATHYA NAIDU

Mersi Mr Chair. Bonzour Minis ek ou delegasyon. Zisteman an relasyon avek *FTC* an sa ki konsern zot manda. Zot in fer resorti dernyen pwen “*to ensure that good and services meet quality standards*”.

Ozordi zour nou konnen ler nou regard nou marse lokal i annan en kantite komodite e lezot ankor, ki nou kapab dir pa neserman zwenn *the quality standards*. So dapre zot *what exactly is the standards?*

E dezyenman, eski i annan okenn posibilite pou regard a lonterm an se ki konsern *import control?*

MR SPEAKER

Minis.

MINISTER NAADIR HASSAN

Mersi Mr Chair. Mersi Onorab pou ou kestyon. Annefe i annan en louvraz ki avanse *FTC* in fer pou anmenn sa bann *technical standards*. E zot in fer en

premye diskisyon avek mwan, pou regarde ki bann *requirement*, ki pou ganny enpoze lo bann enportater ki pe fer vini bann - sirtou i konsern bann *electrical goods*. Kot nou war i annan plis problem.

Be selman *advise* ki mon donn *FTC* pou zot fer ankor en pe plis louvraz ek konsiltasyon. Ki nou le fer sir ki poudir ler nou met sa bann *requirements*, akoz i annan lenpak lo bann enportater en pe pli gro, ki zot kekfwa zot annan zot *authorised dealer*.

Zot annan relasyon pli formel avek zot *supplier*. Me i annan bann lezot bann pli pti *importer as well* ki zot kekfwa zot relasyon pa neseserman formel. E zot kapab ganny difikilte ganny serten dokimantasyon.

So mon'n dir ek *FTC go back* fer sa konsiltasyon avek tou le de kategori, ki zot ganny en bon nide ki bann *challenges* ki pou ganny rankontre dan fer vini sa, enplimant sa bann standar.

So annefe sa bann standar i la. La i dan faz konsiltasyon e pou nou regarde ki *what is the best way of implementing it*. Mersi.

MR SPEAKER

Mersi. Onorab Lemiel?

HON SYLVANNE LEMIEL

Mersi Mr Chair. Bonzour nouvo delegasyon sorti kot *FTC*. Enn zot bann difikilte zot dir zot pe gannyen se rekritman bann *staff*. E osi pou zot *retain* bann *staff*. Sa i akoz *package* zot in dir saler e lezot osi petet bann *incentives* osi ki zot donn bann *staff*.

Me an menm tan, nou vwar ki zot oule *straighten enforcement of the law* avek son bann regilasyon. E pou zot fer sa zot bezwen *staff* pou kapab ed zot pou zot ranforsi Lalwa ek regilasyon.

So, mon ti a kontan konnen atraver Bidze 2024, ki zot pe fer an sa ki konsern *recruitment*, an sa ki konsern *salary package* pou bann *staff*?

E ki zot pe mazin vin avek pou zot kapab sey *attract* bann bon kandida, bann bon dimoun e pou zot kapab *retain* sa bann dimoun? Mersi.

MR SPEAKER

Mersi. Minis ou a diriz *panel*. Lel? *CEO yes*.

CEO NATHALIE EDMOND

Mersi Onorab pou ou kestyon. Bonzour à tous. Bonzour pou bann ki pe ekoute osi. I vre ki lo kote *recruitment*, lo kote atrakte bann *staff*, wi, i annan bann

challenges parey dan tou bann antite i annan.

Me sa ki nou pe sey fer se re osi asize anndan. Re get en pti pe nou bann travay, ki manner nou pe travay e ki manner nou kapab aziste avek nou bann *staff* ki nou deza annan. Re get bann landrwa ki pli priyoriter. Nou re get en pti pe sa.

E osi nou pe regarde ki manner nou kapab ganny lasistans, parey enternasyonanman, pou nou ganny bann dimoun ki avek nou. Bann konsiltan ki kapab travay avek nou pou en bon peryod letan, ki kapab *beef up, ok?*

E an mezir ki nou nobou kapab ganny sa bann lekspertiz ki avek nou pou en peryod letan, i pou fasilite nou pou nou *catch up* pli vitman. Dan plas ki petet nou pou al *recruit* en *staff* ki petet la nou pou *still* bezwen konmans *ground zero*.

Me nou annan en bann konsiltan ki avek nou, i fer li pli fasil pou nou kapab aprann *on the ground as* nou pe fer nou bann travay. E fer ki nou kapab delivre pli *efficiently*.

E an plis ki sa lo *adjusting salary*, deza nou'n annan en pti poursantaz ki'n ganny azoute avek nou saler, avek nou Bidze pou *wages and salaries*. Pou

nou nobou aziste en pti pe lo kote *package* ki nou bann *staff* pe gannyen.

So pou donn zot en pti git osi sa ki *deserving in terms of the work*, ki pe ganny delivre en pti lazistaz. Mersi bokou.

MR SPEAKER

Mersi. SS i le azoute?

SS PATRICK PAYET

Mersi Mr Chair. Mersi Onorab. Kekfwa zis pou azoute osi, ki mon krwar Gouvernman pe get li lo en pe globalman. Akoz spesyalman letan ou get regard revizyon dan bann *scheme of service*.

Akoz par egzanp *let's say* ou reviz en *scheme of service* ki kapab afekte en par egzanp, mete kot *FTC* ki annan bokou dimoun legal. Demen i annan lenplikasyon lo bann sekter. Par egzanp kot *AG'S Office* ki annan osi pou li atrakte bann dimoun legal.

Ou kapab demen pe fer revizyon kot *Scheme SRC* ki ou annan bann oditer. E ou annan en lot lefe avek *scheme* Oditer Zeneral. Akoz pou zot atrakte Oditer Zeneral *Internal Audit*.

So sa i en keksoz ki nou, nou pe regard li son totalite. Akoz parey zot konnen, nou bezwen fer sir ki okenn revizyon ki ou fer dan en sekter, ki son

lenpak ki ou fer dan lezot sekter. E si ou pou kapab soutenir sa dan mwayen term osi.

So nou, nou travay lo kote regard li dan son totalite. Mon konnen i annan bokou diskisyon Bidze lo bann *scheme of service*. Me selman lo kote Gouvernman nou, nou pe regard lo kote soutenabilite mwayen term.

E i en keksoz ki tou kou nou dir avek bann antite. Annou osi ede pou anmenn plis sa krwasans dan lekonomi. Sa servis ki nou *provide* sekter prive e ki sekter prive osi i kapab anmenn plis sa krwasans. Ki ava ed nou osi nou kapab ganny en pli bon *quantum*, ki demen nou kapab donner dan revizyon saler ouswa dan bann revizyon *scheme of service*.

So, sa i en keksoz ki nou pe travay konzwentman dan striktir Bidze. Mersi.

MR SPEAKER

Mersi SS. Onorab Labrosse.

HON RICHARD LABROSSE

Mersi Mr Speaker. Bonzour Minis ek nouvo delegasyon *FTC*. Dabor Mr Speaker, mon ti a kontan osi felisit nouvo Depite dan son nouvo rol. E ler mon pe get zot bann *major achievement*,

mon vwar ki sa de madanm osi pe debourye laba. Alors konsider mwan pou vot pou zot Bidze.

Me selman kote mon lenkyetid i vini dan zot Bidze Mr Speaker, ler mon get zot *current challenges* zot pe dir zot pe ganny *limited collaboration* avek bann *stakeholders*. E ler mon pe get *FTC* dan sa demaraz ki nou ladan ozordi, zot sipoze enn bann *partners* osi ki pe ede dan sa kours parey nou pe dir pou fer desann pri lavi, pou fer sir ki konsonmater i ganny sa ki i sipoze pe gannyen lo letazer.

So, mon ti a kontan konnen dan sa Bidze ki zot pe al fer ankor pou zot met plis lanfaz, pou zot kantmenm ganny *90percent stakeholders on board*? Mersi Mr Speaker.

MR SPEAKER

Thank you Onorab. CEO?

CEO NATHALIE EDMOND

Mersi bokou Onorab pou ou kestyon. Zisteman, wi, en pe nou bann *challenges* i annan pou fer avek bann *stakeholders*. Me selman nou pe vin vreman proaktiv lo nou kote. Nou'n konmans serten demars deza pou nou zwenn.

Nou menm nou, nou pe bouze e nou pe al zwenn zot kote zot ete. Nou bann diferan

partners, nou bann diferan *stakeholders* pou nou nobou kapab ganny zot *on board*. Pou nou nobou kapab eksplik zot ki nou manda e ki bor ki zot, zot kapab marye ansanm avek nou travay. Pou nou nobou kapab delivre sa servis ki nou piblik pe ekspekte deor.

So deza nou'n konmans bann travay. E dan lannen ki pe vini nou annan deza serten plan, pou nou nobou *reach out to* nou bann diferan *stakeholders*. Deza i annan me selman pou nou *reach out further* avek lezot, pou nou fer sir ki nou travay ki nou pe fer i solid. Mersi.

MR SPEAKER

Thank you, CEO. Onorab Aglae?

HON EGBERT AGLAE

Mersi Mr Speaker. Bonzour *panel* e zofisye *Fair Trading*. Mon kestyon mon konnen poudir Lalwa ki'n amande in pase, pe donn zot en pti pe plis ledan, pou zot kapab fer sa travay ki zot ti manke oparavan.

Mon anv'i konnen, an vi ki ozordi kot i konsern bann servis, bann *trading* i annan bokou ki fer *online* osi bann platform *online*.

Eski zot pe osi *innovate* pou zot kapab anmenn sa

ledikasyon konsonmater anver osi sa bann ki pe *provide* sa bann *service provider online*, pou ki i annan sa *oversight*?

Akoz parfwa nou war bokou bann lenstans kot i annan bann *scam* ki arive, bann ki pe perdi larzan. E i difisil pou zot al *trace* ouswa re ganny sa ki zot in perdi.

Eski zot annan en *Unit* petet ki pe reflexir dan sa direksyon pou kapab osi annan sa ledikasyon e osi proteksyon anver bann ki servi sa bann servis, an vi ki nou pe avanse? E teknolozi mannyer pe ete bokou keksoz pou *online in the near future*? Mersi.

MR SPEAKER

Thank you Onorab. Yes, *Deputy CEO*.

DEPUTY CEO FREDERICKA CONFAIT-POUSSOU

Mersi Onorab pou ou kestyon. Bonzour tou bann dimoun. Annefe provizyon Lalwa letan nou revize, i annan en seksyon ki kouver *distance selling regulations*.

So nou'n fini travay an kolaborasyon avek *AG's Office* avek *Trade*, pou nou fer en regilasyon ki pou kouver *ecommerce*. Dan staz regilasyon in fini, me selman nou bezwen fer en revizyon dan nou Lalwa

pou nou enkli *fixed penalty* pou sa seksyon osi. So, i sipoze ki *by next year* i pou anfors. Mersi.

MR SPEAKER

Thank you, Deputy. Onorab William.

HON WAVEN WILLIAM

Mersi Mr Chair. *Welcome* bann nouvo manm lo *panellist*. Mr Chair, mon pe regard lo *mandates*, an menm tan mon pe fer en kout tourdhorizon lo si mon pe get *bullet point number 1 e number 4*.

Mon anvi konpran en pti pe fason travay *Fair Trading Commission*, vizavi realite pratik dan pti marse pti leta zil Sesel. Akoz ou pe ganny bokou bann konplent par egzanp ou annan *taxi drivers*. Nou pe koz lo *vertical integration*.

Ki manner ki *Fair Trading* pe kordinen e *liaise* avek bann diferan akter dan lekonomi Sesel, pou fer sir ki vreman sa *Fair Trading* pe ganny fer byen?

Akoz mon pe vwar poudir bokou lanfaz pe ganny mete lo proteksyon konsonmater. Be selman lo kote biznes li menm li antre biznes ou vwar poudir, si ou pe koz bann pilye for par egzanp *Tourism*, *Lapes*, *Lagrikiltir*,

Eski zot pe *monitor* pou zot fer sir ki sa sekter dimoun pe pratik ladan napa ki pe touy kanmarad? Akoz mon santi poudir i annan serten keksoz ki pa pe mars byen parfwa. E sirtou kot i konsern *vertical integration*. Mersi.

MR SPEAKER

Mersi. *Panel* sinyal mwan lekel ki kapab pran. *Deputy CEO*.

DEPUTY CEO FREDERICKA CONFAIT-POUSSOU

Mersi Chairman. Mersi Onorab pou ou kestyon. Lo kote konpetisyon nou pe konmans serten travay ankor avek en nouvo provizyon anba Lalwa, ki pou fer *market enquiry*.

So nou premye *market enquiry* nou'n konmanse dan en sekter ki vreman gran ki *retail sector*. So *currently* nou zofisye pe anmas lenformasyon avek bann *retailers*, pou zot regard en pti pe ki bann *issues* ki kapab annan an term konpetisyon dan marse.

Nou'n osi konmans en travay avek Departman *Lagrikiltir* osi lo kote *animal feed*. E nou ti annan en diskisyon avek *fish* serten konsiltan ki pe travay avek Departman *Fisheries as well*. So, i annan travay ki nou pe fer dan sa bann sekter. Mersi.

MR SPEAKER

Thank you, Deputy CEO.
Onorab Uranie?

HON ROCKY URANIE

Mersi Mr Chair. Bonzour delegasyon ki'n vini. Mwan mon pe get zot *major achievement* 2022, 2023. E sa i tonm lo senkyenm *bullet*, en? Zot ti kolekte en *amount* plis ki en 1 milyon dan *finés*. Pou zot, zot met sa konman en *major achievement* dan serten fason.

Me ler mon pe get sa osi mon war li konmkwa i en *cause for concern*. I vedir i bezwen annan keksoz ki vreman pa pe mars byen, ki pe fer ki bann dimoun ki dan biznes pa pe santi ki *Fair Trading* i serten pouvwar, pou kontrol lafason ki *trade* i pe marse.

E alors zot pe kas bann regilasyon. So savedir i bezwen annan bokou plis ki sa. So eski zot pe konsider sa konmsi konman en *cause for concern*, pou zot rod fason pou adres li pli byen? Mersi.

MR SPEAKER

Mersi Onorab. *Yes, Deputy CEO?*

DEPUTY CEO FREDERICKA CONFAIT-POUSSOU

Mersi Onorab. Mersi Chairman pou ou kestyon. I premye lannen ki nou pe enpoz *fixed penalties* anba *FTA*. E nou'n vwar poudir nou anmas plis an term *finés*, ki nou ti pe antisipe.

Me selman ki nou pe mazine se ki avek letan, letan *retailers* i konmans vwar sa konman - i servi konman *deterrent* lo bann *retailers*.

E *of course* nou annan osi abilite pou nou kapab revize, si zanmen nou vwar poudir petet sa bann *fine* i pa pe fer lenpak ki nou antisipe i pou fer, *then we will reconsider* pou nou re anmenn lo latap pou nou fer en revizyon dan *penalties* ki nou pe *impose*.

MR SPEAKER

Wi, ou kapab eklersi Onorab?

HON ROCKY URANIE

Mersi. Eski zot pou met sa lenformasyon dan piblik *at least* lo medya, pou bann *retailers* vwar pou zot vreman santi ki i annan en keksoz *out*, ki sa i kapab vreman vin konman en *deterrent*? Mersi.

MR SPEAKER

Thank you. Deputy CEO ou a kontinyen? *CEO*, i a pran, wi.

CEO NATHALIE EDMOND

Mersi Chair. Mersi Onorab. Definitivman. *In fact* tre byento nou pe al konmans *publish* nou bann *Rulings* ki nou pe gannyen. Nou'n ganny serten *Rulings already* ki nou'n ganny nou bann *cases* devan Tribinal.

E nou pe al *publish* li. Sa i pou servi konman enn bann fason konman pou *deter* zot, pou fer zot konpran poudir i annan penalti ki al avek kas Lalwa, ok?

E an plis ki sa zis pou azoute, i vre nou kapab reviz definitivman bann sonm *fixed penalty*. Me selman napa nanryen osi ki anpes nou pou nou *proceed to* Tribinal *as well*. Pou nou anmenn zot bann ka devan Tribinal. Si i annan keksoz ki nou vwar vreman zot pa pe *adhere to*.

E tout an *go back to* kestyon ki ti'n ganny demande avan, travay avek nou bann *stakeholders*. Nou osi kapab fer konnen nou bann *stakeholders*, bann diferan antite ouswa bann landrwa ki nou pe ganny bann *issues*.

Par egzanp nou bann *partners* konman *SLA*, lezot osi ki egziste pou fer zot ganny en konpran, poudir sa bann dimoun i toultan kontinyelman pa pe respekte bann Lalwa. So, sa i bann fason ki nou pou kapab servi pou *deter* sa bann

landrwa *further* pou anpes zot kas Lalwa. Mersi.

MR SPEAKER

Pa kapab Onorab - 2 klarifikasyon?

HON ROCKY URANIE

Non, wi. Mersi Mr Chair pou les mwan. Be ki arive konmsi sa? Fer krwar i menm dimoun ki toultan pe fer sa 2, 3 fwa. Ki arive apre, konmsi nou zis kontinyen parey?

MR SPEAKER

Silvouple *ok*. *CEO* oubyen *Deputy* en fraz silvouple pou nou termin ek sa. *Yes CEO?*

CEO NATHALIE EDMOND

Ok, mersi Mr Chair. Mersi ankor enn fwa Onorab. *Basically*, parey mon'n dir si nou annan parey bann *recurrencies*; zis pou donn en pti legzanp bref. Nou travay ek lezot *partner* dan sekter konstriksyon, *hmm?* Me selman lo kote *retail* osi bann landrwa koumsa, nou pou travay osi etrwatman avek *SLA* par egzanp. E fer zot konnen poudir i annan sa bann *retail outlets* par egzanp ki pe kontinyelman fer sa bann pratik.

E avek *SLA* osi, mon krwar dan zot provizyon Lalwa osi i annan serten keksoz, zot kapab

pran an term kondisyon zot *license and so on*, pou nobou kapab *deal* avek sa bann *recurrent retailers*, si zanmen zot pe kontinyelman pa pe respekte.

So nou pa travay tousel. Parey mon pe dir nou bezwen travay konzwentman avek lezot antite, pou fer sir ki nou tou nou bann Lalwa *at the end of the day* i ganny respekte. Mersi bokou.

MR SPEAKER

Mersi. Onorab a bezwen satisfè in ganny bokou detay. Onorab Esparon.

HON REGINA ESPARON

Mersi Mr Chair. Mr Chair, mon *welcome* nouvo *panel* e mon realize poudir nou annan nou 2 madanm a latet sa lorganizasyon. E en keksoz ki mon kontan pou promosyon bann madanm.

Mr Chairman, letan mon pe re get *strategic priority bullet number 4*. I dir "*maintain a high success rate before the Tribunal*".

Mon *query* la se ki mon get *Fair Trading*. Mon pa konnen si zot pe get li konman en *two-way traffic* pou ganny sa *fairness*, sa konsonmater e sa *provider*. Dan bokou lenstans mon krwar *Fair*

Trading pe konsantre plis lo sa konsonmater.

Me selman dan ka kot en konsonmater ki *at default*, li sa *service provider* i pou vin kot *Fair Trading*, normalman i pa ganny rekour. Me selman mwan mon pe dir i devret en *two-way traffic* dan sa sirkonstans.

Parske ou annan mon a met en ka - ou annan en kontrakter in antre an en lagreman avek en konsonmater. E demen i fini fer en louvraz sa konsonmater pa pey li. I vin kot *Fair Trading* i pa ganny en okenn rekour. Prezan mon pe get sa i pa en *two-way traffic* konmsi.

Mon pa konnen si letan ou'n koz lo *Tribunal* ou'n koz lo *Fair Trading Tribunal* oubyen ou'n koz lo *Small Claims Tribunal* ki osi tonm anba zot? En pti leksplikasyon. Mersi.

MR SPEAKER

Ok annou les zot eksplik zot pozisyon lo la. *CEO*?

CEO NATHALIE EDMOND

Mersi Mr Chair. Mersi Onorab pou ou kestyon. I enteresan sa ki ou'n dir, akoz souvandfwa nou ganny definitivman bann *suppliers* ki vin kot nou zisteman pou vin dir nou sa. Akoz nou *Fair Trading*

Me selman zis pou dir ki Lalwa ki nou travay avek, i fer ki bann dimoun ki ganny proteze, anba Lalwa se bann konsonmater.

Akoz avan nou ti annan *Consumer Protection Act*. E apre nou ti annan *Fair Competition Act*. Sa 2 Lalwa in *now* ganny *amalgamated* dan *Fair Trading Act*. E i menm Lalwa ki'n ganny zis re organiz li konman en sel Lalwa.

E sa 2 Lalwa i senpleman fer provizyon pou proteksyon konsonmater. E apre lot i regard bann pratik biznes, me selman biznes antre biznes. Parey labi dominans bann lagreman ki anti konpetitiv.

So, i pa vreman fer provizyon pou sa lot kote ki ou pe koz lo la an term. Mon konpran konsern, me selman nou pe plito met nou azour avek bann lezot ziridiksyon enternasyonal, ki annan zisteman proteksyon konsonmater konman Lalwa. Apre zot annan zot proteksyon prose konpetisyon li menm.

I pa vreman annan en Lalwa *per se* ki pe *deal* avek lot kote kot en *supplier*, i pa'n ganny sa larzan ki i ti pe ekspekte *from* en servis ki in delivre.

Me selman par kont, annefe nou Tribinal i en *Fair*

Trading Tribunal pa *Small Claims* me *Fair Trading Tribunal* li menm. E nou Lalwa i pa fer provizyon pou sa kote. Me en pti proteksyon ki zot kapab gannyen, se fer sir zot kontra i ensidswit i annord. So petet sa i ava *afford* zot en pti pe proteksyon me *otherwise* i pa *cater for it*. Mersi.

MR SPEAKER

Ok, wi, nou ava klarifye Onorab.

HON REGINA ESPARON

En klarifikasyon, *still* anba *strategic priority* mon war en bout la en *bullet* kot zot in mete poudir zot *advice Government for develop of sound policies changes*.

Petet sa i en landrwa ki mon pa konnen kot zot devret pe kapab *advice* Gouvernman, ki i annan sa sanzman ki bezwen neser avek sa Lalwa. Mersi.

MR SPEAKER

Wi, *CEO* i annan en komanter oubyen? Bon mon krwar i kapab not ou pwen sertennman. I en direksyon ki ou kapab konsidere bouze. *CEO* si ou annan en remark vitman.

CEO NATHALIE EDMOND

Mersi Mr Chair. Mersi Onorab. Zis selman mon ti pe al dir nou

ava konsidere pou nou revwar, ki bann posibilite ki kapab annan. Mersi.

MR SPEAKER

Thank you. Onorab Pillay?

HON SEBASTIEN PILLAY

Mersi Mr Chairman. Bonzour ankor enn fwa *panel* ki'n rezwenn nou. Mr Chairman, mon pe regard zot Bidze mon pe osi regard zot bann *performance measures* pou bann program ki zot in mete. Sa de ki annan dan zot dokiman ki la. E mon pe sey konekte le de.

Premyerman mon regard ou *performance measures for programme*, ki an se konsern bann "*percentage of cases prepared adjudication*," eksetera.

E mon vwar poudir ou bann target ti ase o 2023. E ou'n set osi bann target ase o 2024. E nou'n tann mansyonnen poudir zot in anmenn plizyer *case* kot Tribinal.

Me selman kwa ki *raise* en pe konsern ek mwan se lefe ki ou osi dir dan ou bann *performance measures*. Mon vwar ki ozordi ou pe dir *maximum time frame* pou *conclude en investigation* i 6 mwan. Me lannen prosenn ou

pe met en target 8 mwan *to conclude en investigation*.

E mon war sa en pe drol. *And then ou increase it 2025 i vin maximum time frame for conclusion of investigation i 6 months. 2025 ou al 8 mwan. 2026 ou al. Mon krwar sa petet i en pti i dan reverse petet non? It should be 10 months konmela and then ou target se pou ariv pli ba, ok?*

Be mon krwar sa pou mwan i en pti pe *confusing*. Akoz mon ti pe *wonder* prezan e petet Minis i kapab ed nou reponn sa kekyon, *given* ki sa i target pou fer desann *the amount time spent for investigation*.

Be ler mon regard Bidze *Minister*. Mon war Bidze *for governance and legal administration*. Be ler mon regard lot Bidze pou *promotion, advancement, and consumer welfare*. Mon vwar Bidze *and actually in terms of staff instead of wages and salaries in actually* desann sorti 4 milyon pou vin 3.9 milyon pou 2024.

So kekyon ki mon annan pou Minis se, ek 3.9 milyon oule *increase* sa lefikasite lo la kantite lenvestigasyon ki ou fer. Eski ou pa krwar poudir ti ava mannyer pou donn *FTC* serten resours adisyonnell la, lo konmansman lannen sirtou ki

nou pe koz *different areas of the economy*. Pou zot kapab *deliver* lo la?

Akoz mon pa war li fer sans Mr Chairman, si nou pe dir *FTC increase* son *efficiency*, me selman son Bidze pou *staff* i pli ba. Savedir i annan *less personnel* pou li kapab *on site investigation*.

l Mon war ou dir ou'n fer 100 lenvestigasyon pou *MRP* sa lannen. Mon ti ava kontan ou *increase* akoz i annan plizyer *infringement*.

So, mon ti a kontan si Minis i kapab reponn sa oubyen *SS* oubyen *panel*. E osi Mr Chairman, petet Minis i kapab presize lo sa zafer *MRP infringement*. Resanman *STC* li ti ganny en *infringement* e mon ti vwar en let.

E *SRC* ti pe demann – *STC* *sorry* ti ganny *infringement* e i ti pe demann son *staff* pou li pey sa *infringement* ki *FTC* in dekouver. Eski sa i *normal practice* dan bann antite Gouvernman?

MR SPEAKER

Ok, mersi. Onorab, ou'n fer menm zafer ankor. Ou'n demann en kestyon avek plizyer pwen. Apre ou'n al lo en lot kestyon ankor. Mon pe demann ou ganny en pe konsiderasyon

pou lezot Manm. Lezot Manm. Mersi. Minis oubyen *panel*?

MINISTER NAADIR HASSAN

Mersi Mr Chair. Mersi Onorab. Onorab, lo kote bann *figures* ki *Leader* Lopozisyon in donner. Mon a demann *CEO* pou klarifye *the correct time frame* ki dan zot *strategic plan*.

Lo kote resours parey toultan nou pe dir. Resours i pa en keksoz i toultan en konstrent. So nou bezwen regarde e *CEO* in mansyonnen lo kote plis kolaborasyon avek diferan *stakeholders*, i pou anmenn plis *efficiency* dan travay. I pa toultan ki plis *staffing results* avek *better performance*.

Lo kote *MRP* ek *STC* mon pa'n tro konpran kestyon. Akoz *STC is the one that sets the price, ok?* I pa posib pou li kas son prop pri. Mon pa konnen si i annan en konfizyon la. I enposib pou *SRC* kas *MRP*, akoz li ki *set* pri. Kekfwa si ou kapab klarifye sa.

HON SEBASTIEN PILLAY

In actually kase e – *sorry*. Mersi Minis pou permet mwan demann ankor en –

MR SPEAKER

Eskiz mwan, eskiz mwan Onorab. Onorab, eskiz mwan.

Mon konpran Minis i ankor pe ,donn son repons. Les li donn son repons mon a kapab donn ou en posibilite klarifikasyon. Pa bliye poudir ou'n fer plizyer pwen deza. Minis, terminen.

MINISTER NAADIR HASSAN

Wi Mr Chair, mon'n terminen mwan. Sel keksoz ki mon dir i enposib anba sa *framework MRP* pou *STC* kas son prop pri ki li in mete.

MR SPEAKER

Tre byen. *CEO* ou annan pwen pou adrese.

CEO NATHALIE EDMOND

Mersi Mr Chair. Mersi Onorab pou ou kestyon. Zis pou azoute, *from* sa ki Minis in dir, lo kote nou bann *performance indicators*, mon mazin en petet i annan en pti *anomaly*. Akoz kopi ki mon annan avek mwan la, i *actually* pe endike ki 2023, target nou *time frame* i 1 an. 2024 i 8 mwan. 2025 - 7 mwan e 2026 - 6 mwan.

Mon pa konnen ki mannyer - kekfwa i annan en pti *typo* ki'n arive *I would assume*. Akoz pou nou sa ki ek nou i korek petet en *typo* lo sa enn.

MR SPEAKER

Tre byen. So –

CEO NATHALIE EDMOND

Zis pou azout en pti kou petet pou fer referans avek *MRP*. Mon pa krwar poudir lo kote *MRP the issue*, me nou annan lot bout osi ki konsern *fixed penalties*. I kapab en *fixed penalty* ki zot in ganny enpoze avek. Non pa lo kote *MRP* mon pe espekte. Mersi.

MR SPEAKER

Onorab, nou pe pran klarifikasyon silvouple.

HON SEBASTIEN PILLAY

Mersi Mr Chairman. *Very, very quick clarification*. Dan en lenformasyon ki mwan mon'n gannyen e ki mon krwar i annan lezot dimoun ki'n gannyen, *STC* li menm in ganny en *fixed penalty imposed by FTC* an se ki konsern en *infringement*.

E prezan sa *fixed penalty* e li menm li ki – mon konpran akoz pou pe war sa konfizyon Minis. Akoz li i pa sipoze pe ganny en *fixed penalty*. Me dan sa *infringement STC* in ekrir son *staff* e pe demann son *staff* pou pey pou sa *infringement*.

E mon ti pe demann ek Minis si eski sa i normal dan konteks. Akoz *STC* i tonm anba Minis. E sa i *relate* avek en *fixed penalty* ki *FTC* in enpoze. Mersi.

MR SPEAKER

Bon, mersi. Nou a sey reponn. Minis?

MINISTER NAADIR HASSAN

Mersi Mr Chair. Mersi Onorab. Onorab, Minis pa *run STC, ok?* So si *STC* in pran en desizyon *management*, mwan sertennman mon pa *aware of* sa sityasyon.

Me si *STC* in pran en desizyon ki *go against* Lalwa Lanplwa, ki *infringe on the right of a worker*, i annan bann mekanizm nesese ki sa travayer i kapab swiv. Be selman mwan sertennman as Minis, mon pa *operationally run STC*. Mersi.

MR SPEAKER

Mersi. Onorab Arissol?

HON SANDY ARISSOL

Mr Speaker, mersi pou permet mwan demann en kestyon. Lo pwen ki pe ganny leve kot Lasanble Nasyonal, letan en drayver i tap loto, se drayver ki responsab. Kot *STC* sa ki'n arive se senpleman travayer ki ganny peye pou met pri komodite oubyen *barcode* lo komodite pann mete e *STC* in ganny en *fine* avek *FTC*.

Alors *STC* in pran en desizyon pou ki Sandy Arissol

ki sipoze met pri ek *barcode*, ki pe asize pann met pri. E *STC* in ganny en *fine*. Alor li in pey son *fine*. Zis parey sa drayver ki tap loto Lasanble, se li ki responsab. se tou.

Mon kestyon ki mon ti a kontan demann avek *FTC* ozordi, eski i annan en travayer ant *FTC, Licensing* e osi *SRC*, zis pou zot *monitor* en pti gin sa zafer *cash machine* ki'n sipoze ganny mete dan bann magazen *retail shop?*

Pou asire ki bann konsonmater pa pe ganny sarze an plis, parey zot sipoze. Zis an relasyon avek zot manda ki responsab drwa konsonmater, en pti gin an sa ki konsernan *cash plus* sa *cash machine*. Mersi.

MR SPEAKER

Mersi. *Deputy CEO*.

DEPUTY CEO FREDERICKA CONFAIT-POUSSOU

Mersi Chair. Mersi Onorab pou ou kestyon. Nou *currently* annan en *taskforce between FTC, Licensing* avek bann lezot antite enkli *SRC*, ki nou fer bann *monitoring* tanzantan.

E letan nou fer sa sak antite bann keksoz ki tonm anba zot Lalwa, zot manda nou verifie. Lo kote *FTC*, nou rol nou i pou verifie si i annan en

resi ki pe ganny donnen. E ki sa resi i *meet requirements* Lalwa.

Lo kote *POS machine* i pa en keksoz ki *FTC* i mandate pou li *monitor*. Me selman si zanmen nou al dan en laboutik ki nou vwar poudir petet i napa en masin, en *POS machine*, e i sipoze annan nou kapab notifie *Licensing* pou dir sa i pe arive. Mersi.

MR SPEAKER

Yes, Onorab, klarifikasyon?

HON SANDY ARISSOL

En pti klarifikasyon Mr Chair. Mon pa ti pe mansyonn *POS machine* be solman sa *cash machine*, ki nou ti pe demande ki annan dan bann magazen, ki ti sipoze mete *by* an Avril. Zis en pti relasyon an relasyon avek sa. Mersi.

MR SPEAKER

Byen. Minis.

MINISTER NAADIR HASSAN

Mersi Mr Chair. Zis klarifye vitman sa pwen. Sa *requirement* la lo kondisyon *license* i lo *cash machine*. Travay pou enkli *POS* as mandatwar osi i preski fini terminen. Ti annan bann diskisyon ki Minister ki responsab pou *SLA* ti pe fer avek bann *retailers*. E sa pe vini dan sa bann mwan. Mersi.

MR SPEAKER

Thank you. Onorab Cosgrow?

HON WALLACE COSGROW

Mersi Mr Chair. Mr Chair, mon kestyon i en pe anliny pou Onorab *Leader* Lopozisyon. I annan serten bann *indicators* ki mon pe war ki mwan osi, mon krwar mon pa konnen si i annan fot dan Liv Bidze ouswa si i *on purpose*. Par egzanp *table 5* lo bann *performance indicators* pou *governance and legal administration*.

Mon war par egzanp "*efficiency in representation before Supreme Court and Fair Trading Tribunal during the period.*" 2022 zot ti *actually* pe fer 100poursan me apre zot desann 2023, zot target i 75poursan. So apre i monte 2024 i reste 75poursan 2024. Apre 2025 i mont 80poursan.

So nou'n ariv en target 100poursan *why would we want to regress?* E konmsi mon ti a kontan konnen si i annan serten keksoz ki pe *impede* zot *from achieving* sa target ki zot in deza *achieve* 100poursan. Si i resours imen, si i resours finansyel. Donn nou en pti leklersisman lo la.

Apre an se ki konsern sa zafer *STC fine*. Minis, *STC* konman Minister Finans, i

tonm anba zot *purview*. E mwan mon santi ki si i annan serten keksoz ki'n arive avek *staff STC*. Dan ou *tête-à-tête* or ou diskisyon avek *CEO STC*, serten keksoz koumsa i bezwen ganny raporte avek ou. E si napa *investigation* ki'n ganny fer pou met *liability* lo sa bann *staff*, mon pa krwar okenn *staff* i devret pe ganny tir larzan lo zot saler.

Malgre alegasyon i se ki zot ki pann met *barcode*. Zot bezwen kapab ganny *investigate* avan e anmenn devan sa bann zafer parey ou'n dir. Mersi.

MR SPEAKER

Onorab! Onorab! Sa kestyon in ganny leve Minis in donn en repons. Nou pa kapab pourswiv. Silvouple, nou pa kapab pourswiv en deba lo en pwen ant Minis ek Manm.

Minis, *CEO* ti'n lev lanmen pou li reponn lo premye kestyon. *CEO* ti'n lev lanmen. Minis ou kapab adrese.

MINISTER NAADIR HASSAN

Mersi Mr Chair. Mersi Onorab pou ou kestyon. Onorab, mon pe sey regarde ou kapab gid mwan lo ki paz Bidze sa *fine STC* i lo la silvouple? Mon pa pe war. Ou kapab gid mwan lo ki paz Bidze sa *fine STC* i lo la? *Ok*

dir mwan en pti kou. Non, sa *fine* Onorab.

HON WALLACE COSGROW

(*Off-Mic*)

MR SPEAKER

Alright. Ok, ok.

(*Interruptions*)

HON WALLACE COSGROW

(*Off-Mic*)

MR SPEAKER

Minis mwan –

MINISTER NAADIR HASSAN

Mersi Onorab.

MR SPEAKER

Hold on, hold on, hold on, hold on. Zis en soz lo ki paz Bidze i ete. Mon'n konpran Onorab ti pe demann lo responsabilite *FTC*. Lo responsabilite *FTC* pou li siperviz sa. Si napa responsabilite, nou *state* sa e nou dakor. Minis, nou a terminen avek sa size.

MINISTER NAADIR HASSAN

Wi, Mr Chair, mersi. Selman mon ti a kontan annan *consistency*. Si zot akiz mwan poudir mon enterfer dan *certainty* mon pe enterfer. Si mon pa enterfer mon dan mal menm. Be konmsi annou pran

nou en desizyon ki zot oule mon fer?

MR SPEAKER

Mersi. *CEO*, eski ou annan en repons lo lot pwen? *CEO*, go ahead please.

CEO NATHALIE EDMOND

Mersi Mr Chair. Mersi Onorab, pou ou kestyon. Lo kote sa latab limero 5 pou performans bann endikater. Vre an 2022 nou bann endikater ti pe montre 100poursan *at the time*. Set aköz nou ti'n en pti pe nou ti'n konpran ki mannyer nou *Board of Commissioners at the time* anba Lalwa, ti a pe fonksyon anba *FTC, Fair Trading Commission Act*.

Me selman avek sanzman pou al *Fair Trading Act*, i fer ki nou nepli annan en *Board of Commissioners*. Prezan nou annan nou en Tribinal ki ganny siteye anba Zidisyer.

Ki vedir petet bann paramet i sanz en pti pe. Petet osi par egzantp bar i kapab sanze. Nou pa ti pe antisipe pou nou kapab dir, be i pou kapab kontinyen 100poursan.

So nou pe zis – *be* - mon kapab apel li konservativ pou regard en pti pe ki mannyer keksoz i ale. So nou ti'n redwir en pti pe nou bann endikater an prenon kont sa.

Me zis pou fer konnen parey nou'n dir, tou le 22 *case* ki nou'n ekoute *up till now* 100poursan. *Just to say* 100poursan. E nou *hope* ki i kontinyen dan sa laliny aköz nou pe anvizaz pou nou kapab ki sa a sa oter. *Thank you*.

MR SPEAKER

Mersi *CEO*. Onorab Romain?

HON GEORGES ROMAIN

Mersi Mr Chair. Minis, mwan mon kestyon mon pe regarde i tonm lo program 2 *promotion and advancement of consumer welfare*. Kot nou tou nou konnen ki vre son rol *FTC* son manda, i pou fer sir ki konsonmater, parey zot in fer resorti i ganny en bon *deal*.

E mon konnen zot bezwen fer bokou vizit. Sa i dan zot manda bokou bann vizit. Si ou pe fer referans ek bann laboutik, pou fer sir ki bann komodite i alaoter.

Be mwan par kont mon pe regarde *fuel* anba *transportation and travel cost*, Mon war zis R10 mil *for fuel for vehicles*. So, mon ti pe regarde ler mon diviz sa par 12 i sipoze tonm 800 ekek Roup. So koriz mwan - zis mon anvi konnen vreman si sa *ok*. Mersi Mr Chair.

MR SPEAKER

Mersi. *CEO, please?*

CEO NATHALIE EDMOND

Mersi Chair. Mersi Onorab pou ou kestyon. Mon konsyan poudir i annan sa bout anba *programme 2*. Me selman anba *programme 1* osi i annan bout *fuel*, ki *cater* en pti pe plis akoz i lo kote plis Sekretarya ki nou pe *maintain* bann veikil, *fuel and so on*.

So, i tonm anba Sekretarya ki ou pou war en pli gro laliny pou *fuel*. Me toudmenm *still* i kapab annan en pti rediksyon, akoz nou'n fek *purchase* en nouvo transpor ki pli *efficient*.

So, i kapab ki annan en pti rediksyon akoz i en *semi hybrid*. So i pou fer ki i annan sa pti lazistaz. Me selman nou annan sa *quota* lo kote *programme 1* pou *cater* pou *fuel*. Mersi.

MR SPEAKER

Mersi *CEO*. Bon, nou'n servi apepre 45 minit e mon'n pran tou Manm ki'n lev lanmen. Be nou a bezwen aret lo en kestyon sa voyaz. Nou a pran vot lo Bidze pou *Fair Trading Commission* ki lo paz 171 ziska 179 pou total R16,715 mil. Manm ki an faver lev lanmen silvouple. Mersi okenn Manm ki vot kont?

Lo Bidze pou *Fair Trading Commission* pou en total R16,715 mil 24 Manm in vot pour, 0 kont e 0 abstansyon. Donk sa Bidze in aprouve par Lasanble. E mon a remersye bann zofisye *Fair Trading Commission* pou zot partisipasyon e mon a swet zot bonn kontinyasyon. E an menm tan madanm raporter ou ava apel delegasyon *Financial Intelligence Unit*.

FINANCIAL INTELLIGENCE UNIT

Bonzour e byenveni Mr Richard Rampal Direkter *Financial Intelligence Unit*. Madanm Debra Port Louis son *Deputy Director* e akonte nou annan Ms Wilna Azemia son *Finance Manager*. Bidze *Financial Intelligence Unit* lo paz 211 ziska 218, pou en total R29,862 mil. Minis, ou a donn en revi lo sa Bidze?

MINISTER NAADIR HASSAN

Mersi Mr Chairman. Mr Chairman, zis fer rapel ki *Unit* Lentelizans Finansyel *FIU* i sa lenstitisyon santral ki resevwar e analiz rapor lo tranzaksyon sipe, ki ganny raporte par *Reporting Entities* konman Labank, *Bureau de Change*, eksetera. Sa lentelizans i apre ganny distribye avek bann *law*

enforcement agencies, pou fer zot lenvestigasyon.

Alor *FIU* i en lorganizasyon kritik dan lalit en pei, pou konbat kont blansisaz larzan e lezot krim finansyel. I osi enportan pou mansyonnen, ki *FIU* i annan osi responsabilite pou siperviz e asire ki serten biznes e profesyon tel konman *real estate agents*, avoka, serten kontab pe swiv gidans ek standar kont blansisaz larzan. E lezot krim relye avek finans.

Finalman *FIU* i sa *nodal agency* pou mentenir lenformasyon *beneficial ownership*. Mr Chairman, Bidze propoze par *FIU* pou lannen 2024 i anviron R29.8 milyon. Sa i fer en logmantasyon anviron 4.5 milyon. Konpare ek lannen 2023 kot zot Bidze *FIU* ti anviron R25.3 milyon apre ki ti ganny revize dan milye lannen.

Dan sa 4.5 milyon logmantasyon anviron 2.7 milyon i ganny mete pou ganny servi pou *wages and salaries*. Sa i enkli peyman trezyenm mwan pou 2023, revi dan saler pou zofisye resours imen e lenformasyon kominikasyon ek teknolozi, ki pou pran lefe an Zilyet 2024.

FIU in ganny laprouvasyon pou rekrit en analis ki a ede pou analiz plis lenformasyon lentelizans e

kontinyen fer sorti rapor lentelizans de kalite. Sa larestan 1.8 milyon pou ganny servi anba *goods and services*.

Mr Chairman, permet mwan pou donn en pti lesplikasyon lo bann sonm kot diferans i en pe pli signifikan. I annan logmantasyon dan *printing stationery and piblikasyon*. Kot *FIU* in fer en provizyon pou fer en pe *rebranding*, vi ki zot pe travay lo en program *public private partnership*. En linisyativ ki zot in konmanse sa lannen menm.

In osi annan logmantasyon dan *transportation and travel cost*. Sa i pou ki *FIU* i kontinyen dan zot reprezantasyon dan bann groupman nesaser, konman *FATF*, *ESAAMLG*, *Egmont*, *IACCC* e *OECD*.

I enportan pou fer remarke ki an menm tan *FIU* pe met li azour avek bann groupman ki sipoze annan prezans *FIU* pou fer sir i prezan.

E finalman i byen pou note ki anba *other use of goods and services* i annan en logmantasyon dan *software licence fees*. Sa i anliny avek plan stratezik *FIU* pou met latansyon lo teknolozi.

Teknolozi e sekirite lenformasyon i reste primordyal pou en *Unit* parey *FIU*. I vreman

enportan ki zot fer le nesaser, pou asire ki zot sistenm nimerik i azour prenon kont tou bann risk.

Mr Chairman, mon anvi fer resorti ki sa Bidze 2024 i pou ed *FIU* kapab kontinyen avek son travay ki zot konmanse anliny avek son plan stratezi.

FIU i mentenir son vizyon pou reste rezilyan e protez nou pti leta zil kont krim finansyel.

Mr Chairman, avek sa prezantasyon mon demann sipor Lasanble Nasyonal pou Bidze *FIU* pou 2024. E nou pare pou reponn okenn kestyon adisyonnèl konsernan Bidze *FIU*. Mersi Mr Chairman.

MR SPEAKER

Mersi. Kestyon bann Manm. Onorab Lemiel.

HON SYLVANNE LEMIEL

Mersi Mr Chair. Bonzour nouvo delegasyon sorti kot *FIU*. Tou dernyerman ti annan en prezantasyon aparaman ki *FIU* ti vini ti fer avek ban Manm Lasanble. E mon ti ganny sans pou mwan *attend* sa prezantasyon, ki ti *very informative* pou nou.

E ladan ti annan serten *FATF standards* ki *FIU* pa ti ankor kapab *meet*. E an menm tan dan zot *way forward* ki zot

in mete, la mon war en larzan ki'n ganny mete pou enn sa bann keksoz se sa *PPP initiative* ki ti dan zot *way forward* ki zot ti anvi fer.

Mon ti a kontan konnen atraver sa Bidze R11.9 milyon anba *goods and services* ki zot pe gannye - apard sa *PPP initiative*. Ki zot pe fer pou zot kapab 1) arive *meet* standar *FATF*? Sa 7 mankman ki zot ti annan.

E apre osi apard sa *PPP initiative* kwa ki zot pe fer dan zot bann *way forward*. Par egzanzp *strengthen supervision, enhance* zot bann *Strategic Analysis Unit*.

Apre osi dan *enhancing of cooperation and collaboration both* domestik avek enternasyonal, kwa ki - eski i annan larzan dan zot Bidze pou ed zot pou zot kapab akonplir sa bann keksoz? Mersi Mr Chair.

MR SPEAKER

Mersi Onorab. Direkter i a pran laparol.

DIRECTOR RICHARD RAMPAL

Mersi Mr Chair. Mersi Onorab pou ou kestyon. Dan Bidze ki devan nou ki parey Onorab in fer sorti, *PPBBs* en konponan

vreman kritik. Akoz parey Minis i pe promote ki i enportan pou nou *move* dan bann fason, en pti pe pli soutenab, *in terms of like* bann zefor ki nou pe fer. Pa nou non plis zis demann resours imen.

E alor *PPBBs*, enn pou nou vin *closer* avek *the reporting sector both* lo kote *supervision level* e osi tou lo kote nou *core* fonksyon, pou nou kapab *share* ek zot bann diferan *threats and risk* ki nou nou pe war. Bann diferan *trend* ki nou pe war. E alor ki zot, zot kapab *sort* rektifye en pe zot bann sistenm mezir ki zot annan an plas.

E lo lot laspe ki anliny avek nou 4 pilye ki nou annan dan nou *strategic plan*, i *innovation* ek *IT*. *Again*, nou pe *think smarter ways of like* fer nou bann aktivite.

Nou pa pe zis *increase* nou bann *head count*. Akoz nou'n kapab realize menm *through the support of other FIUs*, nou war ki si nou kapab investir plis dan lenfrastruktir nimerik, i pou kapab anmenn plis *efficiency* e *effectiveness* dan nou *output*.

Nou konnen *through* Lasanble dan *previous budget*, nou ti ganny sipor kot nou ti aste bann platform ki ed bann *reporting entities*, ed bann *law enforcement* avek bann lezot

competent authorities to network better avek *FIU*.

E nou osi tou pou nou kapab *share* bann lenformasyon. E zis bouz vitman osi lo kote sipervizyon avek *enforcement*, i annan lo laspe *AML* i annan lo laspe *BO as well beneficial ownership*. Lo la osi tou nou annan plis zefor. Nou pe *go out again* anliny avek *PPBBs*.

Nou pe *go out* lo kote *awareness*, pou nou fer sir ki popilasyon biznes, zot konn plis *in terms of* lenformasyon lo *BO*. E pou zot kapab *sort of like* siport nou, pou nou kapab *populate* sa *database* ki nou nou *maintain*. Mersi.

MR SPEAKER

Mersi *Director*. Onorab Henrie.

HON GERVAIS HENRIE

Mersi Mr Chair. Bonzour tou dimoun. Mr Chair, dabor mon annan 2 pti pwen. *First of all*, ler mon vwar la kantite *Goods Standing Non-Domestic Entities* ki zot in site. Ki zot in dokimante di-si *May* - R41,916.

Mon premye pwen i se ki eski zot annan en nide si sa ki zot in dokimant bann dokimantasyon *Beneficial Ownership*? Eski zot annan en nide *the total population of non-domestic entities* dan Sesel?

Akoz la zot in *deal* avek 41mil. Eski zot annan en nide *total*? E *final small point* lo *table* 5 kot *performance measures for programmes* pwen 5. Zot koz lo *percentage dissemination of Financial Intelligence report. Percentage dissemination.* Mon ti ava pli konfortab avek en serten *number of reports* ki ou met deor.

Why do you opt for percentage as opposed to numbers? Akoz mon ganny lenpresyon ou kapab pe kasyet ou lefikasite ler ou met li dan *poursantaz as opposed* ki en *number of reports.* Mersi.

MR SPEAKER

Thank you Onorab. Director?

DIRECTOR **RICHARD RAMPAL**

Mersi Mr Chair. Mersi Onorab. Petet mon a pran sa dernyen *kestyon first.* Oparavan nou ti annan en sistenm kot nou ti *report* lo *numbers, right?* Me *however* nou pa kapab determinen kantite rapor ki ganny anvoye anndan kot *FIU.*

So prezan se pou sa rezon nou'n rektifye li nou'n anmenn li lo *poursantaz.* So, i vin *poursantaz of rapor* ki antre lo la. Prezan nou, nou travay lo la pou nou *dissemination.*

E lo kote laspe *dissemination* osi tou ki nou'n fer in *recent years;* oparavan nou ti fer en sel rapor ki nou dir *dissemination report.* Now nou pe kategorize si nou pe anvoy rapor pou *investigation,* nou separ li *from* rapor to lentelizans. Dakor?

E lo kote *Beneficial Ownership* lo *percentage of non-good standing if I got it right. Non-good standing entities outside of Seychelles right.* Nou pou annan sa lenformasyon la nou.

Premyerman *on a monthly basis* ki nou fer nou *FIU* nou pibliy lo nou *website* tou *statistic* ki pe antre lo kote *popilasyon database.*

So, ou pou war li i monte. Li osi tou nou annan en pti pe difikilte lo prezantasyon sa lenformasyon. Akoz ki arive, an menm tan ki ou ganny nouvo antite ki ganny enkorpo, i annan menm kantite pa menm kantite. Be selman i osi bann lezot ki pe *dissolve.* So, zot zot lo *register.*

E alor lo la nou ti'n *move from percentage* akoz *it is misleading.* Nou pe donn limero. So, lo laspe parey *IBC* ou pou war *total as at October this year the total entities in good standing* i R42,968, pou *international business*

companies ki i reprezant *approximately 95percent of the population rate*. Me par kont pou domestik sa i en lot konversasyon ki nou bezwen fer.

MR SPEAKER

Thank you, Director. Onorab Labrosse.

HON RICHARD LABROSSE

Mersi Mr Speaker. Bonzour *FIU*. Bonzour tou dimoun ki a lekout. Mr Speaker, mon kestyon pou *FIU* dan sa travay ki mon war zot pe fer. Zot pe met en bon pe zefor dan zot travay ki zot pe fer. Sa i ganny rekonnet par zot bann *major achievement* dan zot group.

Mon ti a kontan konnen an se moman la parey dan Sesel, i annan *cybercrime* ki pe pran ki'n fini atak en pe partou, partou. E nou annan nou bann dimoun deor ki napa bokou lenformasyon lo sa aktivite li menm ki pe ganny afekte. Bokou larzan pe ganny perdi dan sa.

Mon ti a kontan konnen dan sa Bidze ki nou pe al vote pou *FIU* la Mr Speaker. Si i annan en pti larzan pou zot depanse pou fer pey sansibilizasyon parmi popilasyon.

E sa osi mon pe koz organiz bann *meeting* dan distrik avek bann dimoun. E osi en pti pe lo sa menm laliny dan sa travay dir ki sa bann travayer kot *FIU* pe fer, vi ki mon ti demann sa kestyon lannen pase *CEO*, mon ti a kontan konnen si sa lannen oubyen dan Bidze ki pe vini la, i annan en pti zafer lankourazman pou zot? Mersi.

MR SPEAKER

Director? Mersi.

DIRECTOR

RICHARD

RAMPAL

Mersi Mr Chair. Mersi Onorab. Zis briyevman pran sa kestyon; lo kote *cybercrime* i annan diferan konponan kot nou *internally* ki nou'n fer? Nou'n *build capacity* lo laspe nou *staff* ki kapab. Akoz menm nou osi tou nou kapab fer fas avek *cybercrime* konman en antite.

So prezan nou'n *build* nou kapasite, kot nou annan en *staff* ki annan konpetans neser, pou *deal* avek *cybercrime*. Me si petet ou pou anmenn sa kestyon en pe lo kote *virtual asset* osi tou, sa i en demars ki pei pe met en bon pe zefor ladan.

E nou pe ekspekte ki ver Desanm sa lannen nou pou pe fer konsiltasyon, pou nouvo

Lezislasyon ki nou anvizaze war i pran plas *the first quarter of next year*.

E nou *internally as well* ki nou'n mete, nou'n fini *through Bidze of last year* osi tou. Nou'n fini annan en departman ki annan *staff* ki pe *deal* avek bann *matter relating to virtual asset*. E en pe *spillover* lo kote *cybercrime as well*.

E *even at the national level it is not only FIU* ki pe *focus* lo la. Nou annan *the national AML-CFT Committee*, ki nou vreman aktiv lo bann konversasyon koumsa. E kot i annan bann *subgrouping* ki nou *meet, whatever* ki nou pe war, i annan *law enforcement* osi tou ki annan aktivite ki al ganny raporte kot zot direkteman.

Tou sa ki pe ganny trouve par sa *as much as possible*, nou pe *deal* avek dan en fason *as efikas* ki nou kapab. E zis en pti pe lo *awareness* osi tou. I plan dan sa *PPBB* ki nou pe fer, tou bann risk ki nou war sistenm finansyel i fer fas kont. Nou pe *try to redress* sa bann *issues*.

Share sa bann lenformasyon avek bann *reporting entities*, pou zot konnen kwa ki zot pe *deal* avek; mannyer zot sistenm, mannyer bann kliyan ki zot, zot pe travay avek i kapab servi zot servis malapropo.

So, i annan en linisyativ ase striktire ki nou pe travay lo la. Mersi.

MR SPEAKER

Eski ou'n fer en komanter lo son pwen pou benefis pou *staff*? Mon'n permet li 2 pwen. Oule repet sa pwen? Selman vitman, en?

HON RICHARD LABROSSE

Wi, Mr Speaker. Wi, Mr Rampal mersi pou ou lenformasyon ki ou'n donner. Mon ti anvi konnen dan tou sa travay ki ou'n eksplike la ki zot pe fer kot *FIU*, eski dan Bidze 2024 i annan en pti zafer zot in mete pou ankouraz bann *staff* pou donn plis? Mersi.

MR SPEAKER

Mersi, *ok*. Vitman silvouple *Director*. *Director* ou annan en komanter oubyen?

DIRECTOR **RICHARD RAMPAL**

Ok mersi Mr Chair. Mersi Onorab pou ou kestyon. Ki demars ki nou, nou ti'n fer nou ti'n met travay lo en nouvo *scheme of service* pou *FIU*. Akoz nou osi tou konman en *FIU* nou'n war nou an 2023 nou'n perdi en bon *amount of staff*.

Again, i vin par rapor to zot *very marketable*. Ou kapab

konpran zot ki pe ganny tou *training*. Zot ki pe ganny *exposure*. *They are very marketable* e si bann lezot landrwa finansyel, biznes zot anvi rod *staff* zot pou al en serten lenstitisyon.

E sa *scheme of service* i pe ganny konsidere par Minister Finans. Me par kont dan sa *existing* Bidze ki devan nou *now*, i napa bokou pou *staff*.

Me par kont nou pe ganny – i pe propoze pou nou ganny en analis an plis. Me selman ler ou get globalman pou *staff* i napa en provizyon pou sa. Mersi.

MR SPEAKER

Mersi *Director*. Onorab Pillay.

HON SEBASTIEN PILLAY

Mersi Mr Chairman. E bonn apre midi Mr Rampal ek ou *Deputy*. Nou'n zwenn plizyer fwa avek *FIU*. Mr Chairman, mon kestyon i baze lo zisteman *wages and salaries and retention of staff*.

Mon note Mr Chairman, li anba Bidze *FIU* logmantasyon i pe plito kouver bann mezir ki Gouvernman in met an plas la 10poursan, e pou 1 an dan plas 6 mwan eksetera.

Me mon ti a kontan Mr Rampal, i presize *given* ki i pa pe war gran mouvman dan son abilite pou donn *staff* en

package ki *staff* ti ava voudre, konbyen *staff* ki'n ale kot *FIU* pandan 2023?

E eski Mr Rampal i kapab dir nou prezan, prenon kont ki ou annan sa kantite *staff* ki'n ale, ki zistans ou'n arive avek *populating the Beneficial Ownership register* ki en eleman tre enportan, ki *FIU* ki sipoze pe *manage*?

E si ou kapab donn nou *in terms of completion*, kote zot ete lo *populating* sa *Beneficial Ownership register*. Akoz sa i enportan pou nou travay ki nou bezwen fer avek bann lezot antite enternasyonal. Mersi Mr Chairman.

MR SPEAKER

Mersi Onorab. *Director*, *yes*?

DIRECTOR RICHARD RAMPAL

Mersi Mr Chair. Mersi Onorab pou ou kestyon. An 2023 nou'n rikord nou 6 *staff* ki'n kit nou e nou *total headcount* konman *FIU*, nou en pti lorganizasyon ki 43.

So, e *staff* osi tou ki nou perdi i bann *staff* ki konpetan, ki annan valer pou nou. So, i difisil e menm nou'n esey fer zefor pou nou *recruit*. Nou'n resevwar nou *approximately* 47 CV. Ler ou fer *the* - pa *screening* me ler ou fer prosedir pou ou

shortlist bann endividi, ou war swa ou ganny dimoun *overqualified*, swa dimoun *under qualified* ki pa neserman annan sa kalib ki nou nou pe rode.

E se pou sa rezon dan Bidze 2024 osi tou, nou'n propoze pou nou kapab ganny en teknisyen petet ki an deor Sesel. Ki kapab vini pou vin konplimant louvraz ki nou bann *staff* pe fer. So, sa i en pti pe lo kote difikilte.

E se pou sa rezon ki a plizyer repriz nou'n met devan Minister Finans, pou kapab reviz sa *scheme of service* pou nou bann *staff*. Kot i pa neserman ou anvi atrakte me selman pou *retain* ou kapasite ki ou annan. Ou konnen ki sa bann dimoun i kapab fer pou ou.

E plizoumwenn plito ou *retain* dan plas zis pou ou atrakte. Akoz i osi en prosedir pou ou *build the* konpetans of bann endividi ki ou atrakte.

E par kont pou *population of the BO database* lo kote domestik. Lo kote domestik mon a pran loportinite ankor. Mon ganny loportinite pou mwan *call out to* popilasyon ki pe ekout nou, *business sector please* fer li neser. Nou'n fer diferan linisyativ.

Nou ti fer en *BO* klinik dan Nor kot nou ti fer nou 2 *half day*. Nou ti resevwar nou egzaktaman 4 biznes ki ti *turn out*. Nou'n fer nou 2 semenn pase Santral. Nou dir nou'n vin en landrwa en pti pe pli santralize kot *at least* nou fer li 3 zour. 3 zour konplet kot premye zour zis zot tann *about it*. *At least* ou annan 2 ek 3 zour pou ou vini.

Nou'n resevwar *again* tre pe partisipasyon par *business sector*. Lo sa laspe mon anvi fer li sorti kler. Nou annan provizyon anba Lalwa pou nou penalize. Kwa ki primordyal i pa pou penaliz *business sector*.

I pou nou ganny sa lenformasyon. *Beneficial Ownership information* sa sistenm ki nou'n met an plas i pe promot latransparans. I pe promot lenstans kot *FIU* nou bezwen fer nou louvraz. *Law enforcement* nou bezwen fer nou louvraz.

Nou annan lenformasyon ki *accessible*. Me selman si *still* nou pe war kot *the business sector* zot pa pe vin devan pou zot fer zot bout. *The next move* apre ki nou'n fini *go round Mahe* avek Praslin, La Digue. Nou pou pe bouz direktman ver *enforcement*.

Me selman pou ankouraze osi tou nou ankor *still* annan

bann program *awareness*. Me sa ki nou'n fer sa *BO clinic*. Nou'n *go over and beyond what FIU is expected to do*.

Nou pe sey asiste bann biznes pou zot *register*. Nou pe asiste zot, pou zot *populate*. Nou konnen petet i annan dimoun pa tro konfortab avek servi bann *computer*, telefonn pou zot fer sa bann aktivite. Nou pe donnen sa bann servis ek sa bann fasilite.

An se ki konsern popilasyon mon ava donn ou son limero *total amount* ki'n ganny *populated* pou bann *companies* isi Sesel. Nou annan nou zis 2400 ki reprezant 31poursan *of population rate* dan *domestic sector*.

E sa i en move reprezantasyon *of compliance* isi. So, vi ki mon pe ganny loportinite pou fer sa konversasyon avek zot osi tou. Zot pli pres ek bann *constituents* dan *business sector*. *Please support the work of the FIU*, zefor ki nou pe sey fer.

Avek tre pe *staff* ki nou annan osi tou, nou pe sey nou mye pou nou al deor, pou nou esey regarde mannyer nou kapab *increase* sa.

E menm nou anvizaze travay avek bann servis finansyel ki nou konnen i ganny

servi pli *frequently by business sector*. Ki labank, *insurance companies*, pou nou met en prezans ladan kot pou ankouraz bann biznesmenn ler zot antre.

Pou zot *sort of like* zis petet *prompt* zot ek en pti kestyon. Eski ou'n fini fer le neserer *as it comes to Beneficial Ownership?* Mon pa pou pran bokou plis letan lo la. Akoz mon konnen nou napa bokou letan. *Thank you*, Mr Chair.

MR SPEAKER

Mersi. Mon krwar ou'n donn en bon pe detay. Eski ou pe rod klarifikasyon?

HON SEBASTIEN PILLAY

Wi Mr Chairman. Koman Lasanble nou ti met en Lalwa, e la i annan legzisans statitwar ki bann biznesmenn i fer sa, ki bann biznes i fer sa. Me nou annan Minis Finans la.

Minis Finans i bezwen pronons son lekor lo ki pou arive avek demann statitwar ki annan e bann penalti ki asosye avek ek bann biznes pou zot pa met zot lenformasyon lo sa rezis. E i la. So, i devret fer komanter lo la akoz 31poursan i vedir ki tou bann biznes prezan pa pou an konformite avek en Lalwa ki nou'n pase. I annan en penalti asosye ek sa.

So nou ti a kontan ki i pronons son lekor. E si i pou met resours adisyonnèl pou ki *FIU* i annan fer sa travay, pou ki bann biznes swa Gouvernman i pran desizyon pou penaliz zot, pou pa donn zot lenformasyon. Ouswa Gouvernman i dir i pou bezwen donn zot ankor en peryod letan pou *comply if FIU* i fer sa. Mon krwar i nesese pou nou fer sa presizyon.

MR SPEAKER

Ou pwen i kler les Minis adrese. Minis?

MINISTER NAADIR HASSAN

Mersi Mr Chair. Mersi Onorab. Lalwa i kler ou bezwen anrezistre. I annan en *fine* ou anrezistre. *Once* ki *FIU* i konplet sa legzersis ki i pe fer Lalwa pou ganny *apply*. Mersi.

MR SPEAKER

Thank you. Onorab Romain.

HON GEORGES ROMAIN

Mersi Mr Chair. Minis, bonn apre midi avek ou nouvo *panel*. Mwan mon kestyon i al en pti pe dan menm laliny avek Onorab Labrosse, kot nou'n vwar dan zot *current challenges* ki zot pe koz pe ganny plis menas en pti lo kote *cybercrime*.

E byensir zot pou bezwen *invest* dan bann lekipman ki pli

sofistike. Sa zot pe mazine ki pou zot kapab protez zot sistenm an plas.

E par kont ler mon get dan Bidze mon pa war nanryen ki zot pe al *acquire* lo kote *software*.

E sa kekfwa mon pe mazine kekfwa dan en lot laliny ou a kapab eksplik mwan. Me selman an vi ki mon konnen *FIU* zot *hold* bann *data* ki vreman sansib. E pou mwan alors mon vwar sa en pti serye.

E alors mon ti a kontan ganny en pti plis lenformasyon avek *CEO*, si i annan okenn *purchase* ki zot pe al fer akoz mon pa war nanryen dan Bidze. Mersi Mr Chair.

MR SPEAKER

Thank you. CEO.

DIRECTOR

RICHARD

RAMPAL

Mersi Mr Chair. Mersi Onorab. Lo kote *purchase*, ki nou annan dan bann *previous years as well*, kantmenm nou pe fer fas avek sa bann *threat* a se moman *now*. Depi oparavan ler nou'n fer bann diferan *risk assessment*, nou menm konman *FIU at an international level* nou'n war ki i annan sa bann *areas* kot nou bezwen *focus* lo la.

E dan nou bann *previous lines* Bidze, nou'n fer bann provizyon *in terms of* like bann *software* ki nou'n *acquire*. Si ou pou regarde osi tou dan *this year's budget*, nou annan nou an plis ki nou'n mete *in terms of* like nou bann *renewal of software*.

Petet si ou pou regard *software license fees*, i bann *software* ki nou'n fini *acquire*. Prezan *then* nou bezwen zis pey zot bann *renewal just to support the work that we've been doing*.

E menm lo sa laspe *cybersecurity as well* ki nou pe fer nou menm konman *FIU*. I annan en nouvo konponan ki nou'n mete. Nou anv'i fer en *penetration testing* lo nou prop sistenm pou nou fer sir nou sistenm i azour.

Ou pa pou kapab pe al deor pou ou zis esey *support the work of the other entities*. We need to make sure ki nou sistenm i reste kouran ver bann diferan keksoz ki nou pefer lo kote *FIU*. Mersi.

MR SPEAKER

Mersi *Director*. Onorab Bistoquet.

HON ROSIE BISTOQUET

Mersi Mr Speaker. Bonzour Mr Chairman. Bonzour Minis avek ou delegasyon. Minis, mon pe

get anba *challenges* pou *FIU*. Sa dernyen *bullet challenges* pou *FIU*, i met *inadequate specialised expertise in the fields of* ki *impact* lo kalite avek kantite travay finansyel pou fer *analysis*.

Selman ler mon get anba zot *PSIP* lo *specialised staff* mon pa war gran zafer lo *training*. E osi pou *returning graduates* osi i zero. Petet – pou *training fees* mon pe koz lo la. Petet donn nou en pti leksplikasyon ki stratezi ki zot pe anmenn avek pou *retain staff*, ouswa pou ogmant la kantite *staff* ki zot bezwen?

Apre en lot keksoz anba *PSIP* osi mon'n trouve ki anba *other service agreement* i annan *other uses of goods and services*, I annan sa *service agreement* ki i ti'n sorti 904 in in mont 1.3.

Prezan mon pe rode aköz ki annan sa logmantasyon, sa gran logmantasyon menm i annan pou fer avek sa *subscription fee* ki in desann osi. So donn nou en pti pe lesplikasyon lo la aköz. Mersi.

MR SPEAKER

Mersi. *Director*, pou reponn?

DIRECTOR

RICHARD

RAMPAL

Mersi Mr Chair. Mersi Onorab. Lo kote program pou nou *retain*, pou nou *attract*. Parey mon ti'n fer resorti, *this i remain* en konsern pou nou *FIU*. Me selman par kont ki nou pe fer.

Nou pe fer sir ki *still* nou pe donn *training right*. *Training* i pa zis vin – petet dan sa lanvironnman *AML-CFT* kwa ki enteresan e kwa ki dan benefis *FIU* e pei. Nou pa neserman dan tou lenstans demann finansman Gouvernman pou kapab *train* nou bann endividi.

Nou annan *massive network*. Enn *between FIUs*, groupman *FIUs*. Bann lezot groupman ki *go beyond FIUs*, me ki *encompass AML-CFT* zeneralman.

E ki ou pou war dan nou Bidze, ou pou war nou'n met nou annan *increment* lo nou kote *subsistence allowance*, *right*? Akoz nou ganny bokou bann *exchanges* ki nou al fer. Ki *everything i mostly everything is fully funded*. Akomodasyon, *airline* ou ganny en *reduce subsistence*. Prezan nou nou zis konplimant sa pti bout ki dekalé *between the two*.

So, i annan bokou en keksoz mon ti fer resorti ler mwan mon ti zwenn *FIU*. I ti *amazing* kantite resours ki *available* pou *FIU* pou *build capacity*.

So, lo sa laspe petet si *at times* ou pa pe war bokou ki nou pe demann Gouvernman *in terms of like* pou *training* spesifik. *Still* nou *train* nou bann endividi, me selman *we have a massive network of partners* ki donn nou sa.

E menm *we have ECOFEL*, *right*? *ECOFEL is part of* en *its training centre* ki *part of Egmont*. So, *it's just from your – the comfort of your home*. Ou annan en *laptop* ou zis mont *online* ou fer en *training overnight*, i donn ou en nouvo *knowledge about* en nouvo keksoz. So nou annan en pe lo sa laspe.

Zis pou bouz en pti git lo ou lot kestyon *about* –?

MR SPEAKER

Ou bezwen en leklersisman *Director*?

HON ROSIE BISTOQUET

Lo service agreement.

MR SPEAKER

Yes, ti annan en *service agreement* ki ti pe kestyonn logmantasyon ki'n annan.

DIRECTOR RICHARD RAMPAL

Mr Chair, *through you*, eski i posibil pou mwan ganny Madanm Azemia zis pou pran

en pti kou pou sa kestyon *through you?*

MR SPEAKER

Ok, ou'n ganny lenformasyon. Wi?

DIRECTOR RICHARD RAMPAL

Lo sa ki nou'n – ki ti annan anba laliny *FIU* nou ti annan sa *subscription to ESAAMLG. ESAAMLG is the FATF style body within the Eastern and Southern African Grouping*, ki nou nou form *part* avek.

Oparavan *FIU* nou ki ti annan sa responsabilite pou pey sa *subscription*. Me prezan ki nou'n fer sa i vin en laliny ki nou'n *pass it on to* Minister Finans. *Because* Minister Finans i *house* sa zefor lo kote *AML-CFT here in Seychelles through the National AML-CFT Committee*. So sa in ganny *pass on* lo kote Minister Finans *for that reason*.

MR SPEAKER

Mersi *Director*. Onorab Andre?

HON CLIFFORD ANDRE

Mersi Mr Chair. Mr Chair, mon ti a kontan demann *Director*, si dan konteks zot Bidze e konteks zefor ki pe ganny fer avek *private sector* pou *comply* avek

bann Lalwa ki'n ganny met an plas.

Eski zot *accommodate* en lenstans kot en *private sector*, i santi i annan en dimoun ki'n vin kot li pou fer en tranzaksyon. E *it's a bit doubtful*. Eski i kapab pas sa lenformasyon avek zot, pou zot fer sa verifikasyon e donn li en repons lo *whether that is* sa dimoun i *blacklisted* oubyen ki manner i ete? So mersi.

MR SPEAKER

Mersi. *Director*.

DIRECTOR RICHARD RAMPAL

Mersi Mr Chair. Mersi Onorab pou ou kestyon. Lo kote *FIU* sa fasilite ki Onorab pe fer referans avek nou *provide* sa fasilite, sa sipor plizoumwen avek Gouvernman. Bann lezot departman Gouvernman.

Me par kont *in terms of like* bann *reporting entities themselves or the private sector*, vi ki zot, zot konn zot kliyan, vi ki zot, zot konnen *in terms of* ki zot *risk appetite*.

E osi tou *as part of* Lalwa e sa ki nou promote, i enportan pou zot annan bann sistenm an plas, ki azour avek risk ki zot zot fer fas avek, nou kit sa avek *the private sector*. Akoz nou pa anvi antre dan en *conflictive*

position kot nou *FIU* nou donn ou en lenformasyon ki ou, ou bezwen.

E si i *so happen* ou *on board* kliyan e dan le fitir ler i ariv en keksoz ou lav ou lanmen ladan, ou dir be *FIU* ti donn *go ahead*.

E dan nenport ki model osi tou i pa'n pirman pou *FIU* i pou bann lezot *competent authorities, that such of Central Bank as well* avek *FSA* dan konteks lokal. Nou esey nou mye pou nou *sort of like* pa les nou antre dan en *conflicting position* kot nou kapab *sort of like* petet *overstep* osi tou.

Me selman par kont osi tou si i annan bann lenstans, koumsa ou kapab *report* li *to us* konman en keksoz ki ou en pti pe *suspicious about*.

Me selman i pa neserman ki ou bezwen termin sa *business relationship* or pa bezwen *onboard* sa *relationship*.

Me nou nou fer nou neser *behind the scenes*. E a serten pwen nou pou donn ou en *feedback* lo sa lenformasyon ki ou'n anvoy ver nou. Mersi.

MR SPEAKER

Mersi *Director*. Bon, annan dernyen kestyon Onorab Loze.

HON JOHAN LOZE

Mersi Mr Speaker. Mr Speaker, enn bann *core principles of financial sector supervision* ki ganny promote par depi son *IMF, Egmont Group* e osi *FATF*, i *institutional autonomy* e *operational independence* pou bann *FIUs*.

I enteresan *Director* ki ou'n nonm *ECOFEL*. *ECOFEL* in *actually* devlop en kour lo sa *size of operational independent and administrative autonomous FIU*. So zot annan en *course* lo sa *size*.

Kestyon ki mon anvi poz ou se, ki bor eski ou santi *FIU* Sesel i ete an se moman lo sa nivo pou fer *self-assessment* lo zot lekor, e pou nobou determin zot nivo lotonomi e lendependans operasyonnel, ki keksoz ki ganny pouse e promote?

Ofet la, mon pou menm kestyon prose ki nou pe fer dan Lasanble pou enteroz lo zot lo zot Bidze.

E akoz sa, mon konnen i enn bann keksoz ki ganny *frowned upon* par *both Egmont Group* e *FATF*. Sa kontrol parلمانter, Lezislatif lo *FIUs*. E *doubly so* dan ka Sesel, vi ki Parلمان Sesel in deza enterfer avek *FIU* pou komet en akt de koripsyon. Mersi.

MR SPEAKER

Onorab, mon pa konnen akfer ou kontinyen al dan bann lakizasyon koripsyon, ki ou pe zis servi pou ou fer en alegasyon. Ou kestyon ti'n byen ale. E mon ti a voudre ki ou ti ava reste lo la.

E mon demann ou silvouple pou vey en pe ou bann alegasyon. Mon krwar i annan en pwen lo lendependans *FIU*. Direkter si ou kapab adrese.

DIRECTOR RICHARD RAMPAL

Mersi Mr Chair. Mersi Onorab pou ou kestyon. Lo kote zis pou azout en pti pe an plis osi tou lo kote – parey Onorab in fer resorti i annan travay lo kote *ECOFEL* ki'n fer.

Par kont nou menm nou *being part of* en manm *Egmont Group*, nou bezwen kapab demontre keksoz primordyal e lotonomi, lendependans e sekirite lenformasyon *of FIU*, *right?*

E as we speak without having to say much - this week, nou annan *FIUs* ki'n ganny *disconnected with Egmont secure web by virtue of* zot pa pe kapab protez lenformasyon ki nou bann *peer* nou pe anvoye, ki zot zot pe ganny *access* avek.

So, lo kote nou *FIU*, sa i en keksoz primordyal e menm

FATF ler i *set up FIU* i koz klerman lo lotonomi *FIU*. E nou konnen petet *at times* wi ou met li dan Lalwa. Me an pratik lo kote *FIU* Sesel, mon pou bezwen koz a sa pwen ki ler mon ti pran lofis le 1 Mars 2019.

Depi ler ki mwan mon'n pran lofis, mon pa pou kapab dir ou, ki mon'n santi *at any* pwen i annan lenterferans lo loperasyon lenformasyon ki nou nou kolekte. Lenformasyon ki nou travay *or even* petet ki ou kapab dir ou ganny presyon pou ou *look* lo serten ka ki petet napa merit.

Dan peryod letan ki mwan mon'n *hold office*, mon pa'n eksperyans - mon pa ankor zanmen. E mon pe ekspekte ki mon pa pou zanmen eksperyans en sityasyon koumsa.

Nou *operate* lo en platform *integrity, which is very important, confidentiality*. E *so far* mon pa ankor resevwar en *issue* koumsa *when it comes to* lotonomi *FIU*. Mersi.

MR SPEAKER

Mersi. Mersi pou sa leklersisman *Director*. Nou a prezan vot lo Bidze *Financial Intelligence Unit* pou R29,862 mil. Manm ki an faver lev lanmen silvouple? Manm ki kont?

Lo Bidze *Financial Intelligence Unit* pou R29,862 mil 22 Manm in vot pour, 0 kont, 3 in *abstain*. Bidze in aprouve par Lasanble.

Zofisyé *FIU* si zot prese pou kit lasal zot kapab, be selman nou annan detrwa pti *item*, detrwa pti *item* pou fer. So nou a – si ou konfortab ou kapab reste e nou ava termin ansanm.

Nou pou pran vot lo bann antite e parey labitid Minister Finans, i donn en pti apersi lo *purpose* sa antite e osi en pti revi lo son Bidze. SS Payet ki fer sa normalman? E si Minis i aksepte? Minis i a fer? Minis.

TAX AND CUSTOMS AGENT BOARD & REVENUE TRIBUNAL

MINISTER NAADIR HASSAN

Mersi Mr Chair. Mr Chair, premye se *Tax and Customs Agent Board and Revenue Tribunal*. So manda *Tax and Customs Agent Board* koni konman *TACAB* i pou anrezistre e regulate bann lazans *tax* e *customs*.

E manda *Revenue Tribunal* li se pou ekout okenn ka ki *taxpayers*' pa dakor avek desizyon *SRC*. E in ganny en alokasyon Bidze R3.261 milyon

pou lannen 2024. Pou *Government Audit Committee* –

MR SPEAKER

Hold on Minis nou a pran en vot enn par enn. Akoz mon konpran nou bezwen pran vot enn par enn lo la. So nou a vot pou Bidze pou *Tax and Customs Agent Board and Revenue Tribunal* pou R3,261 mil. Manm ki an faver lev lanmen silvouple. Mersi. Manm ki kont?

Lo vot pou *Tax and Customs Agent Board and Revenue Tribunal* pou R3,261 mil 23 Manm in vot pour, 0 kont e 2 abstansyon. Bidze in aprouve par Lasanble. Minis, *Government Audit Committee*?

GOVERNMENT AUDIT COMMITTEE

MINISTER NAADIR HASSAN

Mersi Mr Chair. Mr Chairman, Komite Odit Gouvernman in ganny alokasyon Bidze R861 mil pou lannen 2024. Komite Odit Gouvernman i ganny etabli anba seksyon 34 *Public Finance Management Act 2012*. Zot rol prensipal i enkli sipervizyon bann rapor odit pou ede ki bann defayans i ganny amelyore. Mersi.

MR SPEAKER

Mersi. Manm i a vot lo sa Bidze pou *Government Audit Committee*. Manm ki an faver lev lanmen silvouple? Manm ki kont? Lo Bidze *Government Audit Committee* pou en Bidze R868 mil 21 Manm in vot pour, 0 kont e 4 abstansyon. Bidze in aprouve par Lasanble. Minis, *National Bureau of Statistics*.

NATIONAL BUREAU OF STATISTICS

MINISTER NAADIR HASSAN

Mersi Mr Chair. Mr Chairman, Biro Statistik Nasyonal i ganny en alokasyon Bidze R20.37 milyon pou lannen 2024. Sa i en logmantasyon R3.8 milyon letan ou konpar avek alokasyon 16.6 milyon dan Bidze revize an 2023.

Manda Biro Statistik Nasyonal se pou kolekte, analize e pibliy bann endikater ekonomik, sosyal atraver bann *censuses ek survey*. Mersi Mr Chairman.

MR SPEAKER

Mersi. Manm i a vot pou Bidze – ou annan en *point of order*? Yes.

HON SEBASTIEN PILLAY

Mersi Mr Chairman. Mr Chairman, ler nou ti diskit bann Bidze ki pa pe vin Lasanble baze lo largiman SS Payet ki si napa *significant increase* dan zot Bidze, ou ti dir ou pou permet apre ki Minis in fer en lesplikasyon oubyen en prezantasyon lo la - ou permet si Manm i annan kestyon - *at least* en kestyon pou klarifye serten keksoz ki annan.

Me i paret poudir depi ler nou pe pran sa bann antite ki pa pe vini, bann Chair pa pe *allow* okenn kestyon lo sa bann Bidze ki pe pase.

E mon krwar poudir sa i pa dan lespri latransparans ki Lasanble i sipoze travay laba. *I submit to you my defer to ou ruling*. Si ou dir ou pa pe *allow* kestyon ou pa pou *allow*. Me mwan mon ti a kontan demann en kestyon lo size Biro Statistik Nasyonal.

Akoz i annan bann lenformasyon ki'n *come to light*. Bann *issues* ki'n souleve kot Biro Statistik ki Minister Finans i bezwen eksplike ki pe arive. Biro Statistik i sa *premier entity* ki donn lenformasyon an se ki konsern statistik Gouvernman. E i nesese pou nou ganny serten klarifikasyon.

MR SPEAKER

Ok, alright ou'n fer en pwen. Wi, mon krwar nou ti fer sa konversasyon dan *ABC* letan nou ti pe konsider prosedir lo Bidze. Latransparans i en prensip nob. Si ou annan en kestyon ki oule poz Minis. Poz li la.

HON SEBASTIEN PILLAY

Mersi Mr Chairman. Mr Chairman, en antite parey Biro Nasyonal Statistik i bezwen stab. I bezwen stab dan se ki konsern *leadership* sa antite. Akoz se ki *the referral point* pou donn lenformasyon. Be nou'n ganny lenformasyon ki i annan serten enstabilite an se ki konsern *leadership* kot Biro Nasyonal Statistik.

E nou ti a kontan si Minis i kapab klarifye, kote nou ete la ozordi an se ki konsern *leadership* kot Biro Nasyonal Statistik? Eski i annan okenn problem vizavi Sef Egzekitiv? Sa dimoun ki *lead* – akoz sa dimoun Mr Chairman, i pa nenport ki Sef Egzekitiv an se ki konsern en Biro Nasyonal Statistik.

E mon krwar Mr Rampal i konpran tre byen ki mon pe dir. I sa *reference person* an relasyon ek lenformasyon.

E lefe ki Biro Nasyonal Statistik i annan en relasyon tre pros avek Labank Santral, nou

ti a kontan konnen si keksoz i stab kot sa antite? E si i annan okenn problem akoz i annan osi kestyon validite serten statistik ki pe ganny prezante. Mersi Mr Chairman.

MR SPEAKER

Mersi. Minis, si ou kapab adrese.

MINISTER NAADIR HASSAN

Mersi Mr Chair. Mr Chair, pou le moman napa en Sef Egzekitiv Biro Statistik. Biro Statistik i annan en *Board*. E Gouverner Labank Santral i *Chairman Board*, *ok?* E mwan konman Minis Finans mon pa enterfer dan loperasyon *Statistics Bureau*. *Board* ki pran tou desizyon ki govern Biro Statistik.

Ler kontra *CEO* ti fini, *Board Statistic Bureau* ti pran en desizyon pou *advertise* sa *post*. Sa *post* in ganny *advertised*. I annan bann *recruitment process* ki'n ganny fer. E sa mon kit dan lanmen *Board Statistics*. E mon ava apresye ki bann Manm i pa ekspekte ki mwan mon enterfer dan louvraz *Statistics Bureau*.

E lo kote si i annan validite avek *statistics*. Okenn lorganizasyon ki nou *deal* avek pran nou statistik, pou servi pa'n enform nou poudir i annan

problenm *validity* nou
statistics.

So, mon pa konn sours Onorab be selman nou kot Minister Finans, pou le moman nou napa okenn lenformasyon ki anliny avek sa ki Onorab pe dir. Mersi.

MR SPEAKER

Onorab, nou pa kapab antre dan en largiman. Minis, in donn ou e repons nou pou vot lo Bidze. Nou pou vot lo Bidze *National Bureau of Statistics* pou R20,310 mil. Manm ki an faver lev lanmen silvouple. Mersi. Manm ki kont?

Lo Bidze *National Bureau of Statistics* pou R20,310 mil 16 Manm in vot pour, 0 zero e 8 in *abstain*. Bidze in aprouve par Lasanble.

Bon, mon remersye tou bann zofisyè ki la e nou'n sot en pe ler. Me mon krwar nou'n nobou ariv a lafen nou travay pou bomaten avek ase efikasite.

Nou a pran poz la e nou pe rebran nou a fer li 2:15 pou lezot seksyon ki reste. Mersi. Mersi bann zofisyè *Financial Intelligence Unit* ki pe kit nou. Bon nou a pran poz.

(BREAK)

OTHER GOODS AND SERVICES

MR SPEAKER

Bonn apre midi tou dimoun, Manm Onorab, zofisyè Lasanble e nou piblik. Nou pran dernyen seksyon Bidze ki konsern *Other Goods and Services*. Mon pou demann SS Payet mon krwar ki abitye fer sa avek nou. I annan diferan seksyon.

Mon krwar nou pou bezwen konsider sak seksyon separe. Zis pou nou kapab *focus* bann kestasyon. Me vot eski nou pran en sel vot lo *Other Goods and Services*? Yes, ok, good.

Bon nou annan plizyer bout ladan. Mon krwar i pou esansyel pou Manm reste lo sa bann bout ki dan Bidze. E tousala i ase teknik. So nou pou napa leskiz pou al dan bann konsiderasyon Polisi oubyen *management*. Nou pou kapab *focus* lo zis sa bann sif ki dan Bidze.

So nou konmans avek *Other Goods and Services*. SS oubyen Minis mon pa konnen lekel ki pou dir en mo lo sa Bidze. Nou a pran sa premye laliny e sa i dan seksyon 2 lo paz 28. Minis?

MINISTER NAADIR HASSAN

Mersi Mr Chair. Bonn apre midi tou bann Manm Onorab e tou dimoun a lekout. Pou lezot depans anba Byen e Servis Mr Chairman, en alokasyon R29.418 milyon pe ganny propoze anba bann lezot vot. E sa i *comme* swivan;

Professional and Consultancy Services R20.4 milyon.

Unforeseen visit of dignitaries R2 milyon.

Advertisement and publicity R1 milyon.

Selebrasyon Zournen Nasyonal R6 milyon. Mersi Mr Chairman.

MR SPEAKER

Byen okenn kestyon lo sa seksyon? Byen, napa nou kapab – wi, *ok*. Onorab Henrie.

HON GERVAIS HENRIE

Mersi Mr Chair. Bonn apre midi tou dimoun. Mr Chair, mon ti ava kontan en pe lesplikasyon lo *advertisement and publicity*, normalman ki nou *spend* lo la. E apre *cleaning services*. So finalman mon war dan 2024 napa. E mon'n tann tou antite in vin in dir zot pe abzorbe bann dimoun ki ti pe fer travay servis *cleaning* avek zot.

Anba sa legzersis ki'n ganny fe,r ki lekonomi ki nou war nou pe fer? E apre sa

process ki mannyer i pou marse? Zis bann dimoun i ganny abzorbe ouswa zot pou al lo – ki mannyer nou apele, ler nou fek vin dan en travay. Wi, konmsi ou pou ganny anploye direkteman ouswa ou bezwen pas atraver prosedir parey en nouvo travayer? Mersi.

MR SPEAKER

Thank you. SS?

SS PATRICK PAYET

Mersi Mr Chair. Mersi Onorab pou sa kestyon. Bonn apre midi tou Manm Onorab e tou dimoun ki a lekout. Lo kote *advertisements and publicity*, *usually* nou met en provizyon pou bann *cross-cutting adverts* ki kapab annan.

Par egzanp si i annan e piblikasyon dan en *newspaper* enternasyonal, ki kouven en pe laspe lekonomi, finans, *tourism*, ki kekfwa napa sa vot anba *specific* anba sa Bidze sa Minister la i ganny peye ladan.

E osi *secondly* lo kote kekfwa bann *website*, bann Minister vi ki nou anvi ankouraz plis laspe, pou fer sir ki lenformasyon i akse avek piblik. Nou pe ankouraz tou sektè annan zot *proper website*. Sa i en keksoz ki nou pe travay avek *DICT* avek bann

antite. So, sa i en laspe ki nou kouver ladan.

Lo kote *Cleaners' Cooperative* parey in anonse, konmansman Zanvye *actually now* nou'n *meet* avek bann *housekeepers*. Nou'n fer premye *meeting* avek zot e aktyelman ozordi zot in fer *meeting* avek Lanplwa.

Akoz Minister Finans nou'n ekrire *officially Cleaners' Cooperative* avek lentansyon pou nou fer *dissolution Cleaners' Cooperative*. E nou'n *meet* avek bann *housekeepers last week*. E nou'n *advice* zot bann ki anvi ganny re ganny abzorbe dan bann antite Gouvernman, pou zot kapab siny en dokiman *at least* pou nou konnen lekel. Ki nou'n donn zot sa posibilite pou ganny re abzorbe avek nouvo kondisyon *from* le 01 Zanvye 2024.

E ki nou'n mansyonn avek zot osi, ki parey tou travayer Gouvernman zot pou al dan sa probasyon. Pou regarde avek zot servis ki zot pe donner.

E dezyenman en keksoz ki nou'n mansyonnen avek zot ki zot pou ganny konpansasyon; zot *pro rata* gratwite *by* avan konplet *by* le 29 Desanm so son Vandredi.

E nou'n fer *meeting* avek PSB osi lo Praslin, La Digue pou

nou kapab koz avek bann *housekeepers*. En konsern ki zot in met devan nou ki nou pe zwenn avek sekter finansyel bann labank. Sirtou aköz zot ganny re abzorbe dan bann Minister, se sa posibilite sa bann ki annan *loan*, si labank i kapab pran zot bann konpansasyon ki zot pe gannnen.

E sa en diskisyon ki nou pe gannnen, ki nou'n donn zot sa garanti, ki nou pou demontre avek bann labank ki zot pe al ganny re abzorbe dan bann Minister. So, sa en pe bann diskisyon ki nou'n gannnen avek zot. Mersi.

MR SPEAKER

Thank you. Onorab Lemiel.

HON SYLVANNE LEMIEL

Mersi Mr Chair. Bonn apre midi *Minister* avek ou nouvo delegasyon. *Professional and consultancy services* i annan en ogmantasyon. Mon ti a kontan konnen konbyen?

E mwan osi mon konsern i ti lo sa kote *Cleaning Services*. SS ou'n fer resorti ki i annan serten travay ki – i annan *meeting* ki zot in fer. I annan serten lezot travay ki zot pe fer ek bann labank.

Akoz ki mwan mon ti pou kontan konnen ladan, se ki

kantite dimoun ki petet pou al ganny fer *redundant*? Eski zot in deza annan en nide ki kantite ki pou al ganny abzorbe?

Akoz sirtou i annan landrwa par egzanp dan Minister Lasante, i annan en kantite sa bann travayer e bokou zot pe ganny demande pou fer tes pou regarde si zot byen, si zot *fit to work*.

E i annan en krentiv ki zot pou perdi. I annan en krentiv ki zot pou perdi zot louvraz. Sa i sa bann dimoun. So petet mon regarde la si zot annan en nide dapre zot bann *meeting whatever* ki zot in fer, petet apepre ki kantite dimoun ki kapab perdi zot travay e ki kantite pou ganny abzorbe? Mersi.

MR SPEAKER

Mersi. SS.

SS PATRICK PAYET

Mersi Mr Chair. Mersi Onorab. Lo kote *professional and consultancy* letan ou pou regard Bidze total ou pou vwar ki zis en pti logmantasyon. E sa i mazorite lo kote *exchange rate* ki letan nou'n regarde. Akoz bokou sa ki nou pe peye dan *exchange rate*.

Lo kote *cleaners*, i annan apepre 622 *cleaners*. Me selman letan nou *meet* avek zot *last*

week, nou ti donn zot en kopi *letter of expression of interest*.

Savedir tou *cleaners* in ganny sa posibilite si zot pou montre zot lentere pou zot ganny re abzorbe. I annan par egzanp lo kote *cleaners* kekfwa ki ti dan sekter prive.

Nou ti'n *meet* avek sekter prive e menm avek ban antite Gouvernman parey bann *SOEs*. Kefwa zot i pa tonm dan sa kategori Gouvernman. *But however*, mazorite bann sekter prive ki nou'n koz avek zot pare pou re abzorb sa bann *cleaner* konman en *full time staff*.

Secondly apre i annan sa group *cleaners, housekeepers* kekfwa ki ti pe *rotate*. Savedir letan enn pa ti pe travay, kekfwa enn ti'n pran konze, prezan zot, zot ti dan sa *pool* ki zot, zot ti ganny kekfwa al ranplase. Ki nou pe fer sa nou met sa *pool* anba *Public Service Bureau*.

So pou annan en striktir anba *Public Service Bureau* ki sa *pool of housekeepers* pou ladan. Ki si i arive par egzanp kot Minister Finans i annan ki'n pran konze ki sa *pool*, pou kapab ranplas sa bann *staff* dan sa striktir. Mersi.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chair. Mr Chair, mon kestyon i reste lo *Cleaning Services*, sa *Head Cleaning Services* ki 2024 pou napa Bidze, aköz restriktirasyon ki Gouvernman pe fer dan sa sekte.

Now mon kestyon i, se ki sa laranzman ti ganny fer letan, nou ti pe fer restriktirasyon Gouvernman anba program ekonomik avek *IMF*. Ti en laranzman ki ti ganny fer ki bann dimoun ki *noncore* dan Gouvernman i *exit* Gouvernman. Me solman zot *still provide* en servis e zot ganny *cater for* peyman anba *goods and services*.

E ti annan en serten poursantaz travayer ki Gouvernman ti kapab retenir dan *core service* Gouvernman an relasyon avek nou *rate GDP ratio* So sa ti lagreman sa letan avek *IMF*. Be *still* vi ki nou osi anba en program *IMF* la, mon ti kontan konn pozisyon Minis or *SS* lo ki *IMF* pe dir la, an se ki konsern sa *particular move* ki Gouvernman pe fer.

E si ou kapab dir nou er zot in get tousala. Konbyen mon pa konnen petet si in ganny demande sa. Konbyen dimoun ki zot anvizaze pa pou – i riske a pou kapab ganny anploye or antre dan *some form of*

employment avek Gouvernman lannen 2024? Mersi.

MR SPEAKER

Onorab, sa i bann kestyon ki – desizyon lo en program ki'n fini deside. Mon pa anvi pas letan Bidze la lo desid, lo revwar bann desizyon ki'n fini ganny fer. E *well* se pour sa ki mon pe dir annou bezwen reste konkret lo sa Bidze.

Minis, en kestyon in demande si ou annan en remark silvouple. *SS*?

SS PATRICK PAYET

Mersi Mr Chair. Mersi Onorab. Onorab, Mr Chair, letan nou'n fer negosyasyon avek nouvo program avek *IMF*, paramet ki nou'n negosye avek zot se letan ou regard *wages and salaries as* en poursantaz *of GDP*. So nou'n negosye avek zot ki pou nou vwar en trazeksyon ki apepre *11 percent of GDP*.

So sa en keksoz ki nou'n travay *IMF*. E *this is where* ki *this morning* ki mon ti pe mansyonnen osi. Ki pli i annan krwasans dan lekonomi, ki pou ed nou pou nou kapab en pe plis larzan, espesyalman pou nou reviz en pe sa bann *scheme of service*.

Ozordi mon konnen sa sif i par lao *11 percent of GDP*. Me selman trazektwar aköz *IMF* i

pa get zis Bidze sa lannen. I get mwayen term ki mannyer ou *forecast* i ete.

So letan nou nou'n fer nou *forecast*, menm si enn de *noncore* pe ganny re abzorbe *as part of* striktir Gouvernman, nou'n vwar ki sa *projection* i pou apepre *11percent of GDP* mwayen term.

Lo kote *numbers of housekeepers* parey mon'n mansyonnen ki i annan apepre *622 actually* ozordi. Me selman tou *housekeepers* in ganny sa let, pou zot demontre si i annan zot *letter of expression of* lentere.

Si zot anvi re ganny abzorbe dan Gouvernman parey nou'n propoze. Me *since last week* apre *meeting* ozordi, mon'n fer en *follow up* avek *Cleaners' Cooperative* ki mon'n demann zot si zot in fini ganny tou bann dokiman. Me aktyelman zot pa ankor ganny tou bann dokiman.

So, zot pe fer en *follow up*, me selman letan nou'n diskite i kapab annan apepre 10 ki kekfwa pa pou annan lentere pou ganny re abzorbe. I zot desizyon.

So sa i en desizyon kekfwa pran be selman nou nou pa ankor ganny sa *definite* limero ouswa *chiffres*. Me sa definitivman anmezir kekfwa

nou finaliz bann dokiman avek zot e nou ava fer Lasanble konnen letan nou pe progrese lo la. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Mr Chairman, mon konpran sa ki ou'n dir, so mon pou sey *limit* mon kestyon *regarding* sa ki ou'n dir. Be selman pran konsiderasyon ki malgre ki sa i en desizyon Gouvernman, Lasanble nou annan en rol reprezantativ pou nou zwe.

E napa lot antite ki kapab *weigh in* lo desizyon Gouvernman apard ki Lasanble Nasyonal. Wi, mon ava demann ou lendilzans pou mwan kapab demann mon kestyon.

MR SPEAKER

Wi, be selman desizyon i dan en lot konteks.

HON SEBASTIEN PILLAY

Mon konpran ou, be nou *still* kapab kestyonn desizyon Gouvernman.

MR SPEAKER

Ale annou. Ale.

HON SEBASTIEN PILLAY

Mn kestyon pou SS, *Revised end of year* pou 2023 an se ki konsern *Cleaning Services* ti 98.6 milyon, *ok?* Savedir antisyasyon Bidze 2024 i ti pou apepre 98-99 swa 100 milyon. Mon ti a kontan ganny lenformasyon lo konbyen pou koute an tou, *given the reabsorption*. Si zot kapab dir nou, konbyen pou arive pou sa konponan pey pou tou bann *cleaners given* ki i pa pe aparet an 2024.

E prezan an se ki konsern bann *cleaners* ki pe re ganny abzorbe. Si, eski Minister Finans i kapab dir nou, eski zot pe re ganny bann nouvo kontra dan sa bann landrwa kot zot pe re ganny abzorbe?

E lekel ki pe regard sa bann kontra, pou asire ki bann kondisyon ki ganny met dan sa bann kontra, i anliny, oubyen i pa bann kondisyon ki si oule kre en de balansman, e met en presyon lo sa bann *cleaners* ler zot pe ganny re abzorbe dan sa bann landrwa?

Mon pa ti a kontan Mr Speaker, ki okenn landrwa i kre kondisyon pou sa dimoun pa anvii kontinyen anploye atraver kontra ki zot pe donnen. Mon krwar SS ou konpran ki mon pe dir ou. Mersi Mr Chairman.

MR SPEAKER

Panel. SS?

SS PATRICK PAYET

Mersi Mr Chair. Mersi Onorab. Mr Chair, letan nou regard – kekfwa letan ou pou regard *actual* Bidze *Cleaners' Cooperative* kekfwa get sa *actual* 2022 ki apepre 68.8 milyon. E sa *annual cost* ki koute lo kote *Cleaners' Cooperative*. Me tandis ki sa Bidze 2023, sa i enkli bann konpansasyon ouswa zot *pro rata* gratwite ki pou ganny peye.

So sa i en pe sa Bidze adisyonnèl ki nou'n mete pou 2023, pou fer sir ki *at least* dan Bidze 2023 sa i enkli en pe ladan.

Dan nou *assessment* ki nou'n vwar par egzanp lo kote *savings*, premyerman nou'n vwar ki i annan apepre 6 a 8 milyon *annually*. Sa i pou mazorite kekfwa sa *operational cost* ki ti pe kout *Cleaners' Cooperative*.

E sa pe ganny re abzorbe dan bann Minister. Par egzanp ozordi *Cleaners' Cooperative* i annan en *administrative group of staff*. Zot osi ki nou'n fer, ki nou'n idantifye *earmark* en pe bann *vacancy*, ki egziste dan bann Minister. Nou pe ofer zot sa bann pozisyon ou zot re ganny abzorbe.

Dezyenmman, nou pe vwar ki ozordi kekfwa *this is why* annandler ki letan ou annan bann *housekeepers* kekfwa ki vin dan en antite, i annan kekfwa antite pa *feel* ki *they are part of* sa antite dan sa Minister.

Me la avek sa nouvo striktir ki nou pe met an plas, nou ekspekte ki plis nou pe *feel* ki *at least* lo kote zot plan devlopman, ki sa i pou ganny enkli dan sa Minister. Zot osi zot bezwen prepare. Nou'n vwar ki par egzanp letan nou'n koz avek enn de bann *housekeepers*, i annan ki ozordi kekfwa ki ti en *housekeeper* me selman kekfwa avek bann *training* ki bann landrwa in donnen, i annan ozordi ki'n vin resepsyonnis.

So, sa i en pe ki nou ekspekte vwar avek program striktir sa Minister. Sa osi kekfwa *allow* devlopman sa *housekeeper* osi, baze lo bann striktir ouswa bann *vacancy* ki egziste dan sa Minister. E fer li osi ki nou anv vwar en pe plis kekfwa *more efficiency*.

Akoz souvandfwa kekfwa letan ou pou koz avek en antite, zot pou dir ou koumsa be sa i en problem *Cleaners' Cooperative*. Non. I sa problem sa antite. Akoz *at the end of the day*, ozordi sa bann

housekeeper pe vin travay kot ou. Nou bezwen fer sir ki i annan sa lefikasite travay ki sa servis pe donnen.

E dezyenmman lo konponan kontra sa, sa i en keksoz, ki tou kontra nou pe travay avek *Public Service Bureau*, pou nou fer sir ki *at least* nou vwar.

Akoz tou bann kontra i pou bezwen parey striktir *PSB*, striktir Gouvernman ki egziste ozordi. So, sa ki nou pe travay. E nou ekspekte kekfwa i pa sipoze annan landrwa kekfwa ki'n finaliz kontra la. Akoz prosedir avek Departman Lanplwa pa ankor konplete.

E nou ekspekte kekfwa sa prosedir i konplet *by next week*. E *once* ki i konplete, *this is where* ki nou pou fer finalizasyon avek bann *housekeeper*, pou zot finaliz zot bann kontra avek zot bann antite. So, sa i sa *next* faz ki nou pou al ladan. Mersi.

MR SPEAKER

Mersi SS. Bon, napa lot kestyon lo sa seksyon. Nou a pas lo *Social Programs of Central Government*.

HON SEBASTIEN PILLAY

(Off-Mic)

MR SPEAKER

Lo sa seksyon la – lo dernyen seksyon ankor? Wi, ale.

HON SEBASTIEN PILLAY

Mersi Mr Chairman. Mersi pou larepons ki nou'n gannyen avek SS. E nou pe rod re asirans ki napa personn *going forward* dan festivite, okenn dimoun pa perdi zot louvraz.

Me selman ler ou'n koz lo kontra. Mon pe ganny *mixed signals regarding* kontra, akoz i paret serten landrwa pe deza donn kontra.

Alors, mon ti a kontan ki Minister Finans i met en *droit de regard* lo la, pou asire ki sa pa pe arive. Akoz pa akoz sa group dimoun nou apel zot *cleaners* ki nou bezwen zis fer sa ki nou anvi avek zot.

Nou bezwen swiv bann prosedir ki Minister Finans in met an plas, e par donn zot en kontra ki pou demann zot pou fer sitan kantite keksoz, ki pou zis fer dimoun degoute pou li pa dan sa louvraz. *Ok*. Mersi Mr Chairman.

MR SPEAKER

Public Service Bureau ki pou antreprann sipervizyon kontra. *So anyway*, Minister Finans in note. Nou pran en vot lo sa laliny. *Yes, ok good*. Prezan mon konpran. *Ok*, Bidze pou *Other Goods and Services* pou en total

R29,418 mil, Manm ki an faver lev lanmen silvouple? Mersi. Manm ki vot kont? Lo Bidze *Other Goods and Services* pou R29,418 mil - 18 Manm in vot pour, o kont e 4 in *abstain*. Bidze in aprouve.

SOCIAL PROGRAMS OF CENTRAL GOVERNMENT

MR SPEAKER

Social Programs of Central Government. Minis ou a dir en mo lo la? Wi paz 33 dan sa menm seksyon, seksyon 2.

MINISTER NAADIR HASSAN

Mersi Mr Chairman. Mr Chairman, en alokasyon R285.235 milyon pe ganny fer anba *Social Programs of Central Government*. Pour lannen 2024 mazorite bann depans anba sa *vote* i pour sa bann program swivan;

Peyman bann Pansyon Spesyal R44.7 milyon. Bann lezot pansyon ki Gouvernman i peye R75.9 milyon. E sa 2 group pansyon i enkli Pansyon Gouvernman pour bann travayer ki'n kit servis piblik avan le 31 Desanm 1978. Ki ozordi zot pe ganny en pansyon R3 mil apard sa Benefis Retret R5 mil 750.

I annan Pansyon Gouvernman pour bann

travayer ki'n kit servis piblik le 1er Zanvye 1979 ziska le 31 Desanm 2004. Zot osi zot pe ganny en pansyon R3 mil avek zot Benefis Retret 5 mil 750.

E Pansyon Spesyal pour en kategori dan bann sektè servis piblik ki enkli; *nurse, medical, dental profession, teachers, SPDF, police prison officer, fire service* – zot resevwar en pansyon R1,000 par mwan.

I annan R7 milyon pour Fon Spesyal pour Zanfan.

R6.5 milyon Kontribisyon pour bann Parti Politik.

R9 milyon Kontribisyon pour bann Lorganizasyon Non Profitab. E R50 milyon pour *Scheme SME*.

Zis pou note, Gouvernman in fer revè lo *Scheme Loan SME* dan bann sektè kle ki pou ede dan transformasyon ekonomik. Bann biznes dan bann sektè kle ki annan en reveni 10 milyon ou mwens i kapab kalifye pour en *loan maximum* R3 milyon, e repeyman pandan 10 an.

To lentere pour sa premye milyon i selman 5poursan. E sa dezyenm 2 milyon lo sa *maximum loan* 3 milyon i 7poursan. I annan R18 milyon pou asiste finansman *loan* lakaz avek bann labank.

Gouvernman in osi fer en provizyon, parey mon'n dir R18 milyon anba sa *scheme*. Sa i ava ed endividi ki pe ganny en saler ki pli ba ki R30 mil, e ki pran *loan* avek bann labank pou sipòrt zot finansman. E fer zot kapab konplet konstriksyon zot lozman, e fer repeyman zot det vin afordab.

I annan R5 milyon pour *Home Improvement Re-Roofing Scheme* pour bann pansyoner. Sa i en *loan* avek *HFC* pour bann pansyoner ki anvi fer serten renovasyon ek zot lakaz.

R5 milyon pour *Youth Employment Scheme*. R5 milyon pour *Laptop Scheme*. E pour lannen 2024, note ki Gouvernman pe revwar *Laptop Scheme* pou osi enkli tou etidyan senkyenm e sizyenm dan Lekol Leta e Prive.

R5 milyon pour *SME Seed Capital*.

I annan R8 milyon pour bann *loan* edikasyonnel. Sa Gouvernman parey ti'n anonse, in met en lankadreman pour en *Scheme Loan* Edikasyonnel kot *maximum loan* i R800 mil. E Gouvernman i donn en sibvansyon 4poursan lo sa bann *loan*. E term repeyman i pour en peryod 10 an.

I annan R5 milyon pour Kontribisyon *UniSey*. R5 milyon pour *PV Rebate Scheme*. E la

Minister Finans pe travay konzwentman avek Minister responsab pour sanzman klima lo en revî lo sa *PV Rebate Scheme*, pou met li pli o relevan ozordi. Mersi Mr Chairman.

MR SPEAKER

Ok. Aktyelman sa i lo paz 32 ek 33. Wi, en pti moman. Tre byen. Onorab Arissol – Sandy, ou kapab konmanse.

HON SANDY ARISSOL

Mersi Mr Chair. Bonn apre midi Minis avek ou lekîp ankor enn fwa. Mon ti a kontan demann en pti kestyon. Letan mon pe get bann *social* – bann kalite *Social Program* ki Gouvernman i donn lasistans. Depi mon pe get Bidze mon pa pe war an relasyon avek *Scout*.

Ou konnen *Scou* -. *Scout* i en lorganizasyon ki'n fer en perse nasyonal e i en perse enternasyonal. E zot menm partisip dan Parad Nasyonal ki ganny fer dan enn de levennman.

So, mon ti a kontan demande si dan Bidze ki nou pe vote, enkli sa enn la dan *Social Program of Government*, si *Scout* i annan en pti konponan finansman ki i gannyen? Spesyalman pour li kapab pey en dimoun pou *manage* son

lofis, par egzant pou get son dele travay.

Si i annan en pti lasistans ki *Scout* i gannyen, konpare avek bann lezot? Parske dan Minister Lafanmir mon ti tann koz lo *President's Award*. So eski dan Bidze i annan en pti keksoz pour *Scout*? Mersi Mr Chair.

MR SPEAKER

Mersi. SS, wi?

SS PATRICK PAYET

Mersi Mr Chair. Mersi Onorab. Mr Chair, i annan en provizyon ki nou'n mete for *non-grant for non-profit organization*. E nou kapab diskit avek zot ki rasyonnel aköz kekfw zot pa'n fer en aplikasyon.

Me selman nou okouran ki zot in deza *apply* anba *Children's Fund* e ki zot in resevwar. Me selman *however* i *still* annan sa provizyon ki egziste anba sa groupman apepre 9 milyon ki nou mete. E nou ava vwar avek zot kekfw rasyonnel aköz zot pa pe soumet okenn aplikasyon. Mersi.

MR SPEAKER

Tre byen. Onorab Cosgrow?

HON WALLACE COSGROW

Mersi Mr Chair. Mr Chair, mon pe get 2 laliny en pti pe dan sa Bidze pour *Social Programs of Government*. Mon premye laliny i lo *Special Pension – Special Pension payment* ki en total R44 milyon. R44.6 milyon in ganny mete pour lot lannen.

Mon pe gete si sa sonm ki la i reflekte menm kantite larzan ki bann dimoun pe gannye konman en *Special Pension*, la? Mon krwar i R3 mil si mon pa tronpe.

Si i pe reflekte menm kantite, ouswa in annan en logmantasyon ladan, anvi an rezilta kou lavi ozordi - E lefe ki bokou sa bann dimoun zot pa pe ganny gran *income* apre ki zot in *retire*?

So, si i annan okenn logmantasyon ladan an term endividyel, konbyen zot pou gannye? Mersi.

MR SPEAKER

Ou ti annan en lot laliny?

HON WALLACE COSGROW

Wi, en lot laliny se *ADF Scheme* Mr Chairman. Mon war *ADF Scheme* i annan zis en pti *amount of* R3 milyon. Me, pour mwan sa i pa – mon konnen i en *revolving fund*. Mon konnen i en *revolving fund*, me selman pour mwan sa i pa anliny avek

stratezi Gouvernman pou bouz Sekter Lagrikiltir plis.

So, eski i annan en rezon aköz? Aköz mon konnen *maximum* konmela ou kapab gannye *by ADF* i R1 milyon. E ou kapab *picture* R1 milyon, 3 dimoun i pran. Sa larzan i fini. So aköz ki *ADF* pe ganny zis R3 milyon? Mersi bokou.

MR SPEAKER

Tre byen. SS?

SS PATRICK PAYET

Mersi Mr Chair. Mersi Onorab. Onorab, lo kote pansyon wi, sa R3 mil i reste. Sa *actually*. Be selman i annan lezot kalite pansyon ki zot kalifye. *Secondly* anba sa *ADF*, sa R3 milyon ki nou'n mete i zis sa provizyon dan Bidze.

Parey Minis in anonse dan *budget speech*, i annan 60 milyon ki pe ganny transfer *from* larzan *SBFA*. Ki ozordi *SBFA* i annan en apepre en total balans 98 milyon. So enn de larzan in kapab *recover* dan prosedir. So, i annan 98 milyon e nou'n vwar ki menm si i pe donn larzan on a *monthly basis*, i pa sa kantite.

So, vi ki Gouvernman in vwar Sekter Lagrikiltir *as* priyorite, e nou anvi vwar sa transformasyon arive ki 60 milyon pe ganny transfer *from*

SBFA pou dan sa Fon. So lannen prosenn pou annan apepre R63 milyon. Mersi.

MR SPEAKER

Mersi. Mersi pou gard bann repons kourt. Nou annan en kantite Manm lo sa size. Onorab Naidu?

HON SATHYA NAIDU

Mersi Mr Chair. Bonn apre midi Minis ek ou delegasyon. Zisteman an relasyon avek *Social Programs*, i annan diferan *scheme* e serten sa bann *scheme* i tonm anba diferan *MDAs*.

E alors ki travay ki pe ganny fer pou sansibiliz nou pep a sa ki konsern sa bann *scheme*? Akoz parfwa akse ki vin en pwen ki dimoun i rankontre konman en lobstak. E prezan mon le konnen *what's the way forward*? Ki kalite konversasyon eski zot pe gannyen?

En keksoz ki enkyetan se ler ou tann *CEO SBC* vin devan pou dir serten *MDAs* pa pe korpore. So, vizavi sansibilizasyon, ki kalite travay pou ganny antreprann? Mersi.

MR SPEAKER

Mersi. Minis?

MINISTER NAADIR HASSAN

Mersi Mr Chair. Mersi Onorab pour sa kestyon. En kestyon vremen valab Onorab. E nou osi nou'n war poudir vizibilite lo en kantite program pa neserman la. Plizyer fwa mon tann bokou komanter. Mon dir; be, i annan en program la ki kapab ed dimoun.

So, ant Minister *Local Government, Family Affairs e Sosyal*, nou pou travay avek zot pour en plan komunikasyon e *awareness*, pou vremen al *on the ground* pou kapab kree sa sansibilizasyon ansanm ek *DA*. Mon mazine *MNA* osi i annan en rol la ki i kapab zwe dan distrik.

So definitivman sa i en keksoz ki nou'n idantifye koman en defayans. E kot nou antisipe ki avek en program sansibilizasyon pli aktiv, nou pou kapab adres sa bann *issues*. Mersi.

MR SPEAKER

Thank you. Onorab Lemiel?

HON SYLVANNE LEMIEL

Mersi Mr Chair. Bonn apre midi tou dimoun. Letan mon pe regarde mon vwar en *decrease* dan *IOT Gratuity & Long Service Allowance*. E an menm tan Mr Chair, bann travayer *IOT* i pe konplent ki zot – mon konnen zot anba *ITZ*, me selman zot in

toultan – an tan ki sa group Seselwa nou, nou annan en *share* dan *IOT*.

So, zot, zot konplent bann travayer Seselwa, sirtou ki zot, zot pa'n benefisye avek en 10poursan *increase*. E mazorite zot, zot ankor lo en saler R7 mil ekek. E prezan la mon pe vwar en *decrease* ankor lo kote sa bann zafer gratwite pour travayer *IOT*.

Petet mon ti a kontan ganny en leksplikasyon aköz sa *decrease* ki anba *IOT Gratuity & Long Service Allowance*?

E an menm tan letan nou pe koz lo la, eski i annan provizyon lo kote Gouvernman pou nou revwar bann travayer Seselwa ki travay kot *IOT*, enkli zot kondisyon – menm si zot dan *ITZ*? Mersi.

MR SPEAKER

Mersi. SS?

SS PATRICK PAYET

Mersi Mr Chair. Mersi Onorab. Mr Chair, letan ou regard sa provizyon ki nou'n mete pour Gratwite avek *Long Service Allowance* pour *IOT*, i spesifikman ki kantite ki pou kalifye. Spesyalman par egzanp letan ou regard kekfwa 2022 son *Actual* 6 milyon. I kekfwa kantite ki'n fer 5 an, 10 an,

konpare avek sa lannen ouswa lannen 2022.

Me selman definitivman i annan en diskisyon ki nou pe fer avek Departman Lanplwa avek *FSA* lo striktir *SITZ*. Revizyon kekfwa spesyalman lo kote travayer Seselwa.

Sa i en diskisyon ki ankor *ongoing*. Me selman osi, Gouvernman osi pe re negosye sa *Shareholders' Agreement* ki nou'n sinyen avek *IOT*. So, sa i bann negosyasyon ki ankor *ongoing* lo la – lo sa size. Mersi.

MR SPEAKER

Thank you. Onorab Henrie?

HON GERVAIS HENRIE

Mersi Mr Chair. Mon pa vreman annan en kestyon, me mon annan detrwa pti obzervasyon ki – non, i Staz Komite Bidze, Onorab *LOTO* pa kapab dir ek mwan poudir – Mr Chair, poudir mon pa kapab fer en obzervasyon. Mon krwar *Standing Orders* i fer provizyon. Mon kapab fer en obzervasyon.

Premyerman i vin lo kestyon bann *Funds; Culture and Arts, Disabled, Sports, Innovation*. Mon obzervasyon se ki mon ti ava priye ki anmezir ki nou bouz de lavan, i annan en pe plis transparans lo sa bann *funds*.

Akoz si mon pou konpar li avek *National Grant for Non-Profit Organization* ki tou le-z-an mon war dan medya letan pe lans *appeal*. Zot vin donn *interview* pou dir konbyen larzan in donnen. Konbyen lorganizasyon ki'n gannyen.

Nou vwar bann lorganizasyon ki'n gannyen fer en *group photo*. Be dan lezot *funds* napa sa kalite *transparency*. So, mon obzervasyon avek *panel* se ki zot demande ki i annan en pe plis.

Letan mon lo *National Grant*, mon'n sey rode depi kan sa ti entrodwi. Mon krwar i 2019. E si 2019 *average* larzan ki pe donnen par an nou'n donn pres 50 milyon. E sa lannen i a fer son senkyenm lannen.

Mon krwar in ler pour nou annan en odit ladan pour konman en pei pou nou satisfé pou nou dir; *ok*, vreman *NPO Sector* in fer *x, y, z*, e in anmenn en transformasyon dan nou pei.

So pou nou kapab konnen *whether it's worth* kontinyen met pres 10 milyon ladan a lavenir.

MR SPEAKER

Ok, ankor enn Onorab?

HON GERVAIS HENRIE

Wi. Lot pwen Mr Chair...

MR SPEAKER

Fini.

HON GERVAIS HENRIE

I konsern *News Agency* aköz sa tou le-z-an mon koz lo la. *News Agency* nou pou bezwen tonm dakor konman en pei, ki nou le fer avek li? Parski i pa egziste anba en kad legal. E nou pe donn li larzan. En odit par egzantp.

Eski Oditer Zeneral i kapab al laba al fer odit? Si i pou ale, lo ki *legal ground* i pou ale? So, *we have to decide* ki nou fer avek li? Mwan mon pwennvi nou met li anba Nasyon. Toultan mon'n dir sa. I vin koman en *arm of Seychelles Nation*, ki i kapab fer piblisite for pour Sesel.

E i pa antre an konpetisyon avek bann lezot Lazans Nouvel pou tay avek bann nouvel lokal. Me i plito vann Sesel avek marse enternasyonal dan bann lartik ki pou atir lenvestisman *tourism* e tou sa bann keksoz koumsa. Sa i mon 3 obzervasyon.

MR SPEAKER

Bon.

HON GERVAIS HENRIE

Mon pa pou oblize ganny en larepons avek *panel*. Mersi Mr Speaker.

MR SPEAKER

Ok. Nou kapab les *panel note* sa. E mon realize poudir napa vreman leksplikasyon Bidze pou donner lo la *as such*. So nou a kapab bouz lo lot size. Onorab Aglae?

HON EGBERT AGLAE

Mersi Mr Speaker. Bonn apre midi *panel*. Mon premye kestyon, mon pou retourn ankor lo size Gratwite *IOT*. Mon konnen dan lepase ti annan en lager konmkwa se pa Gouvernman ki responsab, akoz pa fer *IOT* pey son gratwite pour bann travayer? E ki nou Gouvernman ti kontinyen peye.

Me de la, mon ti a kontan petet konnen la; eski i annan en laranzman ki'n ganny fer ki i annan en kontribisyon ki *IOT* osi i fer pou pey sa bann gratwite anver sa?

Lot i kote *Sport Trust Fund*. Mon ti a kontan en pe detay lo an term akse ek prosedir. Akoz mon pe dir sa? Akoz dan mon distrik nou'n seye avek en lekip sportif. Nou'n ganny pa mal difikilte an term prosedir bann birokrasi ki annan. *Which in the end* nou'n *give up* lo la.

Eski zot kapab dir nou poudir sa larzan i dan en fason latransparans, e osi en prosedir ase mwen konplike pour ou sa ki bezwen akse avek *Sport Trust Fund* – sirtou bann lekip ki pe konmanse zot pe ankouraz bann zenn *sportsmen* pou antre. Me letan nou pe sey rod tap laport, tro bokou difikilte. Eski ou kapab petet donn en pe leklersisman lo la? Mersi.

MR SPEAKER

Mersi. Minis?

MINISTER NAADIR HASSAN

Mersi Mr Chair. Mersi Onorab pour 2 kestyon. Lo premye kestyon *regarding* Gratwite *IOT*, parey SS in mansyonn-en, nou dan *active* negosyasyon lo *Shareholders' Agreement* avek *IOT*. Kot tou keksoz i lo latab pe ganny diskite, negosye. Ki enkli bann peyman ki Gouvernman i fer on behalf of lakonpanyen *IOT*.

Dezyenm kestyon ki ou'n leve *regarding* *Sport Trust Fund*. Ou'n mansyonn bann birokrasi. Kekfwa ou kapab met a mon laporte ki – en pe pli spesifik, ki kalite sa bann birokrasi pou nou kapab konnen ki *what are the issues* ki zot pe war. Mersi.

MR SPEAKER

Petet – petet. Onorab, petet ou a kapab rod en lot mannyer pou anmenn sa pwen devan?

HON EGBERT AGLAE

Mon a re...

MR SPEAKER

Non, non. Mon pou zis retournen lo eksplikasyon Bidze la.

HON EGBERT AGLAE

Wi, Mr Speaker. Mon pe al eksplik sanmenm sa la mon.

MR SPEAKER

Ale?

HON EGBERT AGLAE

Sa ki mon pe sey dir Minis, se ki premyerman i bezwen annan en leksplikasyon lo bann kriter ki ou kalifye pour ou kapab akse sa. Sa i enn premyerman.

MR SPEAKER

Be eskiz mwan. Eskiz mwan. Minis, eski Minister Finans lo sa Bidze la ki fer sa, oubyen NSC? Sa ki...

MINISTER NAADIR HASSAN

Mr Chair, i NSC.

MR SPEAKER

NSC?

MINISTER NAADIR HASSAN

Kekfwa Onorab, nou ava pran sa *issue*...

HON EGBERT AGLAE

Ok.

MR SPEAKER

Wi.

MINISTER NAADIR HASSAN

On the sideline, nou ava regarde ki bann *issue*, en.

MR SPEAKER

Mersi. Se sa. Ok. Onorab Monthy?

HON PHILIP MONTHY

Mersi Mr Chair. Bonn apre midi Minis. Mon kestyon in ganny paryelman demande par Onorab Naidu, osi Onorab Henrie. Selman mon pou ensiste lo la akoz konman *MNA* en pe enportan.

Parey *HFC*, *Home Improvement/Re-roofing Scheme* 5 milyon. Lannen pase ti parey, menm sonm. Eski zot kapab dir nou ki kantite ki'n ganny depanse, oubyen ki kantite *loan* in ganny *disbursed HFC*?

Akoz dan distrik, nou *MNA* ki bezwen edik dimoun poudir i annan sa bann servis. Zot pa konnen, zot pa okouran. E ki i pou ed plizyer dimoun dan distrik si i annan plis

ledikasyon, sansibilizasyon ki ganny fer pou dir i annan sa bann servis a zot dispozisyon.

So si zot ti kapab dir nou ki kantite ki'n ganny depanse lannen pase, pou vwar si vremen sa servis pe al kot i devret ale dan distrik kot bann dimoun?

E apre en pti leksplikasyon lo sa *Culture and Arts Trust Fund*. Ki i entail sa? Ki benefis i anmennen pour bann artis? Mersi.

MR SPEAKER

SS?

SS PATRICK PAYET

Mersi Mr Chair. Mersi Onorab. Mr Chair, kekfwa pou konmanse, definitivman mon krwar sa sizesyon ki'n ganny met devan, ki i annan en pe plis latransparans e plis *awareness* osi.

Menm kekfwa pour nou edik en pe kekfwa Ladministrasyon Distrik parey Minister in mansyonn-en, *Local Government*. Ki zot okouran tou sa bann *scheme* ki an plas ki zot kapab diriz en pe popilasyon dan zot distrik. So, sa i en keksoz kekfwa ki nou, nou bezwen travay lo la. E *hopefully* nou ava vwar sa *improvement*.

Lo kote sa *Home Improvement and Re-roofing*

Scheme for Pensioners, actually pour lannen 2023 as at October i annan 2.9 milyon ki'n ganny disbursed. E ladan i pou apepre 44 endividi. 44 lakour. So, sa i actually as at October lenformasyon ki nou'n gannyen.

Lo kote *Culture and Arts Trust Fund, this is something kekfwa nou a bezwen travay li osi avek Lar avek Kiltir, pou fer sir ki i osi annan en pe plis latransparans. Akoz mon krwar sa sizesyon ki'n ganny met devan ki letan ou regarde, bann National Grants i annan son prosedir ki i annan en call of proposal.*

Menm *Seed Capital* i annan en prosedir i annan en *call of proposal*. Ki *at the end of the day* zot vin lo *tv*, eksplike e dimoun i okouran *at the start of the year*. So, sa en keksoz ki kekfwa nou pou bezwen zis re striktir li pou fer sir ki bann artis e menm bann *sportsmen* osi i okouran. Mersi.

MR SPEAKER

Mersi. Mon a osi sizere ki sa bann size i size ideal pour bann kestyon, pour bann antite letan nou pran kestyon dan lannen prosenn. Onorab Uranie?

HON ROCKY URANIE

Mersi Mr Chair. Mr Chair, mwan osi mon kestyon i en pti pe dan laliny ki Onorab Monthy in demande, kot i konsern *Home Improvement* avek *Re-Roofing*. Sa 5 milyon. Mon ti demande lot fwa zot ti dir mwan i tonm la anba sa letan la pour mwan demann li.

Mon ti pe fer referans avek bann Digwa an relasyon kou lavi bann pansyoner. Eski pou annan konsiderasyon ki pou ganny pran pour zot, pou zot ganny en *loan* en pe an plis prenan kont kou konstriksyon lo La Digue?

Parey mon dir, en dimoun Mahe ki pou pran en 100 mil i pou kapab fer son renovasyon petet lo son *roof*. Me sa pansyoner Digwa ek sa 100 mil li i pa pou kapab fer. I pou bezwen plis. So eski zot Minister Finans i annan en travay zot pe fer pou fer ki bann pansyoner Zil Pros i ganny en pe *loan* an plis? Mersi.

MR SPEAKER

Tre byen. Minis?

MINISTER NAADIR HASSAN

Mersi Mr Chair. Mersi Onorab. Onorab wi, parey mon ti anonse dan *Budget Speech*, i annan en louvraz ki'n preski konplete par *HFC* pou reviz tou son prodwi ki i annan. E sa largiman ki kou

konstriksyon lo La Digue i pli o, i vre. E sa bann revizyon a *take into account* sa laspe. Mersi.

MR SPEAKER

Thank you. Onorab William?

HON WAVEN WILLIAM

Mersi Mr Chairman. Bonn apre midi Minis avek ou delegasyon. Mon kestyon i konm swivan; Minis, mon pe regard sa *IOT Gratuity and Long Service Allowance*. Si zot ti kapab zis dir nou; konbyen travayer ki nou pe koz lo la? Mon pa konnen si zot annan sa *figure*?

Epi lo *Innovation Trust Fund*. Eski sa i en sipor pour bann nenport dimoun ki pe anvi, mon kapab dir – fer bann nouvo dekouver ouswa envant keksoz ki kapab benefisye pei? Akoz mon vwar poudir sa sonm in desann, olye ki i monte pou ankouraz resers avek syantifik avek teknolozi. Mersi.

MR SPEAKER

Mersi. SS?

SS PATRICK PAYET

Mersi Mr Chair. Pour lo kote *IOT* i annan 48 *staff for Gratwite*. E 247 *staff for Long Service*. Sa ki striktir.

Apre *secondly in regards to the Innovation Trust Fund*, i en striktir ki anba Departman

Lenvestisman avek Lendistri. Me selman nou'n vwar ki sa 400 mil i dapre bann soumisyon.

Me selman parey mon'n mansyonnen, *this is where* ki nou bezwen asiz avek bann Minister ki pou fer plis *awareness* ki dimoun – espesyalman pou ankouraz plis inovasyon. Mersi.

MR SPEAKER

Mersi. Onorab Pillay?

HON SEBASTIEN PILLAY

Mersi Mr Chairman. Mr Chairman, mon ti a kontan demann en kestyon *regarding* sa size *Pensions and Special Pensions*. Mon ti a kontan konnen anba tou lede konponan, konbyen resipyan ki nou pe koze *in regards to* sa 2 konponan?

E *in regards to* sa 2 pansyon, given ki 2023 i reste parey - 2024, 2025 tou prozeksyon Gouvernman pe gard li parey ziska 2026. Eski Minister Finans pa pe fer okenn travay pou vwar, si sa bann pansyon pa devret ogmante par rapor avek sityasyon pri lavi?

E an relasyon avek size *Re-Roofing Scheme*. Mon ti a kontan ganny en leksplikasyon avek Minister Finans, si zot dir ek nou koumsa poudir i annan en travay ki pe ganny fer. E kot

HFC pe reviz e revwar son bann *rates* ki pe donnen lo son prodwi. Akoz alor ki bann prozeksyon bidzeter, pa sanze pou *match* sa ki i sipoze ganny fer par *HFC*?

Ler mon dir sa, par egzamp pour *Home Improvement Re-Roofing Scheme* pour bann Pansyoner; 2023 i 5 milyon. 2024 i reste 5 milyon. 2025 i reste 5 milyon.

Mon ti ava ekspekte pou war poudir prenan kont ki i annan sa travay ki pe ganny fer, ti ava annan en sanzman dan sa montan zisteman pou annan en – pou enkorpor sa ki Onorab Uranie pe demande an relasyon ek kou konstrikasyon. Mon krwar i pa pou aplik zis pour La Digue, me pou osi aplik pour Praslin *to a certain extent*. Petet Minis i kapab klarifye si sa pou vin apre?

E osi an relasyon avek Mr Chairman, an relasyon avek *IOT Gratuity & Long Service Allowance*. E kestyon ki Onorab Lemiel in demande, mon ti a kontan demann Minis si Gouvernman i annan okenn lentansyon an relasyon avek Lalwa *ITZ*, pou revwar bann konponan Lalwa Lanplwa ki pa aplike avek *ITZ* ozordi?

Prenan kont ki ti'n deza annan propozisyon ki sa pou vini an – mon krwar pou vini –

ti sipoze vini 2022 ouswa 2023.
Mersi Mr Chairman.

MR SPEAKER

Mersi. *Panel?* Minis?

MINISTER NAADIR HASSAN

Mersi Mr Chair. Mersi Onorab pour ou kestyon. Mon a reponn en bout ou kestyon. SS a reponn en bout ou kestyon. Konsernan *HFC*, rezon akoz napa en revizyon a sa moman dan Bidze, se ki bann *proposal* pa ankor finalize.

So once ki *proposal* i finalize, dan *mid-year* si i annan *additional funding* pou fer nou ava anmenn li dan *mid-year*. Sa i rezon akoz nou annan en *review at mid-year level*.

Lo kote *ITZ*. Lo kote Lanplwa pour lemoman, parey mon pe dir i annan en negosyasyon si nou pe koz li lo kote *IOT* spesifikman, i annan negosyasyon ki pe fer.

E lo kote Lalwa *ITZ* li menm, pour lemoman napa okenn provizyon pou amann bann Lalwa *ITZ*. Me Lalwa Lanplwa li menm li i annan bann provizyon pou amande, ki pe ganny finalize pour boner lannen prosen. Mersi.

MR SPEAKER

Mersi. I reste – Yes, SS?

SS PATRICK PAYET

Mersi Mr Chair. Mersi Onorab. Mr Chair i annan lo kote - *on average* i annan apepre 2 mil 520. E apre lo kote sa lot bout ki bann *teachers* i annan apepre R1,013. *So, sort of* – sa kategori ki pe ganny sa pansyon R1,000 apepre R1,013. Me sa lot bout i apepre 2 mil 520.

MR SPEAKER

Onorab? *Yes, please.*

HON SEBASTIEN PILLAY

Mersi Mr Chairman.

MR SPEAKER

Les en pe letan pour lezot dimoun. Ale?

HON SEBASTIEN PILLAY

Mon pe lese Mr Chairman. Me selman mon bezwen demann kestyon ki bann dimoun pe anvoy mwan osi. Mon ti a kontan Mr Chairman ki, mon'n demann Minister Finans; lefe ki mon war prozeksyon pour tou lede konponan i reste parey 2024, 2025 e 2026.

E ki Minis ti'n deza pronons son lekor ki i annan serten revizyon ki zot pe fer pou konsider par egzanp; bann dimoun ki'n travay pandan letan ki ler zot ti *retire*. Zot saler kot ti ete, pa pe permet zot ganny en pansyon, ki parey

bann ki pe *retire* ozordi pou gannyen. E menm Prezidan Larepublik in koz lo la.

Eski sa travay pe ganny fer pou revwar sa montan? E akoz mon pa pe war en revizyon dan sa bann *figures* pour sa bann lannen ki pe vini? Mersi Mr Chairman.

MR SPEAKER

Mersi. SS?

SS PATRICK PAYET

Mersi Mr Chair. Mersi Onorab. *Our apology* kekfwa nou pa'n reponn sa kestyon. Wi, parey mon ti mansyonn-en mon krwar Lendi, ki i annan en travay dan son totalite ki pe ganny revwar. E menm avek Pansyon Benefis Retret, menm avek pansyon e menm kekfwa avek sa bann konponan ozordi.

So vre kekfwa nou pa'n met sa *any* ogmantasyon akoz sa legzersis pa ankor konplete. E nou ekspekte nou konplet sa legzersis lannen prosenn. E nou ava vwar ki manner sa i pou afekte mwayen term. Mersi.

MR SPEAKER

Mersi. Onorab Gill?

HON CHURCHILL GILL

Mersi Mr Chair. Mon annan lo en leklersisman lo *PV Rebate Scheme*. Dan Bidze zot in met

R5 milyon, me selman i pa kler lekel group dimoun ki pou ganny touse avek sa. Akoz lenkyetid se si sa i ouver pour tou dimoun, i annan probabillite ki bann dimoun ki dan serten *segment, by the time* zot pou ale larzan pou'n fini.

So, ti a bon nou ganny en leklersisman lekel group dimoun ki pou ganny touse ek sa? Menm parey dan sa *subsidy interest* dan *DBS*, lekel *segment* biznes ki pou benefisye avek sa?

E si i annan en serten sonm ki bann aplikan pe *apply* e zot pou kalifye anba sa? Oubyen si i zis en keksoz ouver ki ankor i pou tre probab serten *segment* dimoun pa pou kapab benefisye.

Apré zot in met en Bidze pour *political parties*. A ki moman ki en *political party* i kalifye pour sa? Akoz nou war nouvo *political party* pe vini e zot, zot in fini fer Bidze – propozisyon pour Bidze 2024. So pou nou ganny en nide ki manner zot in ariv lo sa sonm? Mersi.

MR SPEAKER

Panel. SS, wi?

SS PATRICK PAYET

Mersi Mr Chair. Mersi Onorab. Premye lo kote sa *PV Rebate*,

nou pe tre travay lo striktir avek Departman *Climate Change* avek Lanvironnman. E avan ki kekfwa pou konmans enplimante, nou ekspekte kekfwa *during the first quarter*, anons nouvo striktir lekel bann benefisyer dan sa *scheme*.

E nou anvi kekfwa pou ankouraz plis lenvestisman. Menm kekfwa endividyel ouswa biznes pou *invest* dan *PV*. So, definitivman kekfwa dan *first quarter* ki nou kapab vin avek en pe plis detay. Be selman nou pe vwar sa *scheme* dan son totalite.

Dezyenmman lo kote *DBS*. *DBS* nou ti fer en *Bond Auction* pour 200 milyon *last week*. Selman ki nou'n vwar ki nou ti pe met li apepre 5.16percent. Ki letan opsyon ki nou'n gannyen pour en *bond* 5 an, 5.16. E ki nou pe fer se *subsidize* sa lenter.

Savedir li *DBS* vre i pou ganny sarze 5.16 *on average*. Me selman Gouvernman pou pey sa diferans apepre 2 pousan. Vi ki nou pe ankouraz li pou revwar kekfwa baze lo son *cost of capital* ki ozordi letan i regarde i en pe tro o si i pou al sarz biznes.

Me selman nou'n travay avek li baze lo sa bann striktir lekonomi ki nou anvi vwar plis lenvestisman. Nou'n travay

avek li baze lo sa - spesifikman nou pe servi menm prensip parey *SME*. So, sa bann sekter ki nou'n – endikater ki nou'n mete dan sa transformasyon, sa i sa bann kategori biznes ki pou kalifye.

So definitivman i osi ki nou a fer *DBS* fer. Vin devan e osi pou eksplik en pe plis lekel sa bann kategori ki i ava en pe pli kler pour bann sekter ekonomik e *quantum as well*.

MR SPEAKER

Ok.

SS PATRICK PAYET

Sorry. Pour *political parties*, i sa sonm ki nou mete nou 6.5 *million*. E apre dapre Lalwa *Political Parties* se Biro Eleksyon li i soumet kot nou. Selman sa sonm li i reste. I soumet kot nou lekel ki kalifye dapre sa pousantaz ki zot kalifye.

MR SPEAKER

Mersi. E sa leksplikasyon *funding* i dan *Political Parties Act*. Ou kapab verifye. Onorab Roucou?

HON MICHEL ROUCOU

Mersi Mr Chair. Bonn apre midi ankor. Minis, 2 mon kestyon in fini ganny reponn, so. I annan - mon war kot *CARE* ki zot pa pe

ganny okenn finansman la. Si ou kapab donn nou en pti leksplikasyon akoz? Si zot annan lezot fason ki zot pe ganny zot finansman?

Aprè i annan sa zafer *Disabled Trust Fund* la, en? Pour mwan ler mon'n ganny sans zwenn ek bann dimoun ki pe rod serten lasistans. I annan diferan. I annan ki petet pour serten *items* ki annan pou fer avek pou deplasman.

E osi i annan bann *disabled* ki petet zot bezwen en pti *ramp* oubyen bann lezot keksoz ki annan pou fer ek lenfrastruktir. Ki souvandfwa petet sa sonm ki pou sa proze i sitan o.

E ler mon pe get anba zot Bidze la ki zot annan pour sa *Disabled Trust Fund*, mon war li in reste parey.

Be selman, eski zot pe mazine dan le fitir, swa pou ogmant li en pti pe pou revwar en pti pe ki bann nesaser, bann keksoz ki en pti pe pli priyorite pour sa bann dimoun dan sa kominote? Mersi.

MR SPEAKER

Mersi. Be sa 3 seksyon ki ou'n dir la, SS i okouran lekel sa? SS?

SS PATRICK PAYET

Mersi Mr Chair. Mersi Onorab. Lo kote Bidze pour *CARE*, parey zot in vwar ki nou ti annan en *Actual* pour 2022. 2023 i napa Bidze *Forecast* 2025, non. 2 konponan ki nou'n mete ki ozordi zot kapab kalifye baze lo zot bann program ki zot pe fer anba *Non-National Grant*. So, zot kapab fer aplikasyon.

Dezyenm parey zot konnen, *CARE* i annan en *building* anvil. Ozordi i annan *renting* ki i pe gannnen. So reveni dan lepase kekfwa i pa sa kantite.

Me i annan zot in restriktir zot lofis pou fer *monthly rental* *instead of* kekfwa fer *occasional* pour *or for meeting*. So, zot pe ganny en pe plis reveni ladan ki kouver en pe zot bann *operational cost*.

Dezyenm, lo kote sa *Disabled Trust Fund*, sa i en diskisyon ki nou kapab gannnen avek kekfwa Departman responsab pour *Family*. Ki mannyer ki zot kapab restriktir en pe sa Fon. Kefkwa ki pou zot kapab ankouraz en pe plis sekter pou kapab kalifye.

Me selman definitivman nou kapab regarde ki bann lezot – par egzanp anba sa *National Grant* osi si i kapab i annan ki kalifye. Nou konnen par egzanp i annan zanfan ki

kalifye anba *Children's Fund* osi.

So, sa osi kekfwa nou bezwen vin avek en *package Awareness Program*, pour bann endividi ouswa bann groupman konnen kote ki zot kapab kalifye anba sa bann diferan *Trust Fund* ki egziste ozordi. Mersi.

MR SPEAKER

(Off-Mic)

HON RICHARD LABROSSE

Mersi Mr Speaker. Minis, mon ti a kontan konnen – mon vwar dan Bidze la ankor en fwa. Tou le lannen mon vwar sa. Mon ti anvi demann en pti leklersisman lo la briyevman.

I annan – mon war *CEPS* pe ganny li 3 milyon. E an menm tan osi nou vwar *Non-Grants for other Non-for-Profit Organizations* osi li i pe ganny 9 milyon. Savedir i vin 2 laliny la.

Mon pe zis ti a kontan konnen akoz ki ler ou pe gete, tou lede pe fer preski menm keksoz. So akoz ki Gouvernman in deside pou al lo sa laliny pou met zot dan 2 diferan? Mersi Mr Speaker.

MR SPEAKER

Yes, SS?

SS PATRICK PAYET

Mersi Mr Chair. Mersi Onorab. Mr Chair, lo kote kontribisyon ki nou fer pour *CEPS*, i direkteman pour zot kou loperasyon. So, i pour sa kou loperasyon ki *CEPS* i annan. Zot *staff* apre lofis, e osi zot *operational goods and services*.

Lo kote sa *National Grants for other Non-for-Profit Organizations* i sa Fon ki nou mete pour bann *Non-Profit* okenn lasosyasyon ouswa mouvman ki kouver anba sa *umbrella*, kapab *apply* pou zot fer bann aktivite baze lo zot fonksyon ki zot - So i 2 diferan kalite *vote*. Mersi.

MR SPEAKER

Thank you. Onorab Gabriel?

HON CONRAD GABRIEL

Mersi Mr Chair. Bonn apre midi delegasyon. Mwan premyerman mon ti le - *Contribution to Religious Organisations* i annan 1.5 *million*. Zis zot kapab donn nou en pe detay lo sa bann *Religious Organisation*, e ki manner sa larzan i ganny aproprasyonnen?

And secondly HFC. Mon krwar Minis in tous en pti gin *or SS*. Zis dir nou – donn nou en pe detay lo ki kantite dimoun ki'n ganny asiste avek sa lazans *so far*? Mersi.

MR SPEAKER

Thank you. Yes, Mr Commettant?

DEPUTY COMPTROLLER GENERAL JUDE COMMETTANT

Thank you, Mr Chair. Thank you Onorab. With regards to Contribution to Religious Organisations, i en provizyon ki ganny bidzete every year. E prosedir se ki en – basically en lorganizasyon relizye ki'n ganny anrezistre sertenman, i fer laplikasyon pour – pa pour endividi. Me plito pour lenfrastruktir. Lenfrastruktir pour Legliz li menm.

E internally Finans, nou annan nou Public Investment Management Unit ki pou verifeye the costing ki'n ganny submit. Get kou si i rezonnab. E la nou determinen ki kontribisyon ki nou kapab fer anver sa proze as Government.

Normally nou met en sonm 500mil maximum. Selman i tou depan – i tou depan lo kantite – lo valer proze li menm. Mersi.

MR SPEAKER

Thank you. Onorab Zialor?

HON NADDY ZIALOR

Mersi Mr Chair. Bonn apre midi tou dimoun. Annefe Mr Chair,

Onorab Roucou in tous en pe lo mon kestyon. Mon le tous en kou apre PS – SS in tant pou reponn en pti gin – Disability Trust Fund.

Annefe i annan en logmantasyon pour 2024. Sa sonm ti R400 mil avan. E la pour 2024 i 500 mil.

Now, mon pledwari ki mon anv i fer avek Minister Finans – e mon ti fer sa dan mon diskour Right of Reply, se ki par lefe ki kou bann materyo, bann adaptive aids ki pe ganny servi i eleve. Nou konnen in deza annan tax exemption ki annan available.

Eski – byensir pou fer ki plis dimoun i ganny akse avek sa Fon. Petet Minister i ava konsidere an 2025 pou fer sa Fon vin R1 milyon pou ki i a kapab broaden the scope.

Pa zis pour bann dimoun dezabilite zot osi. Osi bann senior citizen. Pli zot vyei osi, zot osi zot bezwen serten lekipman. E souvandfwa i annan sa konfli pou regarde ki bor zot tir sa Fon.

So, sa i mon pledwari pour Minister Finans. Mon swete ki zot pran li an konsiderasyon. Mersi.

MR SPEAKER

Mersi. Minister Finans pou fer en komanter lo la? SS?

SS PATRICK PAYET

Mersi Mr Chair. Mersi Onorab. Le pwen note. En keksoz ki nou kapab travay konzwentman avek Departman *Family Affairs*. Mersi.

MR SPEAKER

Onorab Gabriel, ti lekel ou lot pwen ou?

HON CONRAD GABRIEL

Yes, Mr Speaker. Ti konsernan *HFC*. Ti le ganny detay lo ki kantite dimoun ki'n ganny asiste *so far*? Donn en pe detay lo la *please*?

MR SPEAKER

Mon pa konnen si sa i dan sa – Yes, SS?

SS PATRICK PAYET

So, sorry – its Housing Finance Scheme, ok? Its not their pensioners? Wi, mmm. Ok, nou ava rod sa chiffre nou a partaze apre. Mersi. Onorab Vidot?

HON AUDREY VIDOT

Mersi Mr Chairman. Mon keston pou *panel*; konsern ki mon ti souleve lannen pase, e mon krwar mon pou ranforsi ankor sa lannen. Lo sa bann *scheme* parey ki Minis in dir

HFC pe fer revizyon, parey pour *Housing Finance Scheme* avek sa *Home Improvement* enkli sa *Re-Roofing* pour bann *pensioners*.

Konstrent ki zabitan dan mon distrik i rankontre, se sa kantite kriter e prosedir ki i annan an plas, bann aplikan pa kalifye. Oubyen ler zot *apply*, zot pa kapab fini sa prosedir pou zot kapab ganny akse ek sa finansman. E zot anvi servi pou zot fer *re-roofing*.

E napa lezot landrwa ankor kot sa bann dimoun i kapab ale pou zot kapab rod sipor. Menm ek bann lezot Labank Komersyal zot pou pli pa kalifye pou zot gannnen. E zot sityasyon i vin kontinyelman vin deperir.

Alors nou pe regarde si dan zot konsiltasyon – akoz ler *HFC* pe fer son *review*, i pa *liaise* avek Lotorite Distrik. So nou pa pou ganny sans pour nou partaz pwennvi ek konsern ki nou bann dimoun i santi.

Lo size – nou war sa bann parey; *HFC*, pour *Youth Scheme Employment, Entrepreneurship* i kontinyelman reste parey. Petet osi ankor mon pou met lanfaz. I bezwen annan leklersisman pou dir nou ki mannyer sa bann dimoun...

Kantite ki pe ganny akse avek, pa zis lenformasyon, me

osi si prosedir ankor i permet zot kapab gannye pou ganny akse ek sa larzan? Wi i la, me zot pa pe kalifye pou zot gannye pou zot kapab servi sa bann *scheme* ki la pou met li *into good use*.

En dernye leklersisman; mon vwar poudir i annan en *decrease* dan *Women's Trust Fund*. Ankor mon le konnen petet ki rezon? Zot pa ganny akse? Napa lenformasyon? Akoz ki nou war poudir zot in redwir pour lannen 2024? Mersi.

MR SPEAKER

Mersi. SS oubyen Minis, nou pa pou ekspekte zot eksplik tou sa bann *scheme* la. Petet zot kapab zis dir ki zot, zot kapab fer pou ede ki piblik i a konnen. E apre i annan *Women's Trust Fund*. SS?

SS PATRIK PAYET

Mersi Mr Chair. Mersi Onorab. Mon krwar sa sizesyon ki'n ganny met devan par Onorab Henrie pli boner ki; letan nou regard *National Grant*, i annan en rapor anyel ki i fer.

Be en keksoz ki nou bezwen ankouraze pour tou sa bann *scheme*, kefwaw nou ava diskite ki striktir ki nou mete.

Si kefwaw i vin dan term Minister Finans ki anyel ki nou

kapab *provide* tou sa bann *statistics* avek kefwaw lekel bann – kantite benefisyer ki'n gannye anba sa bann *scheme*. Sa i en keksoz ki nou kapab travay lo la.

E osi travay konzwentman kefwaw avek sak sekter, pou vwar kefwaw si provizyon Bidze ki nou pe mete, si pa pe ganny depanse. Akoz rasyonnal kefwaw si i annan ki pa pe kalifye. E ki bann lezot striktir ki an plas ki zot kapab kalifye?

So definitivman kefwaw nou a travay avek bann lezot sekter pour lannen 2024, pou nou vwar en pe rasyonnal lo la.

Lo kote *Women Trust Fund* ki'n nou'n met li dapre en pe bann aplikasyon ki zot in gannye. Me selman parey zot vwar ki sa *vote* i en pe – i annan en *total vote*.

Si nou vwar kefwaw i annan demann en pe plis, nou kapab fer *virements* pou *allow* kefwaw sa bann adisyonnal pou kapab benefisyer lo la. Mersi.

MR SPEAKER

Thank you. Sa ti dernye entervenans lo mon lalis. Mon pa'n mank person? *Ok*, dan sa ka nou a *vote* lo sa Bidze.

Social Programmes of Central Government lo paz 33 dan Seksyon 2 pour R285 milyon 235 mil, Manm ki an

faver lev lanmen silvouple? Mersi. Okenn Manm ki *vote* kont?

Lo sa Bidze *Social Programs of Central Government* R285 milyon 235 mil; 20 Manm in *vote* pour, 0 kont, 2 Manm in *abstain*. Bidze in aprouve par Lasanble.

OTHERS

MR SPEAKER

Nou a pran en lot seksyon; *Others* ki lo paz 35. Mon krwar i annan zis 2 laliny ladan me i kapab annan kestyon. Minis, *sorry* mon pa ankor demann ou pou koz lo sa Bidze. Silvouple?

MINISTER NAADIR HASSAN

Mersi Mr Chair. Mr Chair nou'n mank *Subvention to Public Enterprises* ki i annan – anr i vin apre? *Ok*, lo pour mwan i...

Mr Chair pour *Others* i annan en alokasyon 3.24milyon. E sa i pou souskripsyon adisyonnèl dan *shareholding AfDB*. Mersi.

MR SPEAKER

Se tou? Wi. *Ok*, Onorab Cosgrow?

HON WALLACE COSGROW

Yeah, Mr Chair, zis en senp kestyon. Mon war pour 2023, 24 *Subscription to International*

Organizations napa, en. *Now*, mon pe panse ki zot in met dan bann diferan Minister. E diferan Minister pe *sort out* zot bann *subscription*.

Kestyon ki mon annan se ki; ler ti konmanse – mon krwar an 2021, Minis *Foreign Affairs* ti dir pou dir i annan legzersis pe ganny fer, e ki zot pe revwar pou redwir lakantite lorganizasyon ki nou *subscribe to*. E kantite larzan ki nou pe depanse an term *subscription to these organisations*.

So si zot kapab donn nou en nide – mon konnen i disperse partou. Me selman si zot kapab donn nou en nide ki mannyer nou ete ozordi an term *Subscriptions to International Organizations*? Mersi.

SS PATRICK PAYET

Mersi Mr Chair. Mersi Onorab pour sa kestyon. Lo kote Souskripsyon *to International Organization* parey zot okouran ki letan nou ti fer sa legzersis, nou ti vwar ki ti napa sa *significant savings*. Akoz mazorite bann ki nou ti vwar ki kekfwa pou sorti. Me selman bann Minister ti pe demande pou zot reste, akoz zot ti pe vwar i annan sa benefis.

Me *however*, ki nou fer nou *annually*, nou annan en sirkiler ki *Foreign Affairs*. Akoz

menm si tou sa bann lorganizasyon in ganny mete dan bann antite - dan bann Minister, departman e antite, i annan en legzersis ki Minister Finans avek *Foreign Affairs* i fer *annually*.

E zot fek anvoy en *reminder* pour nou anvoy *the cost and benefit annually*. So *annually* nou, nou bezwen soumet pou demontre kwa ki nou'n benefisy sa lannen avek sa *international organization*, e ki nou ekspekte lannen prosenn?

So, i en keksoz *annual* ki nou pe fer en legzersis avek *Foreign Affairs*. E tre prosennman *once* ki nou konplet sa legzersis, nou kapab *share* avek zot lenformasyon adisyonnèl. Mersi.

MR SPEAKER

Thank you. Onorab Pillay?

HON SEBASTIEN PILLAY

Mersi Mr Chairman. Mr Chairman, an relasyon avek sa keston ki'n ganny demande, mwan mon santi poudir i fer li bokou pli difisil pou nou Lasanble konnen an total konbyen nou pe depanse an sa ki konsern *Subscription to International Organizations*.

Akoz vi ki i eparpiye atraver bann Minister, se bann

Minister ki annan *droit de regard* lo la. So eski ou kapab dir nou konbyen ler ou *disaggregate* li *across* bann diferan *line ministries*, konbyen nou pe depanse pour sa lannen? So nou kapab fer en konparezon *whether or not* desizyon pou nou *move* li *as* en *line item* anba bann Minister.

I fer plis sans ki gard li konman la kot nou konnen poudir i en *central pool*. E kot tou dimoun i bezwen vini.

Fer son laplikasyon dir; *ok*, mon le *join* tel lorganizasyon e i annan en *approval process*. So, mon ti a kontan konnen ki manner sa pe pase?

E an relasyon avek *Capital Subscription to International Organizations*, mon vwar poudir pour 2023 nou pe met – nou bezwen pey R10 milyon. Mon ti a kontan konnen an relasyon avek 2024 ek 2025, si eski in fini determinen ki nou pou pey zis sa R3.242 milyon? Oubyen pou annan okenn varyasyon dan sa sonm? Mersi Mr Chairman.

MR SPEAKER

Mersi. SS, *yes*?

SS PATRICK PAYET

Mersi Mr Chair. Mr Chair, letan nou ti fer sa legzersis pour nou dan Bidze 2023 pou nou met

dan bann antite, nou'n vwar ki ti annan apepre R45 milyon ki nou ti pe mete dan bann antite. So, sa i kapab varye osi dapre *exchange rate*.

Me selman ki nou'n – desizyon osi vi ki parey striktir Bidze; letan en Minister anler letan kekfwa sa Bidze i ganny mete santralize, i pa pe fors li pou vwar sa *cost and benefit analysis* lo sa lorganizasyon enternasyonal.

Be tandis ki letan i pe ganny mete dan son Bidze, vi ki pou li pran en desizyon; be *ok*, priorite pour mwan fer lezot aktivite bann lezot program, dan plas kekfwa mon pa pe benefis ase dan sa *international organization*. So, nou nou'n kit zot *at least* pou pran sa bann desizyon.

So nou pe vwar ki kekfwa i annan bann Minister ki'n konmanse. Ki zot pe *advise; be ok*, nou pe donn notis pour nou pa kontinyen avek sa *organization*. Me tandis ki nou kapab servi larzan dan bann lezot aktivite ki kekfwa nou'n demann larzan dan lepase, me selman nou pa'n gannyen.

So, sa i en pe ki nou'n *allow* en pe bann Minister. Me selman legzersis i kontinyen *once* ki *annually* letan nou pe travay ek bann Minister si nou vwar. Me sepandan parey nou ti

mansyonnen lannen pase, prosedir osi ki avan en Minister i antre dan en *international organization*, i annan en prosedir ki ganny bezwen ganny formalize.

Par egzanp; dan *central Government* ki zot bezwen soumet en *Cabinet Morendum* kot *Foreign Affairs*. E konzwentman zot bezwen al kot *Cabinet of Ministers* pou kapab pran en desizyon, akoz Minister Finans i bezwen regarde ki lenpak bidzeter osi sa i annan.

Lo kote *Capital Subscription to International Organizations*, sa i sa sif ki nou annan e sa lagreman ki nou'n agree pou peye over 3 an; 2023, 2024, 2025. Me se i kapab varye dapre *exchange rate*. Me selman sonm i reste parey. Mersi.

MR SPEAKER

Mersi. Onorab Arissol?

HON SANDY ARISSOL

Mersi Mr Chair. Mon ti anvi demann kestyon *in regards Net Lending PUC On lending repayment and Infrastructure Development*. Mon ti anvi rod en pti klarifikasyon. Anr, en lot Bidze sa, *ok*. Mersi Mr Chair.

MR SPEAKER

Ok. Onorab Aglae?

HON EGBERT AGLAE

Mersi. SS, dan ou larepons ou'n dir poudir ou'n fer sa legzersis pou revwar sa bann lorganizasyon ki nou bann departman, Minister i afilye avek. E ou'n dir pou dir ler ou'n kalkile, napa gran *savings* ki pou fer akoz zot tou zot anvi garde.

E parfwa i kler, petet ou pa ganny benefis direk ek en lorganizasyon. Me petet i asir kredibilite osi ler ou form par en lorganizasyon. Petet demen ou bezwen kek servis ouswa akse ek kek Fon.

So baze lo sa, eski osi zot in pran kont osi bann aryeraz ki parfwa i annan bann lorganizasyon, bann departman ki annan sa bann aryeraz letan, zot pe *factor in the new budget* kot i konsern bann lorganizasyon enternasyonal. Eski in annan aryeraz? Eski zot *factor* li? Mersi.

MR SPEAKER

Mersi. SS?

SS PATRICK PAYET

Mersi Mr Chair. Mersi Onorab. Mr Chair, lannen pase letan avan ler nou konplet sa legzersis Bidze, nou ti *issue* en *joint circular* avek *Foreign Affairs* avek Departman Finans

pou *advise* bann Minister. Vi ki sa *vote* i anba *vote* santralize, pou zot rode en *statement* avek *South International Organization*, pou zot vwar si zot napa aryeraz dan sa souskripsyon ki zot annan.

So, nou ekspekte ki sa legzersis in konplete lannen pase. E ki aktyelman ki tou bann *arrears* ki ti annan in ganny peye. Me *however* nou'n vwar ki dan *Mid-Year Review* letan nou ti pe fer bann legzersis, ti annan bann Minister ki zot ti'n vin kot nou. E nou ti idantifye Bidze dan zot *savings* 2023 ki nou'n fer zot fer sir ki zot peye.

Me selman i en keksoz ki nou'n *advise* bann Minister akoz tou le lannen i parey letan ou annan en Lagreman avek *sort of* en antite, ou rod en *statement* tanzantan zis pou fer sir ki *at least* tou ou bann peyman i annord.

So sa i en keksoz kekfwa vre, nou ava revwar avek bann Minister pou fer sir ki sa pa egziste. Akoz i pa sipoze annan *arrears* dan sa *vote* Bidze. Mersi.

MR SPEAKER

Mersi. Bon, sanmenm tou kestyon ki mon annan. Mon en pti pe konfizyon la. Dan liv total Bidze pour *Others* i 10 milyon.

Me selman lo mon papye mon krwar in met *Contingency* ek *Tax Exemption*. Nou pe *vote* lo sa Bidze 10 milyon la SS? Yes, eksplik mwan.

SS PATRICK PAYET

Non, anba *Others* Mr Chair i R3.242 milyon. 3 milyon 242 mil.

MR SPEAKER

Wi, 3.242. *Ok*, mersi.

SS PATRICK PAYET

Wi.

MR SPEAKER

Mersi, wi mon pe get sa lannen. *Ok*, nou a *vote* lo Bidze *Others* pour en total R3 milyon 242 mil. Manm ki an faver lev lanmen silvouple? Okenn Manm ki *vote* kont? R3 milyon 242. 242 mil.

Lo Bidze *Others* pour R3 milyon 242 mil, 20 Manm in *vote* pour, 0 kont, 2 in *abstain*. Mersi. Sa Bidze in aprouve par Lasanble. Bon mon krwar mon ava apel pour en *break* la. Me selman mon a rakoursi en pe letan akoz nou annan en kantite antite ki reste. Nou a retourn 4er. Mersi.

(BREAK)

CONTINGENCY

MR SPEAKER

Nou a rebran avek *Contingency* ki lo paz 36. Minis, ou a fer lentrodiksyon.

MINISTER NAADIR HASSAN

Mersi Mr Chair. *Contingency* Mr Chair i annan en sonm R88.2 milyon dan Bidze 2024. Konpare avek 50 milyon dan Bidze 2023.

Sa logmantasyon i pou peyman dezyenm faz konpansasyon pour bann ka polisyon delo La Misère. Nou ekspekte sa bann peyman i ganny fer pandan premye 6 mwan 2024. E bann detay pou ganny finalize par Biro Prokirer Zeneral. Mersi Mr Chairman.

MR SPEAKER

Mersi. *Ok*. Onorab Cosgrow?

HON WALLACE COSGROW

Mr Chair, mersi. Mr Chair, mon kestyon i zisteman lo sa *issue* delo polisyon La Misère. I annan en kategori dimoun ki'n fini bidzete, ki ti'n fini siny bann papye. E ki zot, zot dan *process* ganny sa dernyen bout larzan.

Me i annan en lot kategori dimoun - sa i bann travayer. Bann dimoun ki ti travay kot bann lakour ouswa bann biznes La Misère, Grand Anse. Bann

landrwa ki ti pe ganny afekte. E zot pe demande si zot osi zot pou ganny konsidere dan sa peyman?

Akoz zot ti'n ranpli bann papye, zot ti'n fer serten formalite. Zot pe gete si zot osi zot pou ganny *catered for* dan sa bann peyman? Mersi.

MR SPEAKER

Mersi. SS Payet?

SS PATRICK PAYET

Mersi Mr Chair. Mersi Onorab. Mr Chair, provizyon ki'n ganny mete dan Bidze, i pou sa dezyenm konponan pour bann dimoun ki'n deza fini ganny peye. *Ok? So*, i pou sa dezyenm konponan, pour nou pey zot, zot peyman final.

Sa bann lezot endividi ki'n siny papye, sa i ankor en diskisyon ki nou, nou bezwen diskite avek Atorni Zeneral, pour nou regarde baze lo lespas fiskal kan ki sa bann lezot endividi pou ganny peye. *So*, pour lemoman i pou zis sa bann spesifik bann dimoun ki'n deza ganny peye. Mersi.

MR SPEAKER

Mersi. Onorab Uranie?

HON ROCKY URANIE

Mersi Mr Speaker. Mwan mon annan plito en komanter

oubyen en sizesyon. Par egzant mon'n get sa logmantasyon. Ou'n eksplike pour kwa. Me selman mon pe mazine anvi ki La Digue nou annan sa Proze *Sewage*. E nou vwar sityasyon nou semen – menm Minis pour Transpor in agree ki semen i vremen deteryore.

Petet mon ti a kontan si Minis Finans an konversasyon ti kapab petet pran en pe larzan, pou ed *PUC* oubyen sa ki pe fer, pou petet kapab re aranz nou semen dan en fason pli meyer ki bann trafik, bann viziter i ava satisfè? Mersi.

MR SPEAKER

Mersi. *Panel? SS, yes?*

SS PATRICK PAYET

Mersi Mr Chair e mersi Onorab. Mr Chair, nou ava note sa ki *proposal* ki Onorab in dir. Be selman parey zot konnen ki provizyon dan *Contingency* parey nou mete tou le-z-an i sa 50 milyon. E sa larzan adisyonnèl ki nou'n mete i spesifikman pour La Misère.

Me selman definitivman nou travay avek bann antite *during the Mid-Year Review*, nou vwar avek zot kwa bann proze lirezans ki i annan. Mersi.

MR SPEAKER

Mersi. Onorab Henrie?

HON GERVAIS HENRIE

Mersi Mr Chair. Bonn apre midi tou dimoun. Mr Chair, par lefet ki mazorite sa larzan mon'n konpran zot in dir pou al ver konpansasyon polisyon La Misère. Sa lensidan si mon rapel byen ti ariv apepre 2010. So, i fer i annan 14 an la.

Premyerman mon anvi konnen, akoz in annan sa kantite letan ant premye peyman ki mon rapel ti R250 – non R250 mil *per household* avek dezyenm peyman *14 years* pli tar? Sa i premye kestyon.

E inisyman ti annan sa lakonpanyen ASCON ki ti pe ganny nonmen ki Gouvernman sa letan Minis Joel Morgan ki ti pe *lead* bann negosyasyon pou partisip dan peyman konpansasyon. Me la mon war i vin dan Bidze. So, kote responsabilite ASCON in ale?

E finalman, kan nou pou trouv en finalite dan sa zafer konpansasyon La Misère? Parske nou bezwen lakaz, nou bezwen semen, nou bezwen en kantite keksoz Mont Buxton.

Mon war li i *unfair* ki dimoun Mont Buxton ki pe bezwen kontiny-en pey pour en konpansasyon - pa zot ki'n fer, atraver Bidze pei. Akoz nou bezwen donn zot logmantasyon saler? Nou bezwen fer sir zot

zanfan i al lekol, eksetera, eksetera - ki Leta i bezwen peye. Mersi.

MR SPEAKER

Mersi. Minis?

MINISTER NAADIR HASSAN

Mersi Mr Chair. Mersi Onorab. Onorab annefe ou *express* menm fristrasyon ki mwan mon annan. Ki ler ou regarde, larzan ki ti pe kapab al dan serten proze ti kapab pe al dan saler. Ozordi ou *end up* avek dan konpansasyon. E dan mon *budget response* mon ti dir ki se *taxpayers* ki pe *end up foot the bill* pour *mistake* lezot. Sa ki sagrinan.

Me spesifikman lo sa kestyon dele letan ki in pran, kekfwa - mon mon'n zwenn sa bann *claims* la. Kekfwa SS ou annan en pli bon memwar *of the history of the claims*. Kekfwa ou ti a kapab reponn sa bout. Mersi.

MR SPEAKER

Mersi. SS pou azoute?

SS PATRICK PAYET

Mersi Mr Chair. Mersi Onorab. Kekfwa pou nou *advise* ki bann premye peyman ki en total apepre R113.9 milyon ti ganny peye an 2011. E ladan ASCON li menm ti kontribye 99 milyon. E

en lot 14.9 ti en lot *donor* ki ti kontribye ki ti fer sa total 113.9 milyon.

E *second* konponan ki'n vin dan Bidze li menm se *taxpayers' money*. I sa dezyenm bout ki ti annan bann – e sa ti ganny peye an 2020. E *claim* parey zot konnen ti annan bann adilt, rezidan li menm.

Aprè ti annan bann zanfan par lao 7 an ki zot ti pe ganny 50 mil. Zanfan anba 7 an, R15 mil. La Misère *School student* 25 mil. *STA student and staff* 25 mil. E ki ti fer sa *total claim* pour sa bann *existing* dimoun 75.4 milyon.

E ladan, *this is where* ki sa premye *50percent* ti ganny peye an 2020. E sa dezyenm *50percent* pe ganny peye lannen prosenn.

Me i annan en dezyenm bout konpansasyon parey zot ti konnen, ki bann *new claimants* ki'n vini – sa bout ki Onorab Cosgrow in mansyonn-en. E sa i pour en total 197.3 milyon.

E *this is where* ki nou'n dir pour lemoman nou pa kapab donn en *definite answer*, kan ki sa pou ganny peye. Ki bann *assessment* pou ganny fer aköz pour lemoman napa *fiscal space*. Mersi.

MR SPEAKER

Mersi. Onorab Pillay, wi?

HON SEBASTIEN PILLAY

Mersi Mr Chairman. Mr Chairman i annan 2 konponan mazer parey nou'n konpran leksplikasyon in dir nou dan *Contingency*. I annan sa 38.2 milyon ki li i tonm sa lanmwatye konpansasyon pour La Misère. *And then* i annan sa 50 milyon.

Lo sa 50 milyon, eski sa i enkorpor bann lezot *claims* ki annan pou fer par egzanp avek *fungus* ki pe kontiny-en releve. La nou'n resaman nou'n tann dan *NIHSS*. Nou'n tann dan Minister Ledikasyon. Nou'n tann Minister Kiltir. Konmsi nou pe tann li en pe partou. Dan *Library*.

So eski sa i osi enkorpor sa eleman sa bann bout konpansasyon osi ki pe vini? E i osi annan sa eleman konpansasyon sa bann Zofisye Lapolis ki ti ganny *injury* lo - ler Dav ti pran dife, ki Minis ti koz lo la dan Lasanble, ki pou annan konpansasyon ki sipoze ganny *worked out* avek Minister Finans. So dan sa 50 milyon, eski sa osi pe antre dan sa bann *claims*?

Prezan an relasyon ek sa *claim* La Misère, lefe ki Prezidan i monte desann *Abu Dhabi* e ki la nou konpran in fek al get *Formula One*. Petet ti ava en bon

kestyon parey Onorab Henrie pe demann li pou sey *query* en pti pe *about* bann keksoz ki'n arive lo sa size konpansasyon La Misère? Mersi Mr Chairman.

MR SPEAKER

Mersi. *Panel?* SS, wi?

SS PATRICK PAYET

Mersi Mr Chair. Wi - mersi Onorab. Wi, pour sa 50 milyon i sa provizyon ki nou pou mete bann lezot *claim* ki i kapab annan, spesifikman parey ou'n mansyonnen enn de ki nou ankor par egzantp an diskisyon avek enn de departman. Nou konnen i annan enn de bann *claim fungus*.

Me tandis ki *claim* anba lapolis, i annan enn de ki zot in anvoy kot nou pou ganny peye sa lannen. So, i annan enn de *claim* ki'n deza fini vit kot nou ki nou pe finalize.

Me selman nou ava regarde si sa *claim* ki ou'n mansyonnen-en, si sa i direkteman in fini ariv kot nou. Mersi.

MR SPEAKER

Mersi. Onorab Pillay, wi? Nou a terminen.

HON SEBASTIEN PILLAY

Mersi Mr Chairman. Wi nou pou terminen. Lo sa bann

claims ki pe pran dan sa 50 milyon, eski pou posib pou ou *provide* nou avek en lalis *so far*, bann *claims* ki zot in gannyen, e ki zot annan lentansyon pou peye?

Oubyen eski i pa posib akoz travay pa ankor fini ganny fer lo nivo Atorni Zeneral, akoz mon konnen li i bezwen osi *weigh in* e donn en desizyon lo sa bann *claims* avan ki i ganny fer.

Akoz nou pe kontinyelman ganny bonbarde ek bann mesaz *from* manm piblik lo sa bann size. Ki swa lo *fungus*, ouswa lo sa lot size konsernan sa *claim* lapolis. E i neserer pou ki nou kapab donn en finalite lo serten sa bann keksoz. Mersi Mr Chair.

MR SPEAKER

Mersi. SS, wi?

SS PATRICK PAYET

Mersi Mr Chair. Mersi Onorab. Wi, definitivman kekfwa *once* ki nou konplet lafen Desanm, *by* Zanvyé kekfwa nou a donn zot en progre kwa ki'n ganny peye pour lannen 2023.

E *once* ki kekfwa nou ganny *further advised* avek Atorni Zeneral, nou kapab kit zot *up to date* avek bann lezot *claim* ki pou ganny peye an 2024. Mersi.

MR SPEAKER

Mersi. Bon, mon napa lot kestyon. So nou a *vote* lo Bidze *Contingency* ki lo paz 36 dan sa Seksyon 2 ki pour en total R88 milyon 200. Manm ki an faver lev lanmen silvouple? Mersi. Manm ki kont? Tou Manm in *vote*.

Lo Bidze *Contingency* pour R88 milyon 200 mil – 24 Manm in *vote* pour, 0 kont, 0 abstansyon. Bidze in aprouve.

Tax Exemption**MR SPEAKER**

Nou a regard *Tax Exemption* ki lo paz 5 ek 6 pour en total 10 milyon. Minis, ou a fer en lentrodikeyon lo la.

MINISTER NAADIR HASSAN

Mersi Mr Chairman. Sa alokasyon R10 milyon in ganny fer anba reveni pou pey bann *tax* relye avek bann donasyon ki Gouvernman i resevwar, anba bann lagreman ki pa kouver anba okenn bann proze spesifik.

Osi bann donasyon ki bann Lorganizasyon Saritab i resevwar, spesyalman lo bann donasyon sorti an deor Sesel. Mersi Mr Chairman.

MR SPEAKER

Mersi. Bon, napa okenn kestyon? Bon, nou a kapab *vote* lo sa Bidze. Pour *Tax and Exemption* pour en total R10 milyon, Manm ki an faver lev lanmen silvouple? Mersi. Manm ki kont? Lo Bidze pour *Tax Exemption* pour en total 10 milyon – 23 Manm in *vote* pour, 0 kont, 1 in *abstain*. Bidze in aprouve par Lasanble.

NET LENDING**MR SPEAKER**

Nou a regard *Net Lending* lo paz 35. En pti moman, permet mwan. Wi, ki pour en total R128 milyon 569 mil. Minis, ou a koz lo sa Bidze silvouple.

MINISTER NAADIR HASSAN

Mersi Mr Chairman. Pour *Net Lending*, en alokasyon R128.569 milyon pour bann *loan* ki Gouvernman in pran, in re pret *PUC* prensipalman anba sa bann proze swivan;

Proze Delo ek Sanitasyon finanse par *EIB* e *AfD*. Proze *33kV South Mahe* finanse par *Saudi Fund* e *BADEA*. E Proze Danm La Gogue finanse par *AfDB*. Mersi Mr Chairman.

MR SPEAKER

Onorab Arissol?

HON SANDY ARISSOL

Mersi Chair. Mersi Minis pour sa pti leksplikasyon. Mon le lo *PUC* avek larzan ki nou pret zot, mon ti a kontan demann avek Minister Finans si an relasyon avek bann odit ki nou'n koze taler avek bann *Social Program Government* ki nou donnen,

Eski Minister Finans an relasyon avek bann larzan ki nou pret *PUC*; eski i annan – i ankouraze ki kot *PUC* i annan osi en lodit pou asire spesyalman avek zot *asset*?

Letan mon pe koz *asset*, par egzanp bann lakaz *PUC* lo Praslin. Letan ou koz avek *PUC*, i dir ek ou son *staff* i bezwen lwe landrwa ler zot al fer travay lo Praslin. Me par kont, *PUC* i annan en seri lakaz Baie Ste Anne la o bor Lopital Baie Ste Anne.

Ki arive ek sa bann lakaz? Oli sa bann lakaz? Lekel ki pe reste dan sa bann lakaz ozordi ler nou pe koze?

Konmsi pou nou asire ki larzan ki nou pe pret *PUC* i osi zer li byen, en fason ki sa i pa retourn lo bann konsonmater. Spesyalman bann dimoun Bel Ombre an relasyon avek zot *bill*. Mersi bokou.

MR SPEAKER

Onorab Aglae? *Oh*, eskiz mwan. SS? SS, wi?

SS PATRICK PAYET

Mersi Mr Chair. Mersi Onorab. Wi, definitivman ki parey nou'n mansyonn-en letan nou ti pe prezant Bidze *PEMC*. *PUC* i enn parmi sa bann lantrepriz piblik ki pou ganny sa odit finansyel gouvrenans e operasyonnel osi. Mersi.

MR SPEAKER

Mersi. Onorab Aglae?

HON EGBERT AGLAE

Mersi Mr Speaker. Mon le en pe leklersisman lo kote sa *PUC On-lending* anvi ki – zis an gro so modo petet kwa ki zot pe al fer ek sa larzan *PUC*? Akoz i annan bann varyasyon ki mon pe war, parey 2023. Aktyel zot ti demann 97, apre in monte 255 milyon. E la pour 2024 zot pe demann 128 milyon.

Apre lo kote *On-lending* li menm kot i konsern *Infrastructure Development*, zis en leksplikasyon. Ti annan 10 milyon ki ti gannyen pour sa lannen. Apre nou pa pe war larzan. Apre zot pe met en *forecast* pour 2025. Konmsi mwan mon anvi konnen ki zot pe al fer ek sa larzan?

MR SPEAKER

Mersi. Mr Commettant?

**DEPUTY COMPTROLLER
GENERAL JUDE
COMMETTANT**

Thank you, Mr Chair. Thank you Onorab pour ou kestyon. Sa bann varyasyon parey ou'n nonmen, i basically anvi ki profil repayment li menm. An mezir ki proze i progresse, valer repeyman i varye dan en serten sans.

Pour sa Infrastructure Development, sa i konsern alokasyon ki nou pe met anver PUC with regards to lenfrastriktir – Proze Lenfrastriktir ki pe ganny enplimante par Industrial Estate Authority, kot bann lenfrastriktir ki pou ganny fer parey dan bann industrial estate - parey Eve Island and bann lezot landrwa ki pe prozekte.

Vi ki pou annan serten konponan lenfrastriktir PUC ki pou bezwen ganny mete dan sa bann landrwa; parey bann transformers bann keksoz koumsa. Nou pe fer li atraver Net Lending atraver PUC kot nou pou – dan en serten sans – larzan ek PUC pou zot investir, apre pou kapab retourn anver Gouvernman. Sa reveni ki PUC i kolekte atraver sa bann asset.

MR SPEAKER

Mersi. Onorab Gill?

HON CHURCHILL GILL

Mersi Mr Chair. Mon kestyon i lo PUC menm. Parey Bidze pe montre la, PUC i annan pa mal loan ki i annan ozordi. Eski biznes ki PUC pe fer ozordi i soutenab pour li kapab pey sa bann loan, san ki demen nou war ki pri pour kou elektrisite ek delo i ganny touse, avek bann rezon ki pour PUC kapab meet son bann commitment? Mersi.

MR SPEAKER

Mersi Onorab. Minis?

MINISTER NAADIR HASSAN

Mersi Mr Chair. Mersi Onorab. Sa kestyon ki ou'n demande Onorab i en kestyon vremen, vremen pertinan e valab. Akoz PUC i annan li en manda. PUC i bezwen fer sir poudir ki i kapab provide pei rezidansyel e komersyal, avek lenerzi elektrisite, avek delo e sewage facilities. Ok?

Sa i son manda. E sa parey ou pou konnen i 3 areas ki require significant investment. Ok? Son sonm i vremen, vremen, vremen o investment required pou maintain e kontinyelman expend lo sa bann lenfrastriktir.

So, *PUC* pe fer sa *assessment* ki mannyer i kontinyen *fund e sustain* son loperasyon. E la kot i pou bezwen annan en konversasyon serye. Akoz si i pa fer son reperkisyon, son konsekans pou en kantite pli move pour pei. *Ok?*

So, i pou bezwen fer sa e gete. E *then* regarde a ki *rate* ki i pou bezwen sarz dimoun, pou kapab *sustain* sa *level of investment* ki pei i bezwen. E mon konnen *PUC* pe konmans fer sa.

Now, lo lot kote parey mon'n dir, nou bezwen osi kas sa depandans lo *fossil fuel* pour nou lenerzi – prodwir lenerzi. Pa zis dan en laspe *climate change*. Me osi lo en laspe ekonomik. Akoz ozordi enn bann pli gro kou loperasyon *PUC* se pri delwil.

E pri delwil ozordi i annan diferan *geopolitical tension* ki afekte pri delwil. I kapab 100 Dolar. Desann 80 Dolar, i mont 120 Dolar. E nou, nou *at the mercy of this price*. E pour nou prop benefis ekonomik nou pou bezwen kas sa e al anver *renewable energy*.

Me *renewable energy* osi i annan son lenvestisman kapital ki enorm. E la kot nou pe negosye ek bann *private sector* pou zot *come in*, ki nou, nou pa

bezwen fer sa lenvestisman. Zot prodwir sa elektrisite e nou agree en pri ki nou aste ek zot. Be sa osi i bann keksoz ki vremen kritik pour pei, so nou bezwen pran li vremen o serye. Mersi.

MR SPEAKER

Mersi Minis. Onorab Pillay?

HON SEBASTIEN PILLAY

Mersi Mr Chairman. Mr Chairman ler nou regard sa sityasyon *Net Lending, and in fact* i stratezi – mon'n war plizyer Bidze pandan sa pres 14 an ki mon'n dan Lasanble.

E toultan nou konsern ki nou pa leve se ki; *how do we know* apre ki nou'n met sa larzan *absorption capacity*, in fer ki nou'n re aliny sa bann proze *within time frame* ki sipoze ganny realize?

Akoz si i pa ganny realize *within time frame*, Gouvernman i bezwen sa balans avek son prop reveni si i war bezwen. Akoz pour nou i enportan ki nou kapab swiv sa.

E prezan ler nou pe koz lo *Net Lending*, lo lot kote Mr Chairman, *whilst* nou ganny sa lenformasyon lo *Net Lending*, lo bann *grants* ek bann *receipts* Gouvernman, nou pa vremen ganny en portre *snapshot* parey nou kapab gannyen pour *Net*

Lending. I sort of met en pe partou. I amalgate but then son breakdown nou pa kapab konpran.

Par egzanp, yer Minis Rangasamy ti pe koz ek nou lo en reset ki Gouvernman i kapab gannyen vizavi lavant oubyen *lease* en zil. *Ok?* Nou pa konn naryen ki pe pase. Si i annan sa lavant. Akoz nou konnen poudir *Cabinet* in *embargo* lavant later avek etranze. So, eski Gouvernman in kas son prop *embargo*?

So, nou pa kapab demann kestyon lo sa bann size spesifik. So petet si Minis i la i kapab dir nou – si i annan lenformasyon par egzanp lo lavant sa zil, i kapab dir nou i annan lenformasyon oubyen non?

Akoz mannyer nou konpran, se Zil Île Longue ki *involved* dan sa *sale*. E i annan en reset ki Gouvernman i sipoze gannyen.

Tousala i bann kestyon ki Lasanble i bezwen kapab gannyen. Akoz pou nou kapab *offset* balans ki nou pou ete, nou bezwen servi reset ki nou gannyen pou kapab *offset* li avek. Mersi Mr Chairman.

MR SPEAKER

Mersi Onorab. *Panel?* Minis, *yes?*

MINISTER NAADIR HASSAN

Mersi Mr Chair. Mersi Onorab pour ou kestyon. Lo sa laliny *Net Lending*, mon pa pe tro war sa lyen ant reset *asset* ki Gouvernman i sa avek sa laliny Bidze. E lo kote bann odit ki ganny fer lo kote *performance*, mon a pas avek SS Payet pou reponn. Mersi.

MR SPEAKER

SS?

SS PATRICK PAYET

Mersi Mr Chair. Mersi Onorab. Mr Chair, kekfwa si letan nou regard dokiman Bidze ki'n ganny prezante sa lannen, espesyalman *this year* nou'n vwar dokiman sorti kot *PEMC. In significantly improve.*

Zot pou vwar ki atase avek dokiman Bidze, i annan en dokiman ki apel *Medium Term Financial Strategy of Public Enterprise 2024/2026.*

Ladan i donn zot en pe bann plan stratezi sak bann SOEs. Zot vizyon. I montre menm...*total Revenue Expenditure. total assets, liabilities. So, i annan en element of fiscal risk as well.*

Nou'n vwar ki i annan *significant* lenformasyon ki'n ganny mete. E ladan osi ki zot in fer anba sak SOEs pou met en pe kekfwa bann *loan*

lobligasyon - *reporting obligation* ki zot annan.

So nou a travay avek *PEMC* si nou vwar ki i annan bann lezot dokiman ki espesyalman letan nou pe prepar Bidze 2025, si nou bezwen *improve* li.

I premye fwa ki zot in konsolid sa dokiman. Aktyelman i en dokiman *almost* 200 paz konpare avek dan lepase kekfwa ti apepre 50 paz. So, i en keksoz ki nou felisit sa bann *staff* osi sa lannen ki zot in donn en pe plis latransparans lo kote *SOEs*. Me nou a travay avek zot.

E konzwentman osi nou konnen par egzantp lo kote *Net Lending*, apard ki sa bann odit ki nou, nou fer. I annan bann odit ki sa bann lorganizasyon enternasyonal zot fer lo sa proze ki nou, nou bezwen *report to on an annual basis*. E letan zot konplet sa *loan*, zot fer sir ki zot vin Sesel e zot konplet en lot odit osi.

So, sa osi si i annan okenn lezot dokiman ki nou kapab atase avek en pe plis avek sa bann dokiman, ki nou fer en pe plis latransparans. Mersi.

MR SPEAKER

Mersi. Mon napa lot kestyon. SS, avan nou al lo *vote*, mon bezwen demann ou eklersi en

keksoz si mon sif i korek. E eskiz mwan si mon pe mal soz. Sa sif R128 milyon 509 mil *is the right amount?*

Akoz dan liv, mon war sa sif i al kont dan laliny *PUC On-lending*. Tandis ki apre sa 2 sonm *repayment, total Net Lending* dan sa liv i paret zis R22 milyon 840 mil. So zis konfirm avek mwan ki nou pe al *vote* lo bon sif la? Yes, SS Payet.

SS PATRICK PAYET

Mersi Mr Chair. Kefkwa zis pou eksplike, kekfwa latansyon piblik osi; ki letan ou pou regard sa sonm lo paz 35, zot pou vwar ki *PUC On-lending* i R128 milyon 569 mil. E sa ki nou'n mete dan Bidze, aköz i sa larzan adisyonnèl ki zot pou depanse ki pou sorti dan *Consolidated Fund*.

Me tandis ki sa *PUC repayment* parey zot tou zot konnen, letan ou'n donn zot *Net Lending* apre *eventually over* mwayen term zot pou bezwen repey ou letan ou pe pey sa *loan*. So, sa sonm ki nou'n met li dan *bracket* pour *PUC* avek *DBS*, i aktyelman bann reveni ki Gouvernman pe kolekte.

So, *this is why* ki nou pe demann aprouvasyon, zis pour sa sonm ki nou pe depanse, ki pou en lavalè R128 milyon 569 mil. So, i korek Mr Chair.

MR SPEAKER

Mersi. Nou a kapab prosede lo *vote*. Bidze pour *Net Lending* pour en total R128 milyon 569 mil – Manm ki an faver lev lanmen silvouple? Mersi. Manm ki kont? Lo Bidze *Net Lending* pour R128 milyon 569 mil, 22 Manm in *vote* pour, 0 kont, 3 Manm in *abstain*. Bidze in aprouve par Lasanble.

Development Grant to Public Enterprises**MR SPEAKER**

Nou a regard Bidze *Development Grant to Public Enterprises* osi lo paz 36. Non, i lo paz – *yes*, i lo paz 36 li, *yes*. Minis, ou a donn nou lentrodiksyon parey labitid.

MINISTER NAADIR HASSAN

Mersi Mr Chairman. Bann lantrepriz piblik in ganny en sonm R103.423 milyon pour bann proze kapital; sa i R10 milyon pour *SPTC*. R53.423 milyon pour *PMC - Property Management Corporation*. E R40 milyon pour *PUC*. Mersi Mr Chairman.

MR SPEAKER

Mersi. Onorab Gill, *yeah?*

HON CHURCHILL GILL

Mon kestyon i lo *Property Management Corporation*. Pli boner ler nou ti – ti annan bann provizyon ki bann lasistans – diferan lasistans ki bann dimoun pou gannyen. Bann sif ki nou ti ganny dir ti montre – ti kler ki pa bokou dimoun ki ti pe benefisye menm si ti annan sa bann provizyon. Bann *actual payment* ki ti'n ganny fer. Bann lasistans.

Be dan sa 53 mil – 53 milyon, son *purpose* i pou egzaktaman kwa? Akoz lo la i pa mete ki egzaktaman pou ganny fer avek. Si ou kapab dir nou son *purpose* pou nou konnen si i pe al dan menm benefis kot dimoun pou ganny asiste pour plizyer proze, oubyen *otherwise?* Mersi.

MR SPEAKER

Thank you. Minis?

MINISTER NAADIR HASSAN

Mersi Mr Chair. Mersi Onorab. Mr Chair, mon a pas laparol avek Mr Commettant ki osi *Chairman PMC*. So, i pe met 2 sapo la, mersi.

MR SPEAKER

Byen. Mr Commettant?

CHAIRMAN PMC JUDE COMMETTANT

Thank you, Mr Chair. Thank you Onorab osi pour ou kestyon. Annefe sa larzan osi i pa pou egzakteman pour okenn programm spesifik. Me, i plito pour repeyman *loan* ki ti ganny pran atraver Gouvernman.

Pour proze lakaz mon pa konnen si nou rapel ler nou ti pe inisyé bann Proze 24-24 kot nou ti *seek funding* pour sa bann proze. E son *mechanism* ki ti ganny servi sa letan se i ti pas atraver *PMC* pour son finansman.

Well, larzan ti pas atraver *PMC* pour finansman sa bann proze. E Gouvernman i bidzete *repayment of that loan through PMC*. Se sa ki ou war sa provizyon tou le lannen nou mete *until* konplesyon repeyman. Mersi.

MR SPEAKER

Mersi. Onorab Pillay, ou ti'n lev lanmen?

HON SEBASTIEN PILLAY

Mersi Mr Chairman. Mr Chairman, mon ti a kontan ki anba sa premye laliny *SPTC Domestic Financing* – kwa egzakteman ki nou pe *provide domestic financing for* pour *SPTC*? Sa *PMC* i konsern sa repeyman *loan*. Sa nou konnen.

Be *regarding* sa *Public Utilities Corporation Local*, la, e

sa i paret mwan en *local component*. Eski sa i zis – mon pe klarifye aköz mon pe vwar lamazorite bann *areas* kot *PUC* pe ganny son larzan i fini de fini. Eski sa i zis en provizyon ki Gouvernman pe mete?

E eski la, vi ki ou annan en provizyon ki pe ganny mete, e lefe ki Minis Derjacques in agree ek Lasanble ki travay ki pe ganny fer lo semen La Digue i devret ganny revwar - Aköz dapre Minis Derjacques, in fer en *statement* dan Lasanble i pa alaoter ki *Land Transport* ti pe ekspekte i annan en problem.

Eski sa pa kapab en landrwa kot Minister Finans i *advise PUC*, oubyen *provide* en provizyon pour *PUC* fer en meyer travay dan reabilitasyon bann semen lo La Digue, parey mon koleg Onorab Rocky Uranie, Manm Elekte pour distrik La Digue – distrik *Inner Islands* e ki reste La Digue pe demande? Mersi Mr Chairman.

MR SPEAKER

Mersi Onorab. SS?

SS PATRICK PAYET

Mersi Mr Chair. Mersi Onorab. Lo kote sa provizyon ki nou'n mete pour *PUC* R40 milyon, parey zot konnen ki *PUC* i annan en *number of* proze pou li konplete lannen prosenn. E i

dan bann diskisyon ki nou'n diskite avek PUC, ki sipor adisyonnèl Gouvernman i kapab donn li.

I annan ki par egzant letan nou negosye avek PUC nou vwar ki; be *ok*, ki zot kapab rod bann finansman adisyonnèl. Me sepandan ki nou'n vwar ki lannen 2024 nou kapab donn li en sipor sibvansyon 40 milyon. Me i deza annan bann proze baze lo son lalis.

Me *to go back to specific*, kekfwa lo kote sa ki Minis Derjacques in mansyonnen, nou ava revwar en pe kwa ki Departman Transpor in dir. Nou, nou ava diskite en pe avek li pour nou revwar en pe ki – kwa ki sipor ki nou donn li. Me selman mon krwar ki Minis i annan en lot...

MR SPEAKER

Yes, Minister?

MINISTER NAADIR HASSAN

Mersi Mr Chair. En keksoz osi ki nou bezwen evalye. E si i en *case* kot kontrakter dan son kontra ti annan reabilitasyon semen *as part of* sa proze, e i pa'n fer sa lo standar ki ti devret, sa osi i annan en kestyon pou ganny reponn lo kote si kontrakter in *meet* son lobligrasyon ki ti dan kontra.

So, sa evalyasyon osi i bezwen ganny fer e asire ki si dan kontra ti dir *rehabilitation of the road* e i pa'n ganny fer lo standar. I bezwen annan serten konsekans osi la. Mersi.

MR SPEAKER

Mersi. *Yes*, ou le klarifye Onorab?

HON SEBASTIEN PILLAY

Mersi Mr Chairman. Wi mon le klarifye. Nou le met lanfaz lo sa morso aköz vi ki sa i larzan *taxpayers* ki nou pe donn PUC e PUC in *subcontract*. In donn en kontra en kontrakter.

Me nou annan en antite Gouvernman ki li in konfirm ek Lasanble – nou kapab donn ou *verbatim*, ki zot pa satisfè avek travay ki pe ganny fer. Aköz i dir ou en kote semen i desann, en kote i monte. E dimoun La Digue pa satisfè avek sa sityasyon.

E mon krwar i en keksoz serye aköz *given the rustic appeal of* La Digue, i enportan ki nou met en lanfaz lo Bidze pe fini, ki i annan en mobilizasyon ki ganny fer *come next year, early next year* pour nou kapab dil ek sa sityasyon.

Se pour sa rezon ki nou pe dir avek ou nou pe met lanfaz lo la pour ki – mon konpran ou largiman lo kote kontrakter, me

si ou al dan en *process* pou regard si kontrakter in byen fer oubyen pa'n ganny fer, *that can be something* ki Gouvernman i *ascertain*. Travay i ganny fer. Sa kontrakter i de domaz Gouvernman pour bann keksoz an plis ki Gouvernman i bezwen peye.

But what we need from you is at least ganny en commitment that you will treat the matter seryezman. E ki i ava annan en larepons ki ganny kominike avek Lotorite Distrik La Digue ki pe met presyon, pour ki i annan en meyer travay ki ganny fer. Mersi Mr Chairman.

MR SPEAKER

Minis, wi?

MINISTER NAADIR HASSAN

Mersi Mr Chair. Onorab, anefe mon ti La Digue *weekend* – Sanmdi. E mon'n war leta semen. E mon zis *visually* ou war poudir i pa'n ganny fer lo standar. Akoz kot bann *pipes* in pase zot in fouye, i desann.

So, mon toutafe dakor ek ou poudir *it's a matter of priority* pou fer sir sa semen i lo en standar ki ganny servi. Me *the point* ki mon ti pe sey fer se ki – ou konnen nou annan responsabilite. Minister Finans e zot konman Lasanble osi. E si

nou ki pe al met larzan pou aranz sa semen, *ok*, se *taxpayers' money*.

E si ti annan dan kontra ki nou bezwen regarde, poudir be sa semen ti bezwen lo menm standar ki avan louvraz ti ganny fer. Sa osi ou bezwen regarde.

So, dan proteksyon *taxpayers' fund* i enportan ki nou gete ki bor *liability* i ete.

So, mon pa le fer okenn komikman *in terms of* lekel ki pe al fer sa.

Me mon dakor avek ou pou dir nou bezwen anmenn sa semen lo standar ki i devret ete. Me selman nou bezwen fer li osi dan en fason ki nou protez *taxpayers*. Mersi.

MR SPEAKER

Mersi. Onorab Arissol?

HON SANDY ARISSOL

Mersi Mr Chair. Letan mon pe get pour *SPTC in terms of Domestic Financing*, mon rapel mon ti fer en leokri avek *SPTC* pour ki letan i ava ganny larzan a lavenir pou li kapab restriktir en pe son konvertir kot bann dimoun i asize. Parske i annan en pe konplent *in regards to* lapli, soley. Spesyalman bann dimoun Bel Ombre kot zot asize.

Dan letan ki nou pe pret li larzan pour li kapab organiz sa. Be sa ti en leokri ki mon'n fer avek li. Mon swete in ekoute, i ava kapab fer en keksoz pou amelyor sityasyon pour nou bann dimoun ki asiz anba *stand* bis pou esper zot bis.

Be mon kestryon lo la ki mon ti a kontan demann avek Minis; se letan nou pe fini nou pe al lo bann dernyen paz, i annan en antite mon pa war. Mon pa konpran aköz mon pa war li. Mon'n sey vire mon'n sey gete. *Air Seychelles*. Mon nepli vwar li dan paz. Oli li *Air Seychelles*? Ou kapab eksplik nou en pti pe? Mersi Mr Chair.

MR SPEAKER

Panel? Minis?

MINISTER NAADIR HASSAN

Mersi Onorab. Lo kote *SPTC*, nou a met sa pwen devan. E zis pou klarifye la, ou pe *mean* kot *stand* bis ou? Pa bann pti *shelter? Main stand* bis. *Ok*, nou a met sa a laporte Minis Derjacques lo kote sa defayans ki annan.

E lo kote *Air Seychelles*, mon krwar nou tou nou *happy* ki nou pa war li la. Mon sertennman in donn mwan en kantite *nightmare*. E pareyman SS. So annou kontin-yen priye

ki nou pa war *Air Seychelles* la. Mersi.

(APPLAUSE)

MR SPEAKER

Ok. Mr Commettant i le azoute?

**DEPUTY COMPTROLLER
GENERAL JUDE
COMMETTANT**

Thank you, Mr Chair. Zis mon ti le fer sorti, aköz ler nou fer bann prozeksyon nou osi demann *investment plan* bann *SOEs*. E *SPTC* dan son *investment plan* in *actually* fer en provizyon *at least*.

Pour *building infrastructure and expansion* an 2024 *worth* R40 milyon. So, i en keksoz ki nou kapab get avek *SPTC* pou fer sir si sa i *actually* pe kouver sa.

MR SPEAKER

Thank you. Onorab Henrie?

HON GERVAIS HENRIE

Mersi Mr Chair. De pti kestryon be selman dan menm direksyon lo menm antite la. I annan dabor *SPTC* ki nou vwar i annan en *domestic financing*.

Now, *SPTC* par lefet ki 40 mil ou plis travayer i servi *SPTC* toulezour pou al travay e retourn dan lakour, ki pey en servis. Bann dimoun aze i

gratwit, me selman i annan en laliny dan Bidze kot Gouvernman i rann SPTC sa larzan.

Selman *still* i annan en leokri; pri bis fodre desann. Pri bis fodre desann. Be selman la mon war poudir i bezwen vin kot Gouvernman pou ganny en larzan konsekan parey la.

So ki mannyer nou marye sa de zafer ansanm ek permet sa pri bis tonbe, selman nou kontiny-en *taxpayers* finans li atraver Bidze?

E lot i *Property Management Corporation*, ki li bann dimoun i peye son lakaz. Eski savedir bann dimoun ki dan lakaz ozordi zot pe pey en pri sibvansyonnen, ki fer ki i bezwen vin kot Gouvernman pou rod sa sonm 53 milyon?

E mon pe war poudir *it goes back* depi – la devan nou i 2022. Be probableman depi avan sa pe peye. So eksplik nou sa zafer pri bis, eski i kapab tonbe? Ou eski pri lakaz Sesel pe ganny sibvansyonnen pour bann dimoun ki pe reste dan bann lakaz *PMC*? Mersi.

MR SPEAKER

Panel? Minis?

MINISTER NAADIR HASSAN

Mersi Mr Chair. Mersi Onorab. Onorab, *assessment* ki'n ganny

fer lo *breakeven point in terms of *PUC – sorry, lo SPTC*. E sa nou pe regard li pirman lo zis son kou operasyonnel, en. Pa *investment required* pou ranplas *fleet* pou fer bann lezot lenvestisman. Me zis kou operasyonnel pou li *breakeven*.

Son pri ki i *breakeven* se R15 bis. *Ok?* Savedir la i R10. Son *breakeven price without taking into account investment need*, i R15. Savedir si Gouvernman pa pou donn okenn sibvansyon, pri pou mont R15 pou li kapab *breakeven*.

Me akoz Gouvernman i donn en sibvansyon *SPTC* ki i *subsidize* pri bis, *SPTC* i kapab sarz en pri R10. Si ou pou fer li - ou pou le fer li desann pli ba ankor, savedir son kou sibvansyon pou kontinyelman monte. So, la i realite sityasyon finansyer *SPTC*.

Lo kote *PMC*, wi nou kapab konfirman poudir pri sa bann *unit* lakaz i *at a subsidized price*. E sa fasilite la *relates to en loan* ki *PMC* parey Jude in dir, ti pran e ki prezan pe ganny repeye dan konstriksyon bann lakaz. Me selman pou konfirman, wi sa bann *unit* i *heavily subsidized*. Mersi.

MR SPEAKER

Mersi. Onorab Cosgrow?

HON WALLACE COSGROW

Mersi Mr Chair. Mr Chair, mon osi mon pou al lo sanmenm sa 2 laliny la. Annefe, mwan letan mon get sa zafer *SPTC* la en, mon war en loportinite pour nou – menm si Minis petet pa agree.

Me selman mon war en loportinite pou nou fer desann kou lavi pour en gro group Seselwa.

Mon dakor i annan serten nivo sibvansyon ki bezwen ganny donner. E la kot nou, nou difere an term Polisi, an term prensip avek lot kote latab. Nou, nou santi ki poudir ozordi mazorite Seselwa pe desann pou al travay, pe mont kot zot dan bis *SPTC*.

So si i neselit ankor en pti morso sibvansyon *from taxpayers' money*. Bann ki annan plis. Biznes ki annan plis i *subsidized* kou depans lavi mazorite Seselwa, mon krwar ki i en depans ki vo lapenn. E mwan mon ti ava demande pour ki nou kapab get ladan.

Dezyenm Mr Chair, i konsernan *PMC*. Yer ler Minis ti la, Minis Rangasamy ti dir nou poudir i annan serten proze ki petet *PMC* i devret pe kapab servi son prop Fon pou investir.

En legzanp; *Société du Logement*, Belvedere – kot i dir i annan serten travay ki kapab ganny fer par *PMC* li menm pou fer serten amelyorasyon lo sa landrwa.

Be ler mon pe war sa 53 milyon, mon ti a kontan petet konnen; eski pou annan okenn lefe lo abilite *PMC* pou li kapab fer serten lentervansyon dan sa bann diferan landrwa kot i annan serten *issues* ki nou konnen?

E zis an pasan mon bezwen dir ki ankor an term prensip sa zafer sibvansyon pour lakaz pour Seselwa, se en prensip ki nou lo sa kote latab nou enn ki nou for ladan. E ki nou'n fer li pour en bon pe letan. E ki sanmenm sa ki ou war ozordi, en kantite Seselwa i annan zot prop lakaz. Mersi.

MR SPEAKER

Mersi. Minis, *yes?*

MINISTER NAADIR HASSAN

Mersi Mr Chair. Mersi Onorab pour ou kestyon. Onorab i enteresan sa pwen ki ou'n fer lo pri bis. Akoz lenformasyon ki nou nou'n war se ki *Cabinet* – avan nou *Cabinet* pour nou. Ou *Cabinet* oparavan ki ou, ou ti form par ladan, ti aprouv pri bis a R10 bis. E ti menm dan *speech* Bidze Minis presedan,

Minis Larose. Minis Larose. E selman apre ti fer desann R7. So, mon mazine kekfw ki ou pozisyon in sanze *between* ler ou ti dan Gouvernman e ler ou dan Lopozisyon.

(laughter)

MINISTER NAADIR HASSAN

Selman mon ti anvi zis met devan poudir *Cabinet* ki ou ti par dan Gouvernman ti'n aprouv en bis...

(Interruption)

MINISTER NAADIR HASSAN

Ti'n aprouv bis R10, Onorab. So kekfw i annan en pti sanzman in arive lo la. Dezyenm bout kestyon mon ava pas avek SS pou reponn. Mersi.

SS PATRICK PAYET

Mersi Mr Chair. Mersi Onorab. Sanmenm sa ki parey Minis in anonse dan Bidze, nou pe travay avek *PMC* lo kote – aköz Gouvernman pe konstrir lakaz, i pe *pass on to PMC*, son abilite i pe ganny en *stock of asset* ki i pe ganny reveni lo la san kekfw li i pe fer lenvestisman.

So en formel ki nou pe diskrit avek *PMC* son striktirasyon, pour li kapab demen fer bann lezot proze. Ed Gouvernman pou fer bann lezot

proze lakaz. E par egzantp legzanp ki'n ganny donnen par Minis *yesterday*, sa en keksoz ki nou pe travay konzwentman avek zot.

Me tandis ki sa enn ki *specific* dan *Development Grant to Public Enterprise* ki nou'n mete dan Bidze, wi, sa Gouvernman pe peye aköz kekfw si nou remet ankor sa lo li, i pou napa sa abilite kekfw demen baze sa nouvo model ki nou anvi met devan. Mersi.

MR SPEAKER

Wi, si mon pa'n mank okenn Manm, nou a pran *vote* lo sa Bidze *Development Grant to Public Enterprises* lo paz 36 sa seksyon pour en total R103 milyon 423 mil. Manm ki an faver lev lanmen silvouple? Mersi. Manm ki kont?

Lo Bidze *Development Grant for Public Enterprises* pour R103 milyon 423 mil, 22 Manm in *vote* pour, 0 kont, 1 abstansyon. Bidze in aprouve par Lasanble.

SUBVENTION TO PUBLIC ENTERPRISES

MR SPEAKER

Nou'n ariv lo nou dernyen seksyon; *Subvention to Public Enterprises* ki lo paz 33. Sa seksyon pour en total R48

milyon 958 mil. Minis, ou lentrodiksyon?

MINISTER NAADIR HASSAN

Mersi Mr Chair. Sibvansyon pour Lantrepriz Piblik anba sa *vote* pour lannen 2024 i R48.958 milyon. Sa bann sonm i pour bann antite swivan;

Seychelles Postal Services Company R4 milyon.

SPTC R38.8 milyon.

Guy Morel Institute R2 milyon.

Seychelles Conservation and Climate Adaptation Trust SeyCCAT R1.158 milyon e *Paradis des Enfants* R3 milyon.

MR SPEAKER

Mersi. Okenn kestyon Onorab Pillay?

HON SEBASTIEN PILLAY

Mersi Mr Chairman. Mr Chairman mon revwar laliny ki nou annan dan sa Bidze pour *Seychelles Postal Services Company*. Nou revwar laliny pour *Public Transport Corporation*.

And then mon vwar laliny pour *Climate Adaptation Trust Fund*. Selman an relasyon avek *Postal Services Company* Mr Chairman, mon ti a kontan dir mersi bann travayer Lapos. Mon konnen parfwa zot pas atraver plizyer kritik.

Me selman mon konnen zot tou zot sey zot mye pou delivre. E mon krwar zot *deserve* ki nou apresye travay ki zot fer. Sirtou la pandan letan Nwel kot nou konnen pou annan en kantite travay pou zot fer.

An relasyon avek *Seychelles Public Corporation* Mr Chairman, mon vwar ki nou pe bidzete en *subvention of 38 million, ok?* E taler nou'n fek ganny sa diskisyon lo pri bis. E mon kontan note ki Minis i vremen vit e *sharp* ler pou atak nou.

Me i paret i napa larepons ler ou demann li par egzanp; kontra – ou demann li *tender document* pour *West Coast Road Development*. I pa kapab donn ou.

Ler ou demann li si larzan ki nou pe ganny lo *lease* ki nou pe gannyen avek Ile Longue – la krwar mon pa konnen si nou'n vann Ile Longue ek Arab oubyen si nou pe *lease* li ek Arab? Si *Cabinet* in donn sanksyon oubyen non, larzan ki nou pe al gannyen? Sa i pa kapab dir nou. Ti kapab pran sa larzan pou fer desann pri bis.

E mwan mon kapab dir li ki mon ti dan 6enm Lasanble ler Gouvernman ti anmennen, *at least* nou konman en *Caucus* dan Lasanble ki ti an minorite,

nou ti fer nou Gouvernman revwar son desizyon.

Me sa enn ki la li in les Gouvernman ale fer monte pri bis. Ozordi dimoun pe soufer.

(Interruption)

HON SEBASTIEN PILLAY

Sa enn pa'n kapab li. Ou konpran? So kestyon ki – kestyon ki mon annan...

MR SPEAKER

Wi?

HON SEBASTIEN PILLAY

Kestyon ki mon annan Mr Chairman se; dan sa 38.8 milyon ki nou pe donn *SPTC*, *ok*? E nou konnen in annan plizyer konplent, plizyer friksyon lo nivo *SPTC*, lo nivo son operasyon ant drayver eksetera. E mon pa ti a kontan ki sa bann friksyon i kontinyen ki i afekte nou – nou sa. Ki nou pe donn zot sa 38.8 milyon pou zot fer avek egzakteman?

E ki manner nou pe regard le fitir avek *SPTC*, pou nou asire ki i reste en parti entegral kot i anploy plizyer Seselwa e me ki i osi *provide* en servis pour lamazorite Seselwa? E Onorab Cosgrow i annan rezon. Lamazorite Seselwa i desann dan bis bomaten. Pa nou tou ki kapab aste *twin cab*.

E si nou demann pou fer desann pri bis, napa naryen mal Mr Chairman. E Minis pa devret pe ankoler. Mersi.

MR SPEAKER

Minis? *Panel? Yes, Minister?*

MINISTER NAADIR HASSAN

Mersi Mr Chair. Zis pou mwan asir Onorab, i pa ti en latak. Mon ti pe zis *state* en fe. Pa pran li konman en latak Onorab e mon *apologize* si ou'n war li koumsa. Mon ti pe zis *state* en fe. Lo kote ki ti pe fer ek sa 38.8 milyon, mon a pas avek SS. Mersi.

MR SPEAKER

SS, silvouple?

SS PATRICK PAYET

Mersi Mr Chair. Mersi Onorab. Lo kote sa R38.8 milyon ki'n ganny *allocate* pour *SPTC*, parey zot konnen sa i pour zot sibvansyon pou ed zot lo bann kou operasyonnel.

Ladan 28.8 milyon parey zot konnen i pour sa *subsidization* ki ganny fer lo kou transportasyon pour *elderly* avek *the people with disability*. 28.8 milyon.

E 10 milyon i sa sibvansyon ki nou pe donn zot baze lo sa *negative cash flow* prozeksyon. E sa par egzanzp zot

kapab vwar li dan sa *restatement analysis* ki *PMC* in fer. Mersi.

HON SEBASTIEN PILLAY

Mersi. Mersi Mr Chairman. Mr Chairman, an relasyon ek sa larzan ki nou pe donn *SPTC*, eski zot pe fer okenn – akoz mon konnen *SPTC* i fer *procurement of parts*. E i annan en sityasyon *procurement* kot i bezwen *store* son bann *parts* son bann bis. E sa i kapab en *area* ki bezwen ganny gete pou asire ki i annan *maximum efficiency*.

Eski Minister Finans i fer okenn travay pou *monitor* sa laspe travay *SPTC*? E akoz toultan nou vwar ler i annan sanzman pou ganny fer, premye pou soufer se drayver bis. Me apre ou war poudir bann ki lo nivo *management* pa tro, tro ganny afekte.

So, eski Minister Finans i satisfé dan sa ki pe pase? E eski zot pe *monitor* kwa ki pe pase? E si – Mr Chairman mon'n bliye demande. *Sorry*, mon ti'n *raise* sa pwen lo konmansman.

Sa 4 milyon pour *Postal Services Company* ki mon war nou kontin-yen. Me ki apre en pe letan ou pe war bann *courier services* pe pran bokou plis plas. Dimoun nepli anvoy kart Nwel. Dimoun i anvoy *eCards* konmela.

Eski sa i ase pou dil avek – retenir bann dimoun ki travay kot *Postal Services*, e asire ki nou bann frer ek ser Seselwa i ankor annan en lanplwa? E ki sa larzan i aste *basically* – pe donner *basically*? Mersi.

MINISTER NAADIR HASSAN

Mersi Mr Chair. Mersi Onorab pour sa kestyon. Mon a pran premye kestyon lo *Postal Services*. *Cabinet recently* in aprouv en nouvo model biznes pour *Seychelles Postal Services*.

E pou annan konstriksyon en nouvo *warehouse* pou nou bouz *Postal Services* dan sa nouvo *era* ki egziste. Parey ou pe dir; *Christmas cards*, let, tousala pe disparet. So, i bezwen annan en nouvo model pour *Postal Services along the lines of e-commerce and all*.

E i annan sa model in ganny prezante ek *Cabinet*. In ganny aprouve e i pou konmans ganny enplimante lannen prosen. E *financial projections* ki'n ganny fer pour sa se ki *Seychelles Postal Services* pou *turn from* en antite ki bezwen sibvansyon *to* en antite ki kapab pey Gouvernman *dividends*. *Ok?* So, sa i lo kote *Postal Services*.

Lo kote *SPTC*, SS i enform mon poudir i annan odit ki'n ganny fer dan lepase lo *usage of*

bann *funds* ki ganny sibvansyonnen avek bann antite koumsa. Mersi.

MR SPEAKER

Mersi Minis. Onorab Henrie?

HON GERVAIS HENRIE

Mersi Mr Chair. Dabor mon ava dir mersi pour sa sonm sibvansyon la pour *SPTC* akoz i a permet tou bann travayer desann al travay. Al travay ganny en saler ki i pti gin, ki i bokou. Selman zot a ganny en saler pou permet zot fer zot fanmir viv e pa soufer dan sa pti Sesel tre zoli.

Mon kestasyon i lo *Paradis des Enfants*. 2024 an montan en sonm 3 milyon i retournen. Kan 2022 ziska sa lannen la, ti napa. *So, what is the story behind the allocation?* Mersi.

MR SPEAKER

Mersi. SS, wi?

SS PATRICK PAYET

Mersi Mr Chair. Mersi Onorab. Mr Chair, letan ki nou ti pe travay parey zot konnen dan lepase, nou ti'n met sa provizyon anba *Mayor of Victoria*. Nou vwar ki i pa ti *fit* sa striktir ki nou ti'n mete.

Letan ou regarde akoz *Paradis des Enfants* i ankor en

SOE. I pe bezwen sibvansyon avek Gouvernman.

Sanmenm sa ki nou'n decide met li dan son striktir ki i pli konvenab. *So, this is why* ki nou'n remet li *again* dan sa sibvansyon. Me selman i ti la anba *Mayor of Victoria*. Mersi.

MR SPEAKER

Thank you SS. Onorab Cosgrow?

HON WALLACE COSGROW

Mersi Mr Chair. Mr Chair, mon krwar nou reste lo sa laliny *SPTC*, en. Nou reste lo la akoz lenportans - ankor mon souliny lenportans ki *SPTC* i annan ver mazorite lakominote Seselwa ki servi bis *SPTC* pou kapab ankor desann pou al travay, e pou tourn se zot apre travay. E mwan mon santi si i annan en posibilite ki nou kapab – si i annan en posibilite...

Mon konnen Bidze pou al ganny aprouve probableman. Si nou kapab rod en fason pou *increase* en pti pe sa bann sibvansyon ki nou donn *SPTC* sirtou. Anvi ki sa i ava ede petet pou tous sirtou lo pri bis, ki ozordi i annan dimoun pe fer 4 *trip*. 4 *trip*; 2 bomaten, 2 apre midi pou kapab tournen. E i *costly*. I vreman *costly* pour zot.

Sirtou ler saler pa sitan o parey mazorite sa bann dimoun

ki servi sa bann transportasyon. So si i annan en posibilite. Menm *Mid-Year Review* dan milye si nou kapab aranz sa e fer desann pri bis. E menm osi revwar saler bann dimoun *SPTC* ki zot saler i bokou, bokou pli ba konpare avek serten *management* ki bokou, bokou pli o.

MR SPEAKER

Mersi.

HON WALLACE COSGROW

So, mon pledwari lo la i se sa. Si i annan en posibilite? Mersi.

MR SPEAKER

Mersi Onorab. Mon asire Minis i annan *sore* dimoun ki travay *SPTC* e ki vwayaz lo bis a ker. E i a gard sa an tet mon asire. Minis, ou ti le fer remark lo? Wi?

MINISTER NAADIR HASSAN

Mersi Mr Chair. Mersi Onorab. Mon war ou pasyon pour *SPTC* e mon apresye sa. E mon note ou propozisyon ki ou'n fer. E mon vreman kontan ki ou'n sanz ou nide e ou'n war valer *SPTC* ozordi.

(laughter)

MINISTER NAADIR HASSAN

So, chapeaux Onorab Cosgrow. Mersi.

(APPLAUSE)

MR SPEAKER

Thank you. Onorab Gill? Onorab Gill?

(Interruption)

HON CHURCHILL GILL

Mersi Mr Chair. Mon kestyon i lo *SeyCCAT*. Parey i kler lo dokiman la ki *SeyCCAT* sa 3 dernyen lannen pa'n aparet la dan Bidze. E la nou'n vwar 1.1 milyon in ganny mete. Si nou kapab ganny en leksplikasyon akoz ki la pour 2024 i aparet la? Mersi.

MR SPEAKER

Mersi. SS, wi?

SS PATRICK PAYET

Mersi Mr Chair. Mersi Onorab. Mr Chair, letan ou regard *SeyCCAT* striktir ki – endirekteman i ti pe gannye en pe sa sibvansyon. Par egzanp ozordi dan *blue bond proceed*, i ti pe ganny li en *management fee*, apre bann *monitoring and evaluation officer*. So deza i ti pe gannye.

Me akoz *the grant* avek *the blue bond*, son kontra i fini an

Zen lannen prosenn. *This is where* ki nou'n fer sir ki sa larzan i ganny mete *properly* dan Bidze. Mersi.

MR SPEAKER

Thank you. Onorab Romain?

HON GEORGES ROMAIN

Mersi Mr Chair. Minis, ler mon'n ekout lo kote *SPTC* sa 38 milyon. Mon pa'n tande vreman, eski zot pe ganny nouvo bis *SPTC*?

Aprè vitman, zot pe mazin osi kekwfa dan le fitir met *Wi-Fi* dan tata? Mersi Mr Chair.

(laughter)

MR SPEAKER

Mersi. Minis oubyen – *ok, data* dan tata mon krwar i pa... I pa tro dan Bidze. Me Minis, nouvo bis? *SS, yes?* *SS* pou annan en remark?

SS PATRICK PAYET

Mersi Mr Chair. Mersi Onorab. Lo kote *SPTC*, ou ti pou vwar sa dan *Development Grant*. E parey ou pou vwar dan *Development Grant*, mazorite bann bis i pou'n gannye sa lannen.

Me tandis ki an 2025 ki nou potansyelman pou ganny sa bann lezot nouvo bis. Me selman prosedir pou konmanse

2024, ki pou fer sir *by 1st quarter* 2025. Mersi.

MR SPEAKER

Mersi *SS*. Bon avek sa nou a *vote* lo Bidze pour *Subvention to Public Enterprises* ki dan sa seksyon 2 lo paz 33, pour R48 milyon 958 mil. Manm ki an faver lev lanmen silvouple? Mersi. Manm ki kont?

Lo Bidze *Subvention to Public Enterprises* pour R48 milyon 958 mil, 24 Manm...

Lo Bidze pour *Subvention to Public Enterprises* pour en total R48 milyon 958 mil, 24 Manm in *vote* pour, 0 kont, 1 abstansyon. Bidze in aprouve par Lasanble.

Avek sa, nou'n ariv a lafen *Committee Stage*. In en long travay. E mon kontan ki nou'n kapab fini li a tan ki nou ti'n predir. E mon vreman bezwen remersye kontribisyon bann Manm. Me kontribisyon bann antite ki'n vin devan nou.

Nou a pas dan staz Lasanble pou nou fer zis enn de pti lanons. E si bann zofisye Minister Finans i kapab...

Motion? Non mon pe al adres sa. Madanm Clerk? E mon le dir pou dir i vreman apropiye ki se Minister Finans son bann zofisye ki'n avek nou a lafen, aköz se zot ki'n akonpany nou toultan tou

dilon sa prosesis depi ladres Bidze ziska lafen *Committee Stage*.

Lo Mosyon pour *Third Reading*, mon konnen se *LGB ki own the Bill ki manager*. I pa la dan Lasanble e - Eskiz mwan, mon vremen demann en leskiz ki mon'n pran kont sa en pe tar. Alor mon vremen – mon vremen devret ti'n notifie *ABC* lo sa ki mon pe propoze. Me in pas en pe letan. Alor...

Non. Be, nou pou bezwen – mon pe propoze nou pou zis met Mosyon pour *Third Reading* ler Lasanble i rebran. Savedir nou pou *adjourn* lo *Committee Stage* la, e nou pou pran Mosyon lo *Third Reading* ler Lasanble i rebran. *Ok?* Mersi. Mersi pour zot konprenezon.

Enn de pti lanons ki anlanye avek sa; Lasanble pou rebran Lendi le 4 Desanm. Dan *Assembly Business Committee* nou'n dakor pou donn sa 2 zour poz, prensipalman pour Manm kapab ganny letan ratrape e konmans *focus* lo bann *Bills*.

Zot a note ki i annan serten *Bills* ki'n deza ganny met lo *Order Paper* e ki'n fer *First Reading*. E ki nou pou konmans avek. So nou a ganny sa letan pou konmans prepar nou pou pran sa bann *Bills*.

E osi vit ki posibil, nou pou fer Manm konnen bann lezot

Bills ki pe met pare, byensir an korperasyon avek *Bills Committee* ki a dir nou anmezir kisisa ki pe pare. E nou a kontinyen enform bann Manm lo ki mannyer nou *schedule Bill* pou ale.

An vi avek sa lefe ki nou pa pe zwenn sa 2 zour, mon bezwen anonse osi ki ti sipoze annan aktivite relye avek *HIV Aids Awareness* Vandredi. E mon'n koz avek dimoun ki pe organiz sa, e in propoze ki i anvoy program pour Lendi. So, sa program i a pas pour Lendi.

Donk, avek sa mon pe demann bann Manm konbran byen sa bann azisteman ki nou'n bezwen fer dan *schedule*. Sa bann keksoz i arive. Nou a pran li osi byen ki posibil. Me la i reste mwan pou repas lo remersiman pour bann zofisye Minister Finans avan nou kite.

E mon espere ki tou Manm i ava apresye sa 2 zour ki nou pou annan. E byensir zot ava annan dekwa travay devan zot. E osi ki zot apresye zot *weekend*. Mersi bokou. Nou pou *adjourn* e nou pou rebran Lendi le 4 Desanm. *Adjourn*.

(ADJOURNMENT)

